

kat.komp.



BIBLIOTHECA  
UNIV. JAGELL.  
CRACOVENSIS

42456


I

Mag. St. Dr. P



42456

I





1893. I. 28



# IESA VRVS ANIMÆ,

I N Q V O



Cuilibet Christianus iucun-  
do, pariterq; amano colloquio im-  
buatur, instruiturque; Deum cognos-  
cendi, timendi, nec non toto  
corde diligendi,

*Insuper per eiusmodi pia media eternam  
salutem nanciscendi.*

## Proverbiorum I.

*Sapientiam, & doctrinam stultia*

*despiciunt.* autor *Syman Mich.*

*Ex antiquo (Anno 1551) exemplari  
Gallico in lucem editus in Germani-  
cum idioma, nunc verò è Ger-  
mano in latinum*

*transpositus.*

*Text. pol. 1683.*

*Cum licet*

*16912  
Gen.*



724565

Cornua, cerne gerit, lector, sed cornua bina  
 Et Cerui & Tauri, Wessaliana Domus  
 Ille graui passu, celeri prior at pede praestat  
 Sicq; domi & campo candecet esse viros.  
 Cornua qui distincta scuto sunt atq; Coronâ  
 Heroes bello, pace simulq; notant.

STRISIMO ac MAGNIFICO  
DOMINO,  
FRANCISCO  
WESSEL,  
Palatinidæ Plocensi,  
&c. &c.

Terræ ac Districtuum  
Rozáneň, Mákouieň,  
&c. &c.

CAPITANEO.

Nec non Ordinis Seraphici Meczana-  
ti ac Patrono Amplissimo  
P. P. P.

**F**lorem decerpere, non abscondere  
arborem; ILLUSTRISIME ac MA-  
GNIFICE DOMINE, soli alieni fru-  
ctus, [dum id ars ac delectus expostulat]  
humiliter depromere, non indecorum  
esse aut inglorium; lucubrationibus re-



Etē uti alienis, non, actum in  
immò eximiam, insignemq; esse gloriā  
submonet eminentissime Eminentiss.  
Hugo Cardinal. confrontando exorū  
pr. dicationis Baptiste, primula p. di-  
cationi Christi; hic enim uerō quamlibet  
ipsa Sapientia, supremus Archiater &  
Magister, Angelorum adeo Doctor:  
Non est dedignatus ab eodem inchoare  
predicationem, à quo & Ioannes. Qui  
Matth. 3. v. 2. Penitentia agite &c.  
& c. 4. v. 17. Exinde cepit Iesus pra-  
dicare & dicere: Penitentiam agite:  
appropinquauit &c. porro dum rem ean-  
dem Christus cum suo praecursore dicere  
uoluit: quē ipsisissima sui discipuli  
uerba usurpauit, aut uel non tantillum  
discrepauit? Ut respondet Doctor, non  
confundantur predicatores &c. Non  
absimiliter & ego haud ignominiosum  
ac turpe, sed honorificum censui primulos  
conatus & lucem aliunde, ad instar Lu-  
cie à Sole, commendicare, ac ornamen-  
ta uertere mutuariq; aliena. Quanta-  
nam ego, ILLUSTRISSE AC MAGNI-

DOMINE, Ut in populo Christiano  
Catholico etiam vel non mea lecti-  
entur Scripta? aut quantula ingenij  
me eloquijq; facultas, ut vel Expositio  
Thesauri Anima, à me requiri possit?  
cui iure potissimo suffecisset (suadente  
Patriarcha meo Seraphico ac Sanctissi-  
mo) desiderare super omnia habere e Spi-  
ritum Domini, &c. orare semper ad  
Deum &c. habere humilitatem in sim-  
plicitate mea, nec non desiderio mori  
consequenda illius, (quàm paulominus se  
peruisse non difficetur Cytharedus) humi-  
litis. Quippe quoniam Monachi adeoq;  
Minorite (quod esse videor) peccato-  
ris [quod sum] muneris officij haud est;  
condocefacere; sed lugere: non mouere;  
ast moueri: non scribere; sed gemere.  
Attamen sicuti exstimulauit opinantem  
minimè, neq; [quod verius putes] ILLU-  
STRISSE AC MAGNIFICE DOMINE, per  
quietem in somnio videntem, ita & vi-  
cit, sollicitans, Magna auctoritatis, ma-  
ioris deuotionis ac pietatis, maxime pro-  
fecto



fectò ad culmen perfectionis adspira-  
t cum Christo in Cruce salutem in-  
ficiens cuiusdam Benefactoris animam,  
pij cruoris pretio, appretiati Redemptoris  
inuenta; ut ceteroqui in lucem iam, aq.  
edita et passim ventilata, etiamnum  
uniuersaliori lingua, veluti plurimis no-  
tâ ac peruiâ, saltè adumbrare ac publica  
presumpserim ostendere luci: qua indu-  
biè proferre, legendaq. sub optimis auspi-  
cijs Tuis ILLUSTRISSE ac MAGNIFICE  
DOMINE, ac impræsentiarum proponere,  
piâ præsidentia, contendo. Quidni con-  
tendam? munusculum ipsum quarere Te  
Patronum prensat et contendit: tanquã  
præ ceteris; et auctoritate pollentem, pie-  
tate ac prudentiâ præcellentem, in propu-  
gnatorem ac defensorem efflictim ac hu-  
mili supplicatione deposcit, ut si minùs,  
cùm exquisitorum apparatu verborum,  
cùm haud eleganti adeò sermone, (ut po-  
te principio suo impar,) Patroni saltem  
aqualitate gaudeat glorieturuè Sollicita-  
bas profectò et exposculabat auita Tua  
ac in-



innata quâ probitas atq; in agendo  
et in iustis; quâ splendor & dignitas  
Illustrissimi Nominis Tui, maius  
quodpiam digniusq;, atq; adeò, numeris  
omnibus, opus absolutum: sed quis à pau-  
perè nisi perexiguum; aut vel panissimè  
nisi nihil spectare solet? Nihilominus sol-  
licitare non cessat exile vileñe quàmli-  
bet opusculum, & qualisqualis etiam  
vel mutuata opella: cui ultrò calcar  
addit, perquàm generosi ac planè Prin-  
cipis animi Tui comitas, quâ indiscri-  
mitatim summos, infimos & medioxi-  
mos excipis, peculiariter verò perpaupe-  
rem Ordinem nostrum, omnes ac singulos  
eius alium nos complecteris, beneficijs in-  
cessanter prosequeris, eleemosinis indefes-  
sè alis & nutris, ac verè paternè foves;  
imitando quodammodo Eū [dixerim si-  
ne fūco, aut vel colore quodam quasito;  
ne modestissimas Tuas offendam aures,  
nec vel Tuae modestia sim molestia] qui  
pertrasiit benefaciendo. Testis est pauper-  
rimus Conuentus noster, qui buccella tua,  
quam


Quam nunquam commedere solus Illu-  
STRISIME ac MAGNIFICE Dominus,  
suæsti, in dies planè est participium.  
rumpere silentium iam iamq̃ uetrectum,  
refert, dum nihil minùs pati soles, quàm  
laudes etiam modestissimas. Accipe  
igitur solitâ tuâ humanitate et clemen-  
tiâ, Thesaurum hunc, non ut illo dite-  
scas, sed alios dites. ac ditescere facias.  
Nostrarum interim partium erit, Deum  
assiduè deprecari, ut Te periclitanti  
Patria longos seruet in annos, ac felici-  
tet, donec Vita saturum Cælo transcri-  
bat, quod ardentissimis votis exani-  
mitus opto ac precor.

Illustrissimæ ac Magnificæ  
Dominationis Tuæ

humillimus

Sacellanus

Fr. Michâel



## PRÆFATIO AUCTORIS.

**Q**UOD maiorem rationem, noticiam, & experien-  
tiam homo concepti habet beneficij, & illo in-  
gratus est; eod, è conuerso, vel maiorem poenā pro-  
meruit & luere debet. Qui verò prædictum reco-  
gnoscit, aut recolit beneficium, huic vel iure natu-  
rali, & maior Charitas exhibenda & amicitia com-  
monstranda. O amantissime Domine Iesv, omnes  
codices, volumina & libri pleci sunt noticiā & ve-  
rā scientiā, quam de tua Maiestate suprema, Divi-  
nitate vel ( vt sic dicam ) Deitate sanctissima, tuo,  
inquam, ætiterud ac Cœlesti Patre habere tene-  
mur, & quod Sanctum Euangelium sanguine  
tuæ p̄tiosissimæ humanitatis depictum & purpo-  
ratum rutilat: quò te nobilitatem tuam perfectio-  
nem, & per nimiam dilectionem, quā nos dilexi-  
sti, & adhuc semper diligis, melius nouerimus &  
sciamus. Omnes libri, Domine, scatent, mundus  
iple plenus est, & abundat prædicatoribus, & tuis  
( quos tu misisti ) nobis Omnipotentiam, excellē-  
tiam & virtutem tuam, annuntiantibus ac edocen-  
tibus, nosque ad amandum, colendum, laudandum,  
tibiq; gratias persolucendum trahentibus, & solum  
Creatorem nostrum, & amantissimum Parentem  
cognoscendum. Nihilominus, Domine, mens no-  
stra ingratitude & oblivione plena, te indignis-  
sime despicit & contemnit, aded, vt nemo reper-  
tur, qui te quærat. at omnes incursi in ab-  
strusa, abdita & tenebrosa currunt loca, finem &


argu-





angulos peccatorū & improbitatum suarum quaerentes . Ea re, Domine Deus meus, hic tuus indignus seruulus, per exiguum istud, cum gratia tua, & benedictione & in tuo nomine, ocepit & consecravit opusculum, quod abs tuis creaturis melius, non ita cognoscei, ut diligere possis, tibi que competentiū serui queat; i spontaneos tuos, ac tibi deuotos famulos, eo p̄lo ad virtutem ac vitæ sanctimoniam excitulandi erigendiue gratia . Totum attamen, quod dicturus sum corrigendum doctioribus, & genuinæ puræque Veritati humiliter subijcio, nec non vel iustissimo statui Sanctissimæ & immaculatæ Fidei Christianæ iure merito ac perlibenti animo cōmitto atq; resigno . Et quoniam acedia nostra quotidiana & locordia in tantum torpescit & excreuit, adeoque frigida desideria nostra in Charitatē tuam ordinatissimam labefactata, & per exigua existunt: egemus Domine auxilio & assistentiā ad prouocandos ac trahendos nos, Vnicum Te vnicē diligendum. Quare totus hic libellus in parabolis & similitudinibus consistet, formam & normam tenens, quam Tu Domine seruasti,

sæpiusculi parabolis prædictis in altissima pariter ac profundissima doctrinæ tuæ abyssu  
utendo .




*Aue*

*Aue Lector, & me parumper  
accipe.*

**C**ertò sciens certiùs, hunc THE-  
SAURUM ANIMÆ, iam à centum  
& vltra annis latinè redditum, acqui-  
cui tamen pio pii Benefactoris petito,  
reddentis rationem: quia tempestate  
hac & à paucis habetur, & à multis  
desideratur. Quare, si quid minùs  
acutum, aspectabile, conspicuum,  
minùs genuinum, hoc totum iugem  
mei exiguitati aut certè crassitie  
tribuas, ac æqui bonique con-  
sulas: atq; sicut ego nunc pro-  
te, ita & tu amice beneuo-  
le, pro me, sim quamuis  
olimiam pulvis & ci-  
nis, roga  
DEVM,

A P.



## APPROBATIO.

**E**X mandato Admodum Reuerēdi  
Patris Gabrielis Rottermund, Sa-  
cræ Theologiæ Lectoris ac Prædicatoris  
Generalis, Prouincia Minoris Poloniae,  
Magniq; Ducatus Lituania, Vicarij  
Prouincialis; Vidi opus certè Lectore  
Catholico dignum, intitulatum Thesau-  
rus Animæ, labore Multum Veneran-  
di Patris Michæelis Syman, Ordinis ac  
Instituti nostri Minoritici professi Con-  
fessoris, ex Germanico idiomate Latini-  
tati redditum; in quo nihil inuenitur  
aduersari Fidei Catholicæ, ac bonis  
moribus, immò eisdem incrementa Vir-  
tutum augeri. Quapropter dignum cen-  
sui, ut prælo mandetur. Datum in  
Conuentu Pragensi Immaculatæ Conce-  
ptinnis Beatissimæ Virginis MARIÆ.  
Die Iunij. Anno Domini 1683.

Fr. Marianus Zerzenski, Prædica-  
tor generalis, Diffinitor Habitua-  
lis, Guardianus Pragensis impria.



# PRIMA PARS

## CAPVT I.

### *De Humilitate.*

**H**Abitabat in vastissima solitudine Sanctus quidam pius ac deuotus vir, qui ieiunijs, orationibus, vigilijs, Deo seruiuit; hic magno desiderio inflammatus, veram & perfectam sapientiam, Deiq; amorem, quantum quidem fas est & possibile homini in hac vita, acquirendi: statuit proin apud animū suū mundi totius ambitum peragrarē, & inquirere, num quempiam reperire valeret, qui præserta edoceret, demonstraret, informaretq;. Egressus igitur ē casula sua, vehementi desiderio actus, aliō se se conferendi. Ac postquam hic probus vir (cui nomen Desiderius) diutius peregrinatus esset, obuium habuit ouium Pastorem, qui in medio aprici prati cuiusdam, suas pascebat ouiculas, non sine magno desiderij gaudio, quandoquidem longo tempore & itinere peracto, neminem ibidem hominum vnamquam viderat. Frater, dicit Pastor, gratias ago Deo Ter Optimo Maximo, quod Te inuenerim. Beneveneritis,

(subinferebat Pastor) quid quaritis in hac  
solitudine? tunc respondit Desiderius:  
Ego quæro Equitem qui hîc pertransiunt.

## C A P V T II.

### *Instruit Prælatos & Spirituales Pastores.*

**D**ESIDERIUS admirabatur valdè, homi-  
nem tam benè instructum, & circum-  
cinctū omnibus pastori necessarijs. Pri-  
mò namq; baculum manu tenebat, spor-  
tulam ad latus dextrum, calpodiaq; pedi-  
bus portans tunicâ oblongâ induebatur,  
ad latus sinistrum cornu à cingulo pen-  
dulum, & in latere dextro maiusculum:  
& circa sese binos canes, tuguriolum quo-  
que non procul spinis tectum. Pastor co-  
gitabundus, cernensq; desiderium acutiùs,  
& subtiliùs se intuentem, dixit: quid me  
sic aspicias? Num hætenus vidisti Pasto-  
rem? imò multos, sublumebat Deside-  
rius, sed nullum ita ornate instructum,  
quàm Te; quare obnixè rogò, non ve-  
rearis respondere ad interrogata. Nihil  
omnino, ait Pastor, verum tamen de qui-  
bus non ignoro. Dic mihi, ait Deside-  
rius, ad quid gestas baculum manu? Quo-  
modo hoc petis, dicit Pastor? Nonnè &  
ipse

ipse Pastorem agis, & hoc nescis? Ero  
illum, vt inuitar, & illo sustentar, ne ouiculas  
meas agens, siue minans, offendam  
vnquam aut cadam, easque hoc commo-  
dius regam, & in viam rectam inducam,  
ne aliquando errabundæ circumcursi-  
rent, sed insimul maneant, & non quæ-  
libet secundum placitum, aliam quærat  
viam. Si namq; vna ab alia abit, aut re-  
tiro manet, dicto baculo eas pello, vt in-  
uicem gradientur, & ambulent. At, in-  
quit Desiderius, in portula quid geris ab-  
conditum? Varia, & multa, ait Pastor,  
primò habeo in ea scintinnabulum seu  
ignitabulum & filicem, ad ignem elicien-  
dum, mequè in frigore, & tempestatum  
inuriâ calefaciendum, necnon, tam pro  
memetipso, quam famulis & pueris elcu-  
lenta coquendum, ad hæc autem & pa-  
nem, allia, cepe, & lagenulam cum oleo  
& sale, quæ frequenter do ouiculis meis,  
sal præsertim, Ad quid portas calepodia,  
siue calceos ligneos? interrogabat Desi-  
derius Pastor, quatenus brumali tempo-  
re a frigore & niue pedes calidos conser-  
uem; etenim si molles, delicatulosque  
portarem calceos, in momento, & ex-  
nunc dissoluerentur, & frangerentur. Ad  
quid tua, dicit Desiderius, longa vestis?

A 2. Hoc



Hoc meum est indumentum, ait Pastor; si enim tali carerem, Pastor non audirem. Ex quo hoc confectum est quæso, Desideri<sup>9</sup> ait? ex pellibus ouis, inquit Pastor. Desiderius: an non posses ex luporum aut aliarum ferarum pellibus tibi togam conficere? Non; dixit Pastor; Oves namq; sentirent, vel olfacerent pelles lupinas, & à me fugerent, verum earum pellibus indutum diligunt, & obsequuntur. Indica mihi, dixit Desiderius, quid habes in cornulo à cingulo pendulo? habeo inquit Pastor, vnguentum, quo, dum oves plorâ vel scabie tabescunt inungam illas & fricem. Sed & in altero, ad latus duntaxat dextrû maiusculò cornu quid? Habeo, inquit Pastor, gypsum ad signandas oves meas, ne intermisceantur alienis, aut etiam permixtæ disparibus, dignoscantur facilius. Verum ad quid canes, dicit Desiderius? Hi canes, dicit Pastor, noctu latrant, perterrent, & fugant lupos ut ita in tuto seruentur oves, & ego securius dormire queam. Cur tam exactè & ad amussim officium tuum exequeris? Quia, inquit Pastor, habeo bonum herum, siue Patrem familias, qui & bonam & multam pollicitus est mihi mercedem, tametsi plus ex charitate erga illû, quàm pro mercede id faciam. Ca-

## CAPVT III.

*Tractat de eadem materia.*

**D**ESIDERIUS his omnibus in admirationem raptus & multum ac mirificè delectatus, Pastoremque cuncta charitate æstuante, agere audiens, dixit: Sodes frater, quandoquidem passim, campum istum obambulas, quælo te, vtrum possis mihi indicare de certo equite quodam, qui solus iithac perrexerit, ac transijt, eâ de causâ, quòd è domo propria eiectus, & sui eum nec recognoscere, nec recipere voluere; quare non neminem perquirat; qui & recipere illum, & apud quem manere, vel cui cohabitare possit. Quod est, inquit Pastor, nomen equitis? Nomen illius, ait DESIDERIUS est, AMOR DEI. Bene noui, vbi commoretur, dixit Pastor, quin si hasce Ouiculas meas vales, (sicut & ego) custodire, corde quoque & animo satis fortiter, easdem defendere, & commodè pascere, ducam te ad locum vbi Is est, ne sic Vagabundus diuageris Scito namq; ILLVM & impensè. Pastores diligere, & libentissimè eis adherere. Et quanquam sit Eques nobilissimus, nihilominus Pastoris est filius. At

A &amp;

animad.

animaduerto te quidem humani, honestiq; viri personam gerere, verumtamen complexionis debilioris te esse cernens, pusillū hunc gregē solus custodire haud sufficiens, nec syluam hanc nimiam transire valebis: necessum igitur tibi, aliam in animum inducere viam. Quā, quærit Desiderius, viā alterā tendam, vel vadam? Amabō, dicit Pastor, transire opus habes hanc Eremum, & reperies domum perpulchram nimis, quam non nisi Virgines incolunt, quæ vltiorem certiolemq; de Equite illo tibi ministrabunt informationem, vel resolutionem; est namq; tantæ probitatis, mansuetudinis, humanitatis & virtutis Eques ille, ut cuiuspiam sese indifferenter associet. Hæc verba plurimū placuerunt Desiderio, quippe bonam spem sibi instillantia seu ingerentia, AMOREM DEI reperiundi; dixit proinde Pastori. Frater mi, rogo te, non graueris mihi demonstrare semitam rectam, ne erraticus abeam. Nequeo, inquit Pastor, de serere Ouiculas, sed præstabo socium commodū, qui & deducet te, & viam, Deo auxiliante, ostendet, Canem videlicet hunc ductorem. Ut illi nomen, dixit Desiderius? Vocatur, (ait Pastor) BONA VOLUNTAS. Subsumpsit Deside-



Desiderius: Deus maneat tecum. Pastor:  
ito in pace.

## C A P V T IV.

### *De Domo Humilitatis.*

**S**ic relicto Pastore, Desiderius accinxit  
se itineri, comite Cane, qui summo-  
perè, eum confirmabat, roborabat, &  
consolabatur. Profectus multos dies, &  
noctes tandem die quodam dominico in  
prato quopiam peramoëno ac lato stetit,  
quod nihilominus terrâ desertâ, inuiâ, &  
inaquosâ circumcinctû erat: admiransq;  
ac circumspiciens se in aprico, adeò vi-  
ridi, & florenti loco adstitisse circumda-  
to. tam siccâ, lapidosâ, plenâ spinis & tri-  
bulis planitie; sed & in Centro prati præ-  
dicti perpulchra exstructâ erat domus,  
quæ summè ipsum recreabat, reficiebatq;  
Accedens autem propius, vidit portam  
occlusam & speciosam nimis calamistra-  
tamq; deforis adstantem Virginem, quæ  
& honesta valde veste ad pedes defluâ,  
morumque elegantiam mirificè fulgebat,  
Canemq; quem secum ducebat Deside-  
rius, cernens, expauit, & perterrita cla-  
morem edere cepit. Expauescere noli,  
bona Domina, inquit Desiderius, quippe  
quod

quòd sciam, Canem hunc meum, nemi-  
nem vspiam lassisse; admirantq; Deside-  
rius, ad Virginem ultro dixit. Delectis-  
sima toror, quid causæ est tuæ hîc expe-  
ctationis, vt pote sola cum sis? Præsto-  
lor ait, quousq; valvæ aperiantur, & in-  
trare valeam. Quomodo, amabò, tibi  
Nomen? Nomen meum est, VANA GLO-  
RIA. Interim diu moras necere habebat  
Desiderius, antequam aperiretur ostium;  
videns verò in vanum se commorari, cæ-  
pit pulsare malleo ad ianuam pendulo,  
simulq; vociferari, quatenus sibi pande-  
retur porta; malleus quippe vocabatur,  
LONGANIMITAS: Et ecce senex quidam  
venerandus, honestate vestium, gravitas  
teq; morum prodibat, aperiens Portam,  
(erat quippe & Ostiarius, & Custos Do-  
mûs totius, vocabaturuè TIMOR DEI)  
Desiderius magis ac magis iucundabatur  
tam ornato honestoq; viro, cui & debi-  
tum cultum exhibens, manumq; exoscu-  
lans, in hæc dicebat verba: Domine, cau-  
sa est aduentûs mei, perquirere de Equi-  
te, cui nomen: AMOR DEI; & dictum  
mihi, quòd descenderit per hanc solitu-  
dinem, ac ædes has intrauerit; perli-  
benter igitur nossem, vtrum intus sit?  
Portulanus mirabili afficiebatur lætitiâ,  
quippe

quippe qui Amorem Dei cordiciter, ac vehementissimè diligebat, eâ de causâ, quia Frater ipsi germanus erat, & exorsus sermonem hunc dixit: Fili, quare Illum quæris Equitem? & quid tibi, ac illi? Pater mi ait Desiderius, inquirō illum, quod & mihi perbellè placet & operâ eius maximè indigeo. Quid est inquit TIMOR DEI, estne aliquid eiusmodi, quod dicere, aut reuelare non audeas? Domine mi, inquit Desiderius, hoc EST; quod percipiam & exoptem sibi esse à seruitijs, vt meus sit disciplinæ & Magister, & herus. Etenim in his omnibus regionibus, haud inueni Magistrum, & Dominum, ad libitum meum; tametsi multi me ad obsequia sua & voluere, & expetiêre; donec relatum mihi de hoc Nobilissimo, Optimo, & benignissimo Domino, qui & sibi famulantibus magnam perpinguemque mercedem, ac remunerationem tribuat, insuper cum sit ditissimus, adhuc autem mitissimus, ac mansuetissimus audiat. Equidem ita est, ait Oltiarius, Equitem isthac pertransijsse: ast paruo admodum famulatu, & paucio nimis sibi adhærente comitatu: attamen ad præsens intus non est, sed morare pauxillum, donec accersa Virgo nonnulla referat, & dicat tibi, vbi nam sit reperibilis.

B

CA-



*Qualiter vana gloria custodiā portæ  
fungatur.*

**D**E siderius promptē ac obsequiose præ-  
stolabatur cum assistente sibi Portula-  
no, Virginem & post paucillulum moræ,  
venit humilitate, & honestate Virgo ap-  
prime conspicua, humanissimè Desideri-  
um salutans, quam & ille reciproce pa-  
riter salutauit, dicens: Bona virgo, pe-  
to, indica mihi nomen tuum? Nominor  
ait illa, NIL CVRO. Et hæc domus quo-  
modo vocatur ait. Vocatur, inquit illa,  
DOMVS HVMILITATIS; idcirco, quod in  
illa multe sint Virgines, quarum superi-  
or dicitur HVMILITAS. Illa verò, quæ for-  
ribus adstat extra, quo, inquit Desideri-  
us, nomine gaudet? vocitatur ait Virgo,  
VANA GLORIA hæc ostiū custodit, vt in-  
re possit, dum aperitur, & si Ostiarius  
incurius fore, aut suæ functioni, officio-  
que non bellè attenderet, aperiretq; in-  
cautè, aut nimium equaluaret fores, in-  
trare utiq; posset. Desid: Quare illā haud  
intromittitis, vt pote, quæ forma, verbis,  
vestimentis, gestibus, ac moribus hone-  
sta præfulget omnimodam consequen-  
ter præferre videtur probitatem: Proh  
dolor!

dolor! Frater, aidilla, non bene illam nosti. Est nãq; fera pessima. Nã quò moribus, & vestitu humilior, & probior apparet, cò deterior & peior audit. Quid mali vobis affert? inquit Desiderius, Quod manus ejus praualet, ait. Filia siquidẽ est mali parentis, qui vocatur AMOR PROPRIUS, & matris dictæ: PROPRIUM SENTIRE; vterq; Parens cum ipsa pariter Filia, nostri sunt, in hoc mundo; capitales, & infensissimi hostes, insuper præfato Equiti (qui noster Paterfamilias est, appellaturq; Amor DEI) maximè contrariâ. Quoniam verò nosse vis, quid mali nobis hũc intrans faciat? est ipsa vorax, & gulola, nimiumq; curiosa, prima præ nobis singulis, in hortum incurrit, optimos quoslibet, optimæ arboris, fructus, quibus totâ vitâ nostrâ sustentamur, comedit, dato, quod vnica inibi sit arbor tantilli fructus, vt vix nobis sufficiat. Quos cum fructus surripuerit, tam pauperimæ sumus, quò nihil omnino nobis supersit, adeòq; his omnibus deterius est, quòd sit dicacula, & adulatrix famosissima, & si vel semel ingressus ipsi pate- ret, jam nullus inueniretur, qui eam nisi, summo adhibito labore, ejicere, & deturbare posset, vnicâ superiore nostrâ

exceptâ, quam ubi primùm conspexerit, confestim fugam arripit. Quare præstat, ut ingressu hinc arceatur, visumq; nobis optimum, seniculum hunc foribus præficere, utpote, qui parumper austerus, & seuerus est, & ostium oculis illius obtrudit, & perquàm caute ambulat, ne ingreditur; rogatus insuper à nobis, quatenus rectè & acuratè munus suum obeat, quando & quorics aperiendæ sunt fores, non totas eualuet, aut etiam eualuatas apertasq; relinquat. In stuporem Desiderius, verbis huius Virginis, actus, dixit: Necessum habetis bene custodire, & obfirmare ostium, quando tantum vos incommodat, & tantum nocumenti adfert.

## C A P V T VI.

*Medium, modus, viauè, ad Humilitatem pergendi.*

**D**icito mihi, ait Desiderius, quisnam te in non minùs pulchrâ hanc, quam & honestam domum, virtuosamq; introduxerit? Duæ Virgines, respondit illa, introduxerunt: Vna appellabatut, CONTEMPTVS MVNDI; altera verò CONTEMPTVS PROPRIVS, siue SVI IPSIVS; quæ formâ



formā primam præstabat, sanctiorq; audiebat. Hæ binæ Virgines ducebant me, rogabantq; superiorem, Virginem Matrem nostram, vt sibi placeret me recipere; at nunquam fecisset, aut recepisset, nisi ob amorem Equitis cuiusdam, nobis itinerantibus, obuiantis, & hūc nobiscū venientis, quem propter, hac me velle donauit, & in suam recepit Virginem. Nam si Deus hanc nobis non præstitisset gratiam, & Eques simul nobiscum haud venisset, in casum vitam tam prolixam diuensi fuisset, quandoquidem haud vquam recepissent me, & oleum, & operam, quod aiunt, perdidissem. Quod nomen, ait Desiderius, Equiti illi? Tunc referebat illa, AMOR DEI Placuit ergo Desiderio, Amorē DEI tam benignissimā gerere personā, cuius gratiā, tot tantaq; agerentur, sicq; magis ac magis amore illius inflābatur, Soror mea, ait Desiderius, quæso, Dux illæ Virgines introducentes te, cuius prosapiæ, aut generis fuere? siquidem multum refert aut facit, ad probitatem & virtuosam vitam, honesti & virtuosi Parentis esse prolem; arbor namq; libenter, & communiter succum, & vim sumit à radice. Prosapiam illarum, ait illa, probè noui, sunt enim

de magna, & notabili Familia, & Pater  
 earum est præstantissimus, & supremus in  
 Aula Regis, vocaturq; COGNITIO. Noui  
 etiam Patrem ipsius, qui huius Virginis  
 Inspector est, appellaturq; ADVERTEN-  
 TIA, & est strenuè honestus, & Vir admo-  
 dum prudens, qui negotia sua rectè ad-  
 ministrat, hic accipiebat sibi in uxorem  
 Matrem familias quandam, quæ nomina-  
 batur SAPIENTIA? Tunc aiebat Deside-  
 rius. Eques quem obuium habuistis, ve-  
 nitne solus ad vos? Non, dixit illa, habe-  
 bat namq; juvenem penes se, quem ma-  
 ximo prosequabatur amore, nuncupa-  
 baturq; AMOR PROXIMI. Num. quæsiuit  
 Desiderius, dicere mihi potes, quorsum  
 abiit Eques præfatus? Possum utique, re-  
 spondit illa, sed intremus domum, du-  
 cam te ad quasdam, quæ te melius infor-  
 mabunt. Interim, vilo cane, ait Virgo.  
 Deus meus, ad quid tibi hic canis ma-  
 gnus prodest? qui respondit: donatus  
 est mihi, cum antea habuerim in Camera  
 mea parvum, donec ad ouium pastorem  
 veni, qui mihi hunc maiorem in ducto-  
 rem, per solitudinem hanc, tribuit. Quo-  
 modo, ait illa, vocatur? vocatur inquit  
 Desiderius, BONA VOLUNTAS. Optimus  
 anè, ait illa, canis, si vales illum conser-  
 uare,

uare, satis securus es, quousq; tecum fuerit, nihil mali tibi eueniet, neq; sollicitus sis, te quandoq; erraturum. Dicit, inquit Desiderius, quisnam mihi Equitem illum monstrabit? Frater, inquit illa, Procul hinc manet, & longa tibi nimis, per Eremum, restat via, ad illum veniendi, atq; ad minimum habes iter septem dierum. Septem sunt namq; ædes siue domus in solitudine hac, nullaq; datur alia via, quàm ista. Nihilominus Amoris Dei ergo, quem tantopere cupis, ostendam tibi semitam breuiusculam, quàm citius, ac commodius peruenias; ast sequi habes consilium meum. Desiderius magis ac magis confortabatur, & animabatur, quia duntaxat insinuârat illa ob AMOREM DEI viam sibi ostensam iri, dicto, inquit, quæcunq; placent, perlibenter, & ad nutum cuncta præstabo, dummodo Dei amorem reperiri possibile sit. Ad hæc in eiusmodi insit verba, Virgo. Octo sunt domus, è quibus hanc primam numeres estq; ista. Domus Humilitatis; secunda Iustitiæ; tertia Sapientiæ; quarta Fortitudinis; quinta Temperantiæ; sexta Fidei; septima Spei; octaua Charitatis: In vltima hac manet, siue habitat Amor Dei, & agit Portula-

num



num inibi; hac solummodo viâ proficiscendum tibi, si alias peruenire desideras. Verum tamen, prout supra dixeram, monstrabo tibi semitam, per quam eundo, viam abbreviabis, breuiq; tempore peruenies, terminumque apprehendes: sed aliqua temporis intercapidine, in domo ista tibi manendum consulo, quatenus omnem domus curam notes, addiscas, memoriâq; retineas. & cum superiore nostra, atq; filia eius in cognitionem deuenias, Nomina quoq; earum statum, conditionem, moreiq; non obliuiscaris, sed quàm optimè noueris; sic, ubi cunctas domus istius intus & foris proprietates ac condiciones pernoueris, expertusque fueris, nec non epistolum quodpiam siue literas Amori Dei à Nobis attuleris, ob vehementem amorem, erga domum istam sibi contiguam & asinum, te incunctanter perlibenti voluntate recipiet, maxime si literas sibi à superiore nostra datas, asportaueris. Unde, & quam ob rem vos, ait Desiderius, Eques ille, tam tenerrimè diligit; ut potest, quæ videmini pauperrimæ; humillimæ, paucissimæq;? Scias rogo, ait Virgo, quòd domus ista prima præ cæteris, in solitudine hac extructa, & reliquæ omnes

omnes huic subjectæ sint. Adhuc autem supremus noster Paterfamilias, & Rector, qui eandem ædificauit, inhabitat illam. Et tametsi obequiter solitudinem istam, lustrando, visendo ædes omnes, & in bono ordine conseruando; attamen haud vult aliter nuncupari, nisi: Filius domûs istius, & hîc primum habitum suscepit, eoq; à nobis, indutus est. Verba hæc Virginis istius adeò placuere Desiderio, vt cor eius quasi gladio transfoderetur, amoreq; inflammaretur, intellexit namq; optimè quid prætenderet Virgo, & in hæc dixit verba, se prompti animi desiderio, quàm etiamsi diutissimè inibi permanere, & omnes animi difficultates, & labores subire, experientiæ gratiâ, velle. Intremus proinde, ait Virgo, & apprehensa manu, illum introduxit.

## C A P V T VII.

*De sermone quem Humilitas ad Desiderium habuit.*

**A**Edificatio & structura domûs placuit admodum Desiderio, admirabaturq; pulchritudinem internam, quippe quæ deforis tam simplex, & vilis existeret. Non erat etenim in altum erecta, picturâ,

C

aut

aut aliquo fuce adornata; sed depressa, humilis, ac vilis, neq; in arena, aut palude, verum in viuo lapide posita, & constituta. Postquam autem Orationem in propitiatorio suam absoluerat, induxit eum Virgo in cameram Superioris, quæ quam humanissimè cum excepit, utpote videns illum tam deuotum, rogauitq; ut sibi assideret, & dixit: Fili mi, quæ causa aduentûs tui ad nos, cum cernas sic pauperulas, viles, simplices, contemptasq; nos omnes? Proh Domina! inquit Desiderius, inuestigo & quæro Equitem quendam cui nomen: AMOR DEI, dictumq; mihi, quod non sit reperibilis, nisi mansero aliquandiu, apud vos; quare si libet, vellem percuperemq; sub regimine, & obedientia esse vestra. Ait superior illi; bonam voluntatem, desideriumque tuum admodum approbo; nihilominus vide, & præpondera bene facienda, ac fienda, ne postmodum te pœniteat. Deus concedat mihi suam gratiam, inquit ille, in omniq; bono, & virtutibus constantiam. Amen, aiebat illa, prosperet, & confirmet cuncta Deus, quæ operatus est in te. Verumtamen per necessarium est, Fili, ut ex te secundum posse tuum facias, quatenus Deus residuum perficiat. Quid tale



tale faciendum mihi, dixit illæ? Dicam  
 tibi, inquit illa, visne hîc habitare? & ne  
 tibi exeundi via ostēdatur, aut cum confu-  
 sione extrudaris quandoque, oportet,  
 ut hanc filiam meam, quæ te introduxit  
 hûc, in amicam & Magistram accipias,  
 nomen illi: NIHIL CVRO. Cui propte-  
 rea hoc officium siue munus commisi-  
 mus, hospites excipiendi duntaxat; Est  
 namque semper Nouitiorum Magistra &  
 Rectorix, & qui renuunt esse sub ditione  
 ipsius, semper inconstantes, & instabiles  
 euadunt. Gaudeo valde, inquit Delide-  
 rius, illam habere ductricem & Magistrā,  
 verum Domina mea, obnixè rogo, qua-  
 tenus mihi nomen tuum, genus, prosa-  
 piam, proprietatem, functionem, & sta-  
 tum insinues, & inculces; insuper, quali  
 modo hic superior harum Virginum au-  
 dias, edisseras; etenim, uti mihi dictum  
 est, scire debeo omnium Virginum Offi-  
 cium, & statum prænoscere; quatenus  
 ubi illas sciero, & nouero, melius amo-  
 re illas prosequar; sed & ubi hinc disces-  
 sero sciam ijs, qui me interrogauerint;  
 meliorem dare informationem. Nomen  
 meum est, inquit illa, HVMILITAS, & meus  
 Parens appellatur CONTBMPTVS SVIMBT-  
 IPSIVS, & qui me in Matremfamilias ele-

git nominatur **CÖGNITIO DEI**, meus **A-**  
**vus** originem suam duxit, de Ciuitate  
quadam, nuncupata **MEMENTO**, quid sis,  
quid fueris, & quid adhuc eris, aut esse  
per gratiam **DEI** poteris. Meus autem  
**Parens**, de Ciuitate quadam, erat oriun-  
**du**s, dicta: **MEMORIA AMORIS DEI**. Ac  
proinde ad prænominatum proprium **Pa-**  
**tris** mei proficiscendi, binæ tantummo-  
do viæ, & portæ binæ habentur: Vna  
via est, Ipiemet Altera autem **Creatu-**  
**ræ**; Et dixit, Neminem antedictas por-  
tas intrare posse, nisi volando. Ceterum  
quod Dominus noster, Ciuitatem hanc,  
propriâ ædificauit manu. Etenim nullus  
datur hac in mundi Machina, qui Ciui-  
tatem tam bonam, perpulchram, & pro-  
bè munitam exstruere possit, nisi ille,  
**Qui**, ait **Desiderius** fieri queat, vt Do-  
minus noster, (quippe qui nobilissimus  
est) Murarium agere, & opus luti & late-  
ris, tractare, manibusq; tangere non ab-  
horreat, aut non erubescat? Absit, ait  
illa, est namq; peridoneus, & perfectus  
**Magister**, bonus **Murarius**, & **Archite-**  
**ctus** insignis, dicitq; non in alio se dele-  
ctari, quam è limo terræ, ædificium cla-  
borare, ac erigere, Murumq; exstruere.  
**Cur**; agit ille, ita facit, quandoquidem  
nihil

nihil opus habet, & nulla re indiget? Ob hanc causam, inquit illa, quod totus sit bonus, & nunquam otiosiari velit, sed semper laborem otio præfert, hominibusq; adminiculo, aut commodo esse percipit, adeoq; in omnibus actionibus suis, non nisi fortunam, salutem, & bonum cuiusvis quærit, & prospicit; dummodo ipsi honor, & laus, soli detur, & semper tribuatur. Propterea talia agit, & ex tam vili producit materia [scilicet omnia de terra] Nihilominus pro his vniuersis vult benedici, & laudari. In mentis stuporem actus Desiderius dixit. Miror, quod talis, ac tantus Dynastes, laudibus extolli cupit, vt potè, qui in continuo versatur discrimine Vanâ titulandi aut extollendi gloriâ. Nequaquam, dixit illa, quandoquidem adeò perfectus est, vt impossibile sit, in eum cadere imperfectionem vllam, aut defectum; honor quippe ipsi impensus non est vanus, sed congenitus, & nullo prorsus modo ipsum dedecet; sed & tametsi maximus illi cultus & honos, quantumcunq; quis potest exhibere, deferatur, in comparatione tamen, & secundum debitum, ac conueniens, nec non dignitati eius competens, nunquam & nunquam condigna



ei laus tribui sufficit. Eaquē de causa laudari, & exaltari vult, non quia arrogans est, sed iustissimus cum sit, vult unicuiquē, quod suum est proprium, reddi. Siquidem verò illi (qui solus bonus est) omnis honor laus, & gloria debetur, vult etiam sibi soli eadem dari: Et quando alius prædictum desiderat honorem, licet ipsius proprius foret, vanus tamen est, & furatur illi cui debetur, potestquē communiter haberi tanquam deliberatus fur aut latro, quod præsumptum hoc, quod alij proprium erat, contra Domini scire, sentire, & velle, usurpare, & possidere.

## C A P V T VIII.

*Prosequitur sermonem Humiliatis.*

**D**ESIDERIUS in hæc infit verba. Obnixè precor Domina Mater, quoniam enarrasti prolapiam tuam, placeat edisserere, quali modo, huius domus superior facta sis; videtur enim mihi per magnum, & summa laus esse, & fortassis ego quoquē superiorem agere possem domus alicuius: etenim magna differentia intercedit, regere inter, & regi. His auditis, Humilitas, vix continere se quivit à lachrymis. Proin Desiderius interrogat.

gat. Supplex oro, Domina, quæ causa  
 tui fletûs? Fili, inquit illa, idcirco plo-  
 ro, quòd videam te forinsecus, non verò  
 Humilitatis veste indutum, adeòq; no-  
 mine solum deuotum, cordis autem pie-  
 tate prorsus destitutum. Sermone igi-  
 tur mecum collato totaliter frustratum te  
 video; eâ de causâ, quòd eiusmodi co-  
 gitatus, & desideria Mihi, Patri meo, ac  
 Iesu Amantissimo aduerterentur omni-  
 nò, qui neq; verbis, neq; operibus, quæ-  
 rit, aut vult imperare, & non venit mi-  
 nistrari, sed ministrare. Quare qui hac  
 aberrat via, eligit indubiè viam perdis-  
 tionis & damnationis, adeòq; non viam  
 graditur salutis. Pauperibus siquidem,  
 ac miserrimis, quales nos sumus, quæ alio-  
 rum gaudemus regimine, sufficeret ipsas-  
 met nos regere nosse; miser admodum est  
 pavor regiminis, & plenus solitudine,  
 angustia, labore, tædio, periculo, qui,  
 cum non sine magna poenâ cordisq; do-  
 lore, teneatur, tamen omni confusione  
 dignus habetur. O graue onus! Cui ni-  
 hil, perpetua nisi cura, & labor continu-  
 us subest & adhæret, ac ex quo jure meri-  
 tissimo gratitudo, & merces speranda fo-  
 ret, nihil lucramur præter odiû, murmur,  
 & malevolentiam. Ast si placet intus ali-  
 quando

quandiu manere, experientia utiq; probatum dabit. Quod attinet quaestionem; quali duntaxat modo superior facta sim? dicam tibi secreta mea, & Amoris DEI ergo, mei arcana cordis non abscondam, & indubitanter pandam, dicoque. Vbi hanc intraui Domum; propositum meum erat, brutum me esse, vel iumentum aliarumq; Virginū nedum pedissequam, sed & prorsus mancipium; & hoc intentum adeo amplector, ambio & cordi imo primo, ut sine intermissione ruminando, Deum rogem, quatenus id ipsum charum mihi, & suave efficiatur; quando quidem Dominus noster mihi praedictū desponsavit propositum, atq; hic Maritus meus, officium mihi hoc procuravit; quamuis nec vellem illud, nec cuperem. His auditis Desiderius censuit Virginem summæ virtutis, quæ se, duntaxat propter amorem Dei, corde & animo adeo vilipendebat; & aduertens eam esse Virginem, (bene utiq; colligebat ipsam de spiritali, non verò de carnali, loqui conubio) dixit. Qui in superiorem eligi vult, ut video, prius humilietur, præstat, sicut & tu. Ita est Fili, ait illa, & si bene intelligis, verba sunt supremæ veritatis. Quā intelligere id potero, aiebat Desiderius?



rius ? sciendum tibi , inquit illa , quod ,  
 qui se humiliat , exaltetur : nihilo minus  
 ne ex opinione præconceptoq; se humili-  
 liet proposito , ne duntaxat exinde de-  
 sideret laudibus cuchi hominum ; in hoc  
 alioquin casu superbus audiret omnino ;  
 Superbia autem , & Humilitas opponun-  
 tur ad inuicē , adeoq; ( quod deterius est )  
 directē contradicunt sibi , suntq; semper  
 incontinua guerrā . Etenim ex opere ,  
 quod quis peragit , si humiliati studuerit ,  
 non potest extolli . Certō certius existi-  
 mo in opere humilitatem semper inueni-  
 ri : Verumtamen persona istius , ita se  
 humiliantis , in semetipsa reperitur esse  
 superba . Eapropter , quia opus , nomen ,  
 & titulum suum ex fine , ac intentione su-  
 mit , talis humilitas superbia censetur ;  
 sicq; humilitas , non per vnum respectū  
 superba est , at per plures . Quod enim ad  
 opus attinet : est extrinsecē humilitas ,  
 finis verō superbia . Rectē igitur dicen-  
 do ; humilitas superbiæ non contraria-  
 tur , bene autem spiritus humilitati ; &  
 impossibile fore existimo , ambas secum  
 commanere posse . Humilitas etenim ipsa  
 est opus , spiritus autem humilitatis , si-  
 mul cum proposito sese humiliandi , per-  
 fectum dat opus & consummatum .

*Prosequitur eundem sermonem, et de  
pugna contra peccatum.*

**H**ic meus Maritus, dixit Humilitas, fidelis mihi est, & in quadam discordia, adiutorio mihi fuit, quæ (discordia) cum Domina nonnulla, nec non cum Virginitibus alterius domûs dictæ: Superbia, mihi manet. Superior verò eiusdem domûs vocatur superbia vitæ, quæ in diæ rixas ad rixas nectit in tantum, vt etiã non erubescat vnguibus mihi in oculos insilire; adducit in super secum aliam superiorem præfatæ Domus dictam: CON-  
CUPISCENTIA CARNIS; & Materfamilias ipsius: Concupiscentia oculorum. Tribus his associata venit improba admodum Virgo, nempe illarum Mater, quæ omnes educauit, appellaturq; Obliuio. Quæ interdum debilis est viribus, quare etiã de facili & citò vincitur; & quandoque in tantû cibo & potu ventrẽ replet, aggrauat & onerat, vt robustã, grossam nimis, ac periculosã se reddat. huic adjuncta supervenit fatua pedissequa, seu serua, malè educata, edocta, perquàm exilis intellectûs, vocabulo: MALITIA,

cum

cum qua tres aliæ adfunt præstò, quarum prima dicitur IRA, secunda ACEDIA, tertia INVIDIA: his conjunctæ sunt binæ aliæ, nuncupatæ: MALA SUSPICIO, & falsum IUDICIUM. Hæ omnes meæ sunt hostes, & aduersatrices, quibuscum, continuus sum in rixa, sæperq; pugnare, & digladiari, teneor. Quæ ubi intrauerint, summo Maritum meum, mecum, sicque ex nunc expellimus quàm citissimè omnes, ut velint, nolint, cadant in tergum retrorsum. Hæc itaq; agentes, nulli rei alij studemus, quàm ne Virgo dicta: VANA GLORIA deforis à januis adstans, sese ingerat, intromittatq; si namq; semel intraret, despoliaremur utique, & defraudaremur cunctis fructibus, & delectamentis, quæ habuimus alioqui ad illas vincendum, & extrudendum; adeoque, vacuæ, & exhaustæ manentes, operibus ac labore nostro vesci nequiremus. Siquidem, infert Desiderius, illæ vobis ut noceant intrare assolent, quid est, quod alia præforibus adstans, cum prædictis ingredi non permittatur? Istud est causæ, respondit Virgo; quòd aliæ Virgines alatæ sint, & non per portam ingrediantur, sed per murum inuolant, ac interdum, adeò absconduntur; ut nihil mali, aut pericu-



loſi nobis arbitrantibus adeſſe, in angulis abditæ confidentes, inſperatiſſimo per optimoq; tempore, nec vel nobis cogitantibus, in Domo intus circumeant. Quamobrem pernecceſſarium eſſe putes, ut cautè valde ambulemus præcipuè ne inopinatò aliquam noſtrûm aggrediantur, moleſtent inſeſtentque. Ad ſeriem rei, ait Deſiderius, accedamus: Cur guer-ram hanc, & diſcordiam cum illis geritis? Deturbamus, pellimusq; ait Humilitas, eas domo; altercamur, & rixamur cum illis, idcò; quòd D<sup>E</sup>I AMORI hoſtes, & aduerſatrices ſint, qui tamen ſupremus noſter ſuperior, & fundator exiſtit. Sicq; in his, quæ illius Amori directè contraponuntur, cum nemine pactum inimus ac ferimus.

## C A P V T X.

*Proſequitur præſatum diſcurſum; contra Concupiſcentiam carnis.*

**D**Eſiderio bona voluntas, & fidelitas incredibilis, quâ Humilitas in Amorem Dei ferebatur, ſummoperè placuit, ideoq; dixit: Domina mea, diſcuperem perlibenter mihi, medium viamq; monſtrari, quibuſnam Malas Virgines, foras de-  
ciur-

deturbetis? Optarem & ego quidem tibi bonam dare instructionem, sed quia necdum naturæ tuæ constitutionem perno- ui, spiritûs, ac animi, non calleo propo- situm, sed tantum signa quædam anti- mi tui, ut, per transennam, video, in- dubio versor. Mel enimverò non cuili- bet dulce, ob multifariam, & diuersam constitutionem, complexionemq; natu- ræ. Domina, inquit Desiderius, ut hîc adsto, & sicuti me vides coram, trado totaliter me in manus tuas, omne sentis- re, & intelligere meum, tuo (sentire) su- bjicio, tantummodò: medium monitra- to Amorem Dei reperiundi. Liben- tissimè faciam, dixit illa, & secretum, meum quotidianum exercitiû, tibi pandâ, explicatumq; dabo. Primò igitur sanc- tum meum propositum (de quo antea insinuâram) medio Contemptu mei, Re- ginam me totius mundi constituit ac effe- cit; atq; mortificatione, Domina corpo- ris mei, & mali spiritûs audio: per humi- litatem communitatis totius ac populi; adeoq; (quod maximum est) mea ipsius rectrix facta sum. Et quoniam populus meus, ad laborare me, ac vnicè stu- dere cernit, ut, nempe, AMORI DEI pla- ceam, proinde solum familia mea mihi

aduersatur: at ego sola, simul cum præfato Marito, pace, ac tranquillitate omni-  
 moda perfruihur. Desiderius vehemen-  
 ter admirabatur virtutem, virilitatem,  
 ac fortitudinem Mariti Humilitatis, &  
 dixit: Obnixè precor Domina, vt per si-  
 militudinem cuncta hæc astruere non ve-  
 rearis: ingenij namq; cùm tardioris sim,  
 melius per similitudines atque exempla  
 intelligam. Postulatus ac desiderium  
 eiulmodi, multum placuit Humilitati;  
 nempe, quia incipiebat se humiliare De-  
 siderius, ac semetipsum inhabilem, tar-  
 diorilque ingenij fateri non erubescibat.  
 Scias, fili, velim, ait Virgo, quòd prædi-  
 ctarum Virginum primæ (nempe Concu-  
 piscentiæ carnis) intrantis, pernoriū  
 conditionem exnunc ac proprietatem;  
 qualis nempe existat, & quòd multum  
 sit vorax, roboraturq; hoc medio, id est,  
 ingluuie, pernicio duntaxat cibo, ac  
 potu. Quare illi omnem, lautiozem ci-  
 bum subtrahò, delibutiozemque; sed &  
 communis cibi, pariter ac potus non  
 tantum, quantum libenter vellet, illi su-  
 mere permitto. Et quia vires meæ non  
 sufficiunt nec illam prævalent vincere,  
 (cùm insuper plebs Domus meæ adjuuan-  
 dum me veniat) tunc in opitulationem  
 & adjuto.



& adiutorium Deum exclamo, quem & mihi propitium non raro adesse compertio, cor meum contra malam Virginem fortificantem, ac corroborantem: sed & aduoco Maritum meum, ut mihi subueniat, cum quo & dico: Soror, carnem meam omnino ipseui, & non nisi brutum, aut pecus me esse arbitror; pecora autem exquisitos non desiderant, aut expetunt cibos, sed solum nutrimentum ipsis, conueniens ac debitum. Vbi verò Dominus scit animal esse vorax, ac querere indecentia, illicita, minimèq; naturæ suæ conuenientia pabula, in campo & fræno maxillas eius constringit, ne voret, nisi tunc quando, quod, & quantum sibi ponitur. Ita soror mea, in hoc casu, volo & esse, & reputare me iumentum aut brutum; porro Amor Dei frænum mihi imposuit, quæ Sobrietas, vel Temperantia vocatur, ne manducem, nisi quando in comuni datur & apponitur neq; aliud requiro aut alio modo, & arte paratum desidero, his contenta, & satura sum omnino. Ultra instillantem mihi Amorem Dei audiui: si placere sibi, digneq; ancillari, aueam, aut peroptem, ut id, quod mihi ponitur, parce admodum, cum timore, & temperantiâ sumere attentem quatenus non nunquam medicum qui;

[shonesti ergo] in paropside relinquatur, quò scilicet gratudo monstretur: si namq; totum comestur, perinde est, ac si dicatur; plus mihi detur, modicum mihi fuit, necdum iaturalum. Ultrà mihi supramemoratus Amor Dei insinuauit: vt semper parcius mihi, quàm alijs porrigi percupiam, quodque insipidiùs viliùs, & deterius est, quò ita semper aliquo, Amore Dei, indigeam; adhuc autem exinde semper in spiritu gaudeā, oportet. Ejusmodi medio & methodo, mala, siue improba hæc Virgo, prostermitur & funditur, & ego ex me, quod potui feci. Et quoniam nedum carne me mea infestat, & tentat; verùm etiam cum alijs, æque malis Virginibus, ad luxuriam, & castitatis jacturam exstimulat, & succendit; fugo, & abigo ipsam, quoad sufficio, ab omnibus illis abstinendo, & memetipsam abstrahendo, per quæ me allicit, ac prouocat; quæ amabilia, delectabilia, proponit, & quorum mihi desiderium ingerere & injicere; non intermittit. Ideò, in tali casu, optimam artem, & panchrestū, vt loquuntur, remedium esse duco, fugæ me committere. Demùm non solummodo mihi molesta est extrinsecus, sed & in animam cogitationes perraras cætero-  
qui,

qui, variasque inspergit, & immittit, verum in hoc itidem passu, remedium fore puto, fugam consulere, in angulos, & foramina petrae, vel muri, abscondi; intentionem, & cogitationes, ad dulcissimum Iesum conuertendo, sanctissimam vitam eius, Martyrium, passionem, amarissimam mortem, meditando, poenas inferni, tremendum iudicium, mortem, vltimum diem, & quod Deo coram parere, rationemq; omnium ex asse reddere teneamur. Per eiusmodi media, impia Virgo haec (quippe rectrix Ciuitatis) Domo superbiae extruditur, exploditur, terraeq; alliditur.

## C A P V T X I.

*Prosequitur sermonem contra Concupiscentiam oculorum, & contra superbiam vite.*

**A**D funditus deuincendam, & expugnandam Virginem praesertam, iuvat, imò opus est, Sociam eius, dictae domus, gubernatricem (CONCUPISCENTIAM CARNIS) superare, & ad pedes omnino prosternere. Haec ipsa à priori sapissimè debellatur, tametsi, & à Sancto proposito meo fugetur, fundaturus.

E

Nam



Nam ubi aduenit, dico illi, Soror mea, ego sum brutum? porro bellè noui brutū vel jumentum haud curare superflua. nec extolli supra id quod est, debere, solummodo ijs, quæ necessitati conducunt, satiari: ultra curiosum jumentum vel animal non est, aut sese ingerit, verum duntaxat ephippium sit deauratum, calasistratum, vetus, aut nouum, stabulum commodum, aut minus idoneum, solum, ut erectum stare queat. Quia verò ob Amorem Dei brutum me esse autumo, deinceps carnem meam, sicut Asinum tractabo; & quando Magister aduertit brutum syluescere, caputq; nimium leuare in altum, hinc & inde gyrare, edomat illud, frænoq; injecto, facit, ut caput inclinēt & demittat. Pari modo Amor Dei etiam mihi Capistrum imposuit; vocabulo: PVDOR; ne vanitatem ambire curiosius & aspicere, attentem; quæ enim vetita sunt, discupere disconuenit. Insuper, Amor Dei mihi inspirat, quod cum aliquid pulchri, amæni, extraordinarij siue specialis videro, statim, dicam: amorem meum in te conuertam haud & projiciam? imò sicut ejusmodi nec ambio, ita & ipsissimam puto vanitatem omnia, imò purum nihil; honesto itaq; stude.

studebo. Amorem & voluntatem, in tam  
 frustranea, contemptibilia, vilia, & tran-  
 sitoria non dirigam, nec collimabo. Ve-  
 rùm vnice in supremum bonum, thesau-  
 rum nobilissimū, & non deficientem, pul-  
 chritudinem immutabilem, inalterabi-  
 lem, dulcissimum, inquam, Iesum, qui  
 amorem meum & voluntatem expostu-  
 lat. Atq; tali modo, & medio, secunda  
 Virgo exploditur, & superatur. Cū au-  
 tem geminæ hæ explosæ, expulsæq; fue-  
 rint, superest extrema, quæ sicuti supre-  
 ma, ita impia, quin deterrima, audit,  
 majoriq; pollet audaciâ & dolo, nec non  
 pervigilat supra bona opera, vocaturq; :  
 SVPERBIA VITÆ; quæ ad primum introi-  
 tum secum inducit, nebulonē, interdum  
 alium nequiorē; subinde bonum, & ma-  
 lum omen, aut suspicionem ingerens,  
 aliquando querulosa venit, dicens: vide  
 quælo, vt me tractat superior, & mecum  
 agit: tantæ, inquit, ætatis sum, & ita ca-  
 pax, quemadmodum aliæ, haud de pari  
 tamen cum alijs ludo: ast pernoui astu-  
 tias illius, & ajo: brutum non nisi durè  
 tractatur, semper protruditur, & vapu-  
 lat. Si namq; herus benignè illud habe-  
 ret, recalcitraret vtique, aut cum Domi-  
 no joculari præsumeret, congenitum, ac

debitum illi honorem, & obsequium denegando. Prudens igitur, & sensatus herus, licet animalia sua amore prosequatur; singularem, inconuenientem, minusq; illis decentem, monstrat humanitatem; verum grauitatem semper, ac seueritatem in illa exercent, refert: discretio enim uero, aut coniuuentia, nimiaq; humanitas Domini erga animal, non humilitatem ullam, amorem, & affabilitatem præ se gerit, verum stoliditatem, negligentiamque astruit supinam: quippe cum per hoc animali plus noceat, quam proficiat. Dominus siquidem discretus, magis studere, & allaborare debet, ut animal recto gradiatur itinere, jugum & pondus, sibi impositum apprimè bajulet; quàm quòd Dñum diligat, probū existimet, laudet, cōmendetq;. Id enim (ut plurimū. n) causæ esse dicitur, quòd Magistri crebriò animalia, aut certò asini habeantur, siquidem animal Magistrum agere, atq; vices subire sui præceptoris, vult: patet per se, quia Magister discretionem, & prudentiâ, in illud, sicuti fas erat, non utebatur, Ministrat quoq; animali causam, majoris loci sumendi, & latius excurrendi, exspatiandi, exorbitandi; vltra sibi decens; sicq; assuescit sensim,



sensim, vt illud Dominus nequeat pelle-  
 re, nisi quò ipsummet vult; & quando  
 calcaribus adigere, vel illud percutere  
 vult, retrocedit & recalcitrat. Si ergò  
 Magister vult, vt pondus non abiciat,  
 neq; succumbat vnquam, pati illud de-  
 bet, ac sustinere, gradiq; permittere, quò  
 vult, iuuat; ita, vt Magister animalis vo-  
 luntati subdatur. Non alio modo (par-  
 ce Soror) vterer, si omni delicio, gau-  
 dio, ac volupe, perfruerer: qui namque  
 sincerè diligit me, corripit, & poenâ af-  
 ficit, vt vel nunquam confundar, aut pe-  
 ream: adeoq; amore, quo in me fertur,  
 animam meam saluare percipiens, ma-  
 le subindè ac durè corpus meum tractat;  
 hoc ipsum, vt prosequatur, continuatq;  
 semper, rogo; vt ita vices equi aut asini  
 peragam. Interdum ter improba illa  
 Virgo venit sub prætectu aut specie  
 Inuidiæ dicens: Talis [supple Vir-  
 go] & talis, gaudet tanto ac tali priuile-  
 gio, & libertate; mea (puta temetipsū)  
 interea despicitur. Alia superior, alia gu-  
 bernatrix, audit; alia domina Aulae, fa-  
 cta est; mihi verò, quasi vilissimo man-  
 cipio, (quæ, vt ætate, ita nobilitate, reli-  
 quas præeo) officium alias regendi, ne-  
 dum non conceditur, verum asperran-

tur semper sicut coëtricem, omnes, ( licet insuper mihi & id denegetur ) ancillamque omnium vltimam habent, nullamq; mihi ad manus rem tradunt, & vt video, quæ plus alijs laborat, minus habet. Verumtamen improbam me abhinc exhibebo; quæ namq; ouis facta est, à lupis deuoratur. Talia, & huiusmodi ob oculos pōnit, ac si nescirem, vnde querulosæ istæ prodirent aut prosiliret voces; igitur in hæc prorumpo verba: Soror, non ideo mundum deserui, & non eò in communitatem veni, vt aut imperem, sed, vt mihi imperetur: Obedientiam enim voui, proin faciam, ad quod veni, & vocatam me probè noui, Deus namq; haud interrogabit, rationemque ex postulabit, quæ & quāta alijs injūxerim, vel in quanto gradu honoris, eminentiæ, aut dignitatis extiterim; sed quo, & quali modo injunctum officium administrauerim, & quemadmodum dignitati meipsam subdiderim, nec non corde humiliārim. Igitur, Soror mea, munia, in quibus me Dominus noster posuit, perficere, & adimplere, adnitar omnino. Certa namq; sum, adeoque vnicum hoc scio, signum securæ beatitudinis esse, statum obedientiæ, subjectionis omnimodæ, & humilitatio.

liationis, eligere in omnib<sup>9</sup>; de quo [statu] nemo excidere, nisi qui altius ascendere, nititur, potest: quippe in hoc conquerendi non datur causa; at purè Dominum nostrum laudandi, benedicendi, ipsi soli gratias referendi, in illo tantum vnicè lætandi: ob hanc rationem, quòd è majoris periculi occasione, & discrimine, me liberauerit, & eripuerit. Dignitates, vt pote, & honores, trahunt, & inducunt, imò mergunt imperfectos in huiusmodi præfatum, adeoque ingens periculum. Vnde augustissimè Sanctus adnotauit Augustinus: In nullo prorsus iram Dei supra me ita recognosco, quàm, quòd me alios regere, & alijs præcipere destinauerit ac deputauerit; porrò mirari hoc non debes; etenim veluti mala Virgo, superior, inquam, domûs superbiæ, magis ad omnimodam inclinatur malitiam; ita etiam, majori astutiâ, valentioribus viribus, ac crebriori exercitio, opus habemus, hanc eandem, & exanthlandi, & superandi. Ne igitur diutiùs immorer, nec vel sim longus? breue adeoq; vniuersale, auscultæ, & accipe, remedium, quo vincere malam scilicet hanc Virginem, omnesq; & singulas socias ejus, valeas. Quando quæ.



quædam ( sit quæ illa cunq; ) queribunda  
 adreptit. ( CONCVPISCENTIA præsertim  
 Carnis ) astruens, ac culpitans, quòd sibi  
 parùm admodùm, frigidũ, atq; non bel-  
 lè conditum, comedendum apponatur,  
 seu quòd vinum sit corruptum, aut ace-  
 tosum, malus, & inconcinnus sit ordo  
 Domûs, dicito: Certum est, qui plus ha-  
 bet quàm meretur, nullam adinuenire  
 potest, occasionem, querimonias spar-  
 gendi ac faciendi; tu verò haud mereris  
 panem hordaceum nec vndam frigidam,  
 quemadmodum olim credebant sancti  
 dicebantque. Quod & esse genuinam  
 ipsissimamque veritatem, nemo inficias  
 ibit. Nunc autem, vt pote, cùm mala,  
 pigra, omniq; deuotione, destituta, ac  
 penitus exemplum inconstantia audias,  
 & sis, atq; erga DAVM, ab omnibus, in-  
 gratissima notario, multò minùs quàm  
 panem & aquam mereris. Quoniam ve-  
 rò his omnibus te indignam esse, Cælum  
 ipsum acclamat & testatur: habes tamen  
 Panem bonum & vinum, iusculum, pul-  
 mentum ac cibum. Quid conquereris?  
 cùm habeas, supra quam merueris? at-  
 que pariter in huiusmodi erumpe verba,  
 quando de vestitu, & sufficientia alia,  
 conqueritur. Cæterum, dum ambit, hoc  
 vel

vel illud ( vt puta, Concupiscentia oculorum ) habere, inquit : O pauperrima & miserrima, quæ haud minimum totius mundi commeruisti, ecce habes sufficientiam librorum, ex quibus, ( si aliqui collubet ) probitatem vitæ decerpere potes, cum vnicus tibi sufficere deberet libellulus ; quod ultra aut plura desideras ? Contuere, quòd sub specie necessarij, priuatum tuum adeoq; superfluum, ac contra Spiritum Paupertatis, exambias, per quæ, licet Paupertas non transgrediatur, debilitatur nihilominus & labefactatur, ac imminuuntur saltem merita virtutis; sic pauperrimo Iasv, magna inferretur injuria, imò nocumentum : pauciores etenim haberes virtutes, quàm pagani, Æthnici, & idololatræ, quorum Seneca insignis Vexillifer, & Antesignanus, virtuosæ extitit paupertatis cultor ; sicut ex operibus ipsius liquet. Idipsum respondendo tertiæ prænominatarum Virginum, videlicet: SUPERBIAE VITÆ, ambienti honores, fauores, amores, sedilia, regaliaque ad munia adspiranti, ac dico: Proh! miserrimarum miserrima, præter condignum, & ultra meritum, honorem, ac dignitatem, ( si recognoscere solum non pigeat ) possides ! Nonne conde-

mnatis in profundo inferni & abyssi an-  
 numerari commeruisti? At vide, & confi-  
 dera, quali à Domino tuo honore insi-  
 gnitus, adornatus, & condecoratus sis,  
 dum te creaturas inter patitur, ac tole-  
 rat, in domûsq; suæ obsequia suscepi-  
 t: Desiderat insuper, vt inter filias illius  
 famula numereris, quæ nec digna es in-  
 ter ancillas ipsius recenserî, qui tamen  
 in conclauis proprij Virginem sibi te de-  
 legit, vultq; vt die noctuq; illi ad sis, se-  
 cum colloquaris, illum laudes, benedi-  
 cas, vtq; in mortali hac, breuissimaque  
 vita, Angelorum geras, & subeas offici-  
 um; ac illius mensæ desponsata affideas  
 amica, & sponsa vnoque cum illo cibo  
 fruaris. Quid vltra superba exambis  
 exestuasq;? quorsum ascendere percupis?  
 Num iterum descendere, vnde cecidisti,  
 discupis? vt in abyssum cum Patre tuo  
 Lucifero ruas, & sincipidas? Quid, in-  
 quam, num Deam agere desideras? Ni-  
 hil tibi est misera, exerge jamdum excec-  
 atos oculos, & cognosce, plus te habe-  
 re, quam promerueris; saturare, quo  
 te Deus tuus, dignatur; contenteris ita-  
 tu, ac vocatone, quâ te per seruos su-  
 os donauit; atq; omnino tibi persuadeas,  
 omnia



omnia, quæcunq; tandem sunt, Deo non  
nisi disponente, ineuitabiliter, cuenire  
& accidere.

## C A P V T XII.

*De modo, & via, reliquas Virgines  
vincendi.*

**H**is tribus præcipuis explosis, & suba-  
ctis Virginibus, alia, vt pote, illarū  
nutrix, dicta: OBLIVIO, perquam facili  
superatur negotio, quæ per mille forami-  
na domū irrumperere adnititur; interdum  
sefe associando matutinis precibus, su-  
binde laboribus se immiscendo, & exer-  
citijs; ast semper repeto dicens: Soror,  
animal non eo fine domi alitur, vt vel  
otietur, benè viuat, edat, bibat, quie-  
teque dormiat, & stertat, sed, vt de die,  
ac nocte cum omni sedulitate, strenuè  
operetur & laboret. Si etenim inediā,  
vigilijsque non atteratur, & coarctetur,  
insolescit, & contra herum suum insurgit.  
Si verò Dominus aduertit illud pigresce-  
re, & non nihil à solito torpere opere,  
calcaria illi addit; pari modo AMOR DEI  
calcaria mihi adaptauit, [vocabulo Ti-  
mor] quo cum me etiamnum impellit,  
ac rectificat, quippe ministram inutilem

me, immò mancipium miserrimum optimè esse sciens, nec ad aliud, nisi ad vilissima quæque domûs, seruitia peragenda aptam & idoneam, præstat, vt nemo mei misereatur, nec onus alleuiet, at non nisi durè tractet semper, ne superbiam & contra flumen niti ausim aut præsumam: Cum omnium hominum peior nullus, quam malus, aut improbus censeatur captiuus. Cæterum interrogare solco, vtrum Cælorum Regnum splendidis epulis, ac delibutis, potibus delicatis, prolixo somno vim patiantur, acciri, accelerarique, possit; minimè sanè, Caput siquidem nostrum Iesus, hanc non inambulauit viam, sed oportuit cum plurima pati, & ita intrare in gaudia. Haud modo ab simili nos Passionis semitam, paupertatis viam, ambulare oportet, ac non nisi peregrinos arbitrari. Dum etenim pes à capitis dispertitur imperio, & alio vadit, nunquam corpus coniungitur, & in vnum colligitur. si enim verò plateam, vel viam passionis, laboris, fatigationis, solitudinis, sollicitudinisque ac contemptûs, non inambulauerimus, incorporari non poterimus illi; verùm sicuti putrida membra, præscindi, & amputari, habemus, certò, ac inuitabili iudicio Dei ingehen.

gehennam, æternis supplicijs examinandi, excrucianduè, mittemur; quòd Socij Passionum Iesu Crucifixi non fuerimus, gaudiorum, ac Resurrectionis ejus participes etiamnum esse valuerimus. Cæterum nisi dulcissimum IESUM, derisum, flagellatum, defatigatū, laboribus exanthlatum, esurientem, sitientem, mortem deniq; horribilem patientem, & tanquam Latronem, & malfactorem crucifixum, (qui tamen innocentissimus) in tētatione carnis nostræ, quā, inquam, intrinsecus, quā extrinsecus in omnibus sensibus, ac membris experiemur; consequens est, nos etiam cum dulcem, mansuetum, Regem gloriæ & gaudiorum, Principemq; pacis, minimè esse sētituros, ac degustaturos. Interdum, mala Virgo hæc in Oratorium venit, quasi fatigata, tædio ac dolore affecta, frigoreq; adacta foret, perinde ac si ergastulo inclusa anxietur. at dico illi: Soror, proba ac Religiosa Virgo, nullum sentit tædium aut dolorem; quæ responsio non modicū me juuat; sed & aliam illi obtrudere, obijcere ac inculcare assueui, dicendo: Quid retribuam Domino, pro omnibus, quæ retribuit mihi? Quid faciam, seu, quid pati possim propter dul-

F 3

cissi.



cissimum IESVM & Dominum ? qui ex  
 charitate nimia in Cruce mansit, non e-  
 quidem stando, aut sicuti commodum il-  
 li vel placitum erat, veluti mihi; verum  
 rabidè Cruci superimpositus, extensus,  
 non coopertus; at totaliter nudatus,  
 gelu & frigore in omnibus membris exa-  
 nimatus & adactus, sub joue frigido, non  
 liber, aut molliusculo manibus fomento  
 subnixus, nec calefactiuis ocreis, tapei  
 quopiam, stragulo aut peristromate, sub  
 pedibus solus. At duris prægrandibus,  
 oblongis, ferreis, frigidisq; perterebra-  
 tus clauis, idq; totum ac vnicè mei ipsi-  
 us gratiâ. Cur igitur ob amorem ejus  
 haud quidpiam patiar? quod nihilo-  
 minus totum non nisi nihil & nihil: si-  
 quidem tanta animi promptitudine pro  
 me, non solum vna horâ, vna nocte, at  
 tribus & triginta annis, maximas aru-  
 mnas, & huius vitæ tædia sustinuit, tri-  
 bus horis fixus Cruci adeoq; viuus pe-  
 pendit, summis in dolorib<sup>9</sup> ac tormentis,  
 quâta nullus vnquâ perpeffus est, quæ ta-  
 men pauca & perexigua illi visa sunt, sum-  
 mi respectu erga me amoris: plura insu-  
 per, si solummodò necessaria, pertulisset.  
 quamlibet Rex ille sit, ego subdita: ille  
 DEVS, ego terræ limus, cinis, puluis, &  
 ipsa

ipsa putredo. SANCTVS IPSVS ac INNO-  
 CENS, EGO PECCATRIX, & omni penâ  
 aut supplicio dignissima. Et quandoqui-  
 dem tot tantaq; pertulit, non aliqua sal-  
 tem pro illo faciam? Absit: non enim  
 feruus supra Dominum? Quapropter  
 Soror, OBLIVIO, appage hinc; in  
 his etenim, quæ Patris mei esse opti-  
 mè noui, me manere oportet. Quippe  
 cum non magni sit momenti, hâc vitam,  
 præter tædium & tristitiam, degere. ad  
 huc autem exillioris aut minoris meriti es-  
 se puta, nisi prædictas angustias, cum  
 optima voluntate, ac gaudio perferas  
 Spirituali. Maledictus namq; homo, qui  
 opera Dei negligenter peragit, cum no-  
 lit ut aut compulsi, aut vel coacti, at bo-  
 na voluntate, hilari corde, animo recto  
 sibi seruiamus, sacrificemus. Hac itaq;  
 veterana & maledicta prostrata, ac exsi-  
 bilatâ, aliæ æquæ fatuæ de uincendâ veni-  
 unt (Virgines) quæ ut malitiâ præstant  
 priores, ita frequentiores, fortioresque  
 in anima excitant motus, & quò minùs  
 demortuæ & mortificatæ, eò sunt dete-  
 riores, incorrigibilioresque. Quare, dū  
 prima (de qua nunc tecum loquar, di-  
 cta: MALITIA) cum filia sua, IRA dunta-  
 xat, in me insilire gestit, respondeo: CHA-

RITAS patiens est, & benigna; atq; In-  
 tentione, ( nempe marito meo ) ipsam  
 solo adæquare consueui, dicoque: Soror  
 jumento euenire nihil potest, nec illi tan-  
 ta fieri aut dici queunt, quot, qualia &  
 quanta meruit. Quod, quoniam ita esse  
 comperitur, me tot ac tanta non pati,  
 quot & quantis dignissima sim: Ecce do-  
 mesticum animal Domino, filijs, filia-  
 bus & domûs familiæ recalcitare non de-  
 bet; at domicum ac mansuetum se præsta-  
 re; enimuero quâmlibet herus illud ho-  
 die sustib<sup>9</sup> exceperit, cras utique pabu-  
 rum illi porriget ac præbebit atque bene-  
 tractabit. porro licet Dñus nullam illi  
 penitus monstret charitatem, tamẽ cor-  
 de illud diligit; austerum se solùm men-  
 tiendo & fingendo, ne insole scat, aut  
 bonitate Patrisfamilias abutatur. sed &  
 citò animal obliuiscitur injuriæ ac tediij  
 sibi illati, collo capiteq; iterum blandè  
 ac leniter Dominum contractans.

Non absimili modo, dum Virgines  
 aliquam mihi irrogant injuriam, aut non  
 nihil tediij adferunt, illarum me vilissimã  
 pedissequam, immò mendicabulũ quod-  
 dam mancipiumque reputo, adeoque  
 ob AMOREM DEI omnia impropria, ludi-  
 bria, & quoscunque tandem alios despe-  
 ctus



ctus mihi vel fecerint, paratissima exci-  
 pere ac pati; equidem scio, quod tot ac  
 mala tanta in me euomere hand potue-  
 rint, quot & quanta dignissima sim & ju-  
 ste commerui. Deus talia permittit ob  
 peccata mea, in hoc sæculo me purifican-  
 do, & vt, propter illum aliquid pati ad-  
 discam. Ecce Virgines (sicut tu quidem  
 arbitraris, quod dñtaxat mihi exoptent  
 mala quæq; & quod aliæ, non bona de  
 me, loquantur, aliæ quasi me intueri eti-  
 am dedignentur) non oderunt animam  
 meam, sed peccata mea, defectus, fragi-  
 litates: singularitates, malos mores & ha-  
 bitus meos, atq; idcò meritò à me diligi  
 debent: habent namq; sanctam & bo-  
 nam intencionem ac zelum sacrum, in-  
 dixeruntque vitijs bellum, existimantes  
 malitiam neutiquam cohibitare posse vir-  
 tuti. Ecce, si Dei famula sum, à potio-  
 ri scelera, immudities, infirmitates & in-  
 clinationes meas in malum, odisse me  
 oportet. Cur ergo ijs mala imprecer aut  
 exoptem, quæ illa agunt, quæ agere ego  
 debeo? profecto ingenueq; fateor, me  
 illas, quæ vel mihi detrahunt, aut mali  
 quidpiam irrogant ob id, nequaquam  
 sorores meas esse arbitrari, ac palam pro-  
 fiteri nunquam, intermissisuram. Quod,

G

quoni,

quoniam sic esse facile conuincitur, nem-  
 pe quod sorores meæ vocentur ac sint,  
 præceptum habeo, illas diligendi, ac nullo  
 modo odiendi. Quam ob rem id agere  
 percipio, injunctum mihi quodcumq;  
 tandem fuerit. Ipsas verò concernit sci-  
 re ac præmeditari, quali cum proposito  
 ac intentione, aut in quem finem, quæ-  
 piam peragant. Cum autem aliâ pedis-  
 sequâ, stipata (INVIDIÂ) appropri-  
 uerit, afferens cultum vtrâq; parte acu-  
 tum, videlicet de Sororum corporalibus  
 & donis spiritualibus ac virtutibus tri-  
 stando, & hæc Virgo peruersa nimis, ut  
 quasi toxicum spiret, eo, quod est proxi-  
 mi fortuna, bono & prosperitate, seipsam  
 ferre conficiat ac perimat: malis autem  
 proximi ita exultatur & lætatur, ut ite-  
 rum reuiuiscat, cui ego inquit: Soror  
 tu dicis, alios in hoc sæculo diuitijs, pul-  
 chritudine, formæ venustate ac cæteris  
 Naturæ donis exornari plus me; at ego  
 his carens & indigens maximâ afficior  
 letitiâ, & hac in parte felicior me ju-  
 dico. Etenim in huius vitæ curriculo & in  
 alio pariter sæculo, haud quidpiam; nisi  
 vnice IESVM desidero, qui meus & omnium  
 Angelorum est thesaurus; mea & omni-  
 um creaturarum pulchritudo, lucrum  
 meum

meum ac fons omnis boni : Diligant,  
 quicumq; alij velint, alia, quoad me, pro-  
 pter dulcissimum IESVM & amorem eius  
 nihil exambio : Cui utpote diuitias in-  
 ter ac paupertatem, pulchritudinem ac  
 deformitatem non est distinctio; intue-  
 tur namque cor humile & animam labe  
 depuratam : Sed & si subsumas : Aliæ tot  
 ac tanta habent, illis, nihil tibi, plenis  
 manibus omnia tribuuntur. Scias velim,  
 quamlibet omnes omnia habeant, mul-  
 ta plura ego : Enimvero, tam magnifi-  
 cum, ac nobile mihi inest cor, ut nullâ  
 ratione, amorem suum, in tam vilia, ca-  
 duca, & peritura (qualia huius mundi  
 cuncta esse conjiciuntur) verti, ac incli-  
 nari, sinat; amplecti quoquæ talia, ni-  
 mis bonum se judicet. Eia igitur Humi-  
 litate te dejiciam; cum nomen hînc cla-  
 rissimum deportauero, mihiq; compare-  
 uero. Cæterum dico tibi, famulos Dei,  
 eiusq; pueros, meritò ista omnia possi-  
 dere, & multò plura, non verò ego; quæ  
 singularis sum, imò iustè judicaretur abor-  
 titium, ac nullo horum ( quibus aliæ )  
 digna; postmodum repentè aliò se reci-  
 pit; at iterum appropriat instructâ spi-  
 ritualium, Sororis meæ, donorum, nem-  
 pe INVIDIÂ, ingerendo, indigitando, ac



ruminando : ait : En illa est deuotior fer-  
 uentiores, & prolixiores ad Deum fun-  
 dens preces, exemplarior, atq; te sobri-  
 or. Cui dico Iustitiâ, ac ex æqualitate  
 tecum disceptabo. Quare spiritualior es-  
 se contendam, & gratiam orationis, alia-  
 rumq; virtutum, habere conerem? Præ-  
 statné videri, ab alijs æstimari, dilâda-  
 ri, ac honorari magis appetere? seu  
 quatenus mihi, lautiores tribuantur da-  
 pes, vestimenta, seu aliud quodpiam bo-  
 num caducum detur? Minimè sanè; at  
 solummodò Deo seruire; placere; & vt  
 dulcissimus Iesus meus abs me, & in me  
 laudetur, atq; soli illi grates in omnibus  
 referatur; ista potissimè lætificare me  
 debent, quòd videam Dominum meum,  
 famulas huiusmodi, & amicas sponsasq;  
 habere, pietate, ac sanctitate plerosque  
 præcipuè præstantes; conueniens certè  
 foret, ac minimè dedeceret, illum roga-  
 re, vt plurima dona, & gratias, ipsis lar-  
 giri dignaretur, quatenus sibi omnes  
 confiterentur, amplius & amplius lau-  
 daretur, ac coleretur ab ipsis magis, ac  
 magis. Si namq; Dñum meum parùm  
 admodum diligere, nonnè tenerer ce-  
 optare, & anhelare, vt ipsum totus nosset  
 mundus, amaret, laudaret, & vt cuius  
 grati-

gratiam hanc, cum alijs omnibus simul  
 donis spiritualibus conferret? Retrò Sa-  
 thana. Ignoras, quòd sit Amor. Cùm  
 mali, ignoti, impuri, rebellis, audias fi-  
 lia hostis. Adhuc scire debes, malle me  
 potius à Domino & Deo meo corporali-  
 bus, spiritualibusq; donis omnibus, pri-  
 uari, ac denudari, & alijs & conferri,  
 quæ cum hisce, plus me; amarent, lau-  
 darent; cùm frustra, & inutiliter occu-  
 pem terram, & incassum ipsius recepe-  
 rim gratiam. Etenim nihil desidero, nisi  
 laudem ipsius, cultum, ac ornamentum.  
 Cernisne, quòd Dominus nouit, quæ  
 agat? Optimè peruidens Vaseula, qui-  
 bus gratias suas infundat, vt puriora, &  
 humiliora inueniantur. Quare hanc mi-  
 hi denegauit gratiam, quòd me immu-  
 dum, sordidum, & superbum pernouerit  
 esse vas, plenum irâ, malitiâ, quæ de re-  
 pentè præ superbiâ cælos incendere non  
 erubescerem. Idcirco contenta sum,  
 & nihil ampliùs habere contendo,  
 quàm, quòd etiam sine fructu  
 me possidere Sole clariùs  
 intueor.

*Monstrat totaliter, & exprimit modū,  
viamq; omnem malitiæ speciem, ac um-  
bram superandi.*

**M**alitiæ tertia filia: est ACEDIA quæ summè mala audit, ideò, quia ad Spiritualia, segnis & tarda & quæcunque Deum concernunt (in quo omnis beatitudo nostra) admodum iners ac tepida. Cui dico, Soror, velles libenter, ne nunc irem Deum exoratum; aut ne alia spiritualia exercitia, exequerer; at ecce ex hâc causâ solum, & te vincendi, diuiculè adhuc orationi vocabo, vigilabo, sacrificijs intererò, & alia diuina saltem deuotè aspiciam; quæ videns, sic me affatur: Numnè vides te nunc esse frigidam, & omni penitus deuotione destitutam, & ideò contra cor, conscientiam, adeòq; animam, preces futuram, QVOD ESSE PROPECTO Deum tentare, & ad iram prouocare; qui vult bono corde ac hilari animo, neq; coacte, cum radio aut tristitiâ laudari, sibiq; seruire. Verùm recede, Soror, PERVIDEO BENE TECHNAS ac FRAVDIBS TVAS: porrò noueris, me tum temporis maiora amicitie indicia ostendere, ac plus seruitij Deo impendere, pro.



re, proprijsq; impensis famulari, velle,  
 quàm dum mihi gratias suas, plenis, ut  
 ajunt, manibus, concedit ac tribuit. An  
 ignoras, illum crebrò gratiam suam ac  
 dulcedinem (probando quanta quisque  
 facere valeat) subducere: Cernens au-  
 tem, nos posse nostrum ac sufficientiam  
 sibi offerri ac tribui, atq; agere, quod in  
 nobis & potestate nostra positum, est,  
 tunc exaggerat & superaddit suas conso-  
 lationes per gratiam suam Diuinam;  
 tametsi nobis jam interna inuentio  
 adempta & subtracta sit, ne bonam vo-  
 luntatem, affectum ac desiderium ex to-  
 to deseramus & derelinquamus. Si pe-  
 tas, quàm tam frigida & sine deuotione me  
 ad Orationem conferam, dicasq; id esse  
 Deum tentare? dico quàmlibet aridior  
 imò tepidior ac indeuotior essem, nihi-  
 lomínus illuc ire, & Domino meo coram  
 comparere Volo, neq; minimum hiscere,  
 nec vel quidpiam exambire, nisi tantum-  
 modo altari ipsius adstare; honorem  
 omnem ac reuerentiam tribuere ac ex-  
 hibere; illum mihi cogitando præsen-  
 tem, me intuentem, & quod ante supre-  
 mam atq; altissimam Maiestatem ipsius  
 alisistam, voluntatem meam ibi præsen-  
 tando, quantulâlibet gratiâ ipsius ac do-

no contenta; ut, qui ignis Amoris est, cor meum, cum sibi placuerit, accendete, ac inflammare affectum dignetur. Ceterum quò frigidior existo, eò me igni propius accedere conuenit & oportet; nã ab illo abscedere, est magis ac in deterius frigefieri. Discede itaq; Soror dolosa; nam orationem, deuotionem, aliaque spiritualia dona & exercitia minime depono, nec consolationis ergò habeo, dulcedinem quampiam ex illece capiendo; at vnice Domino meo ac Deo meo, jugiter seruire desidero & anheo; ea propter quòd norim, voluntatis eius esse, ut istud agam; ac memetipsam illius laudi, honori, in omnibus virtutibus & sanctitate consecrem, deuoueam & impendam. Sic itaque, improba Virgo hæc, illulam se se videns, quòdque eiusmodi medio viauè, me à Domini mei Amore nullatenus auertere aut separare potissit, tolli uerit, atq; conatur me ab Amore Sororum mearum allo auellere, diuertere & abducere, derrepente cum duabus prænominatis nouitijs (de quibus paulò antè innueram) accedens, dictis Temerarium iudicium & sinistra suspicio, ut nempe, Sorores meas in corde & apud animum meum flocci pendam & despiciam

am ac omnia eorum opera sinistrè inter-  
preter atque temerè iudicem, inculcan-  
do quoq; ac instillando res ejusmodi, ex  
quibus oboriuntur & prodeunt conuicia,  
murmurationes, contumeliæ ac detra-  
ctiones. At illicò, bono ac sancto pro-  
posito meo excubo, expergiscor ac inui-  
gilo, diceris : Dedecet Vilissimum ( quas  
lis sum ego ) mancipium, sinistri seu ma-  
li aliquid sentire de his Virginibus, aut  
vel facta illarum, minutissima licet, ri-  
mari, vel capere, minimèque conuenit  
peccatoribus ac peccatricibus contracta-  
re sancta. Iumenta bruta ac feræ ad  
montem sanctum ne appropient, opor-  
tet. Expedi mihi alias Virgines bonas  
sanctasq; existimare, me autem malam  
& peccatricem esse cogitare; cùm igno-  
rem, qualis vnaquæq; sit apud Deum, aut  
quis illarum finis fore spectandus. Quod  
autem me attinet, prorsus me præterit,  
quæ vel sim, ac cum ignarissimus scio sim,  
& in quem finem adeoque ( melius dixe-  
rim ) interitum, memetipsam pedes inor-  
dinatorium appetituum ducant & im-  
pellant, malitia & in malum pronitas in-  
clinat & deferat, versus inquam, infer-  
num, nisi me DEI clementia, rexerit &  
opitulata fuerit, quare sufficit vt de me-

H

ipsa



ipsa sim sollicita, mihiq; attendam, sinne  
 cogitatus mei duntaxat, opera sancta &  
 conscientia dilucida Diuinæque confor-  
 mia voluntati, nosse namque meipsum  
 oportet, cæteras minimè cerra, & mini-  
 mè dubitans, me vel jacturam quandam  
 subituram vnquam; at lucraturam sem-  
 per: Maximum etenim periculum cer-  
 tum pro incerto destituere; charitas  
 enimuero haud opinatur malum. Sat  
 superque mihi, consciam propriam, co-  
 gitationes inter ac opera, concupiscenti-  
 as sensualitesque discutere ac dijudicare;  
 his me occupem refert, nec sinistrè ac va-  
 nè conjecturare de alijs, temerè judicare  
 licet. Quis est, qui me DEVM inter ac So-  
 rores meas & illarum judicem constituit  
 conscientias? Nemo sanè. proin apage.  
 Est namque, qui quærat & judicet. Quid  
 ultra? deuicta prostrataq; jaces misera,  
 cum INVIDIA, MALBVOLENTIA, sinistraq;  
 opinione tua, quod est opus Diabolicum  
 vanum, ac Sanctæ simplicitati (quam  
 Spiritus DBI inhabitat, & cum qua ne-  
 mo cadere potest) prorsus contrarium.  
 Porro si quispiam astruat, Temerarium  
 nempe iudicium Superioris aut Prælati  
 intellectum irrepere ac occupare posse;  
 sicque dicta remedia, ad talia tollenda &  
 eluenda

eluenda minimè sufficere, scire debet, ad  
 hæc maximam habilitatem, experienci-  
 am, & sagacitatem requiri. summaq; sit  
 præditus industriâ. non minori profectò  
 in his vratur prudentiâ, refert; idq; ideò,  
 quemadmodum experienciâ quotidianâ  
 liquet. Quod, si duntaxat. hera vel Ma-  
 terfamilias videat & aduertat, aliquam,  
 suorum, de se Temerarium fouère judici-  
 um, quàmlibet antea proba admodum,  
 optimaque audiebat, nihilominus vertit  
 bonitatem ac probitatem in omnimodam  
 malitiam & infidelitatem. differente Se-  
 neca, qui inquit. Impium ac Temerari-  
 um iudicium fecit multos peccare. Quo-  
 niam verò ad hoc punctum deuicta vin-  
 ctaque jaces? Quid vitrà garis, opera  
 mala esse, siquidem intentio, proposituq;  
 bonum fuerit. Fortasse in aduertentiâ,  
 aut ignorantia, siue humanâ ex fragili-  
 tate, lapsusq;, aut primo motu, aut etia  
 am naturali casu è fortuito factū. Ecce  
 in cunctis his inuidiam, seu stultum repe-  
 riri iudicium haud debere: at A M O R I S  
 DEI ergò, totum eloqui, æqui bonique  
 consulere, & compati; sin minùs id con-  
 cedere detrectes? dico mysterium, judi-  
 cium, & secretum esse DEI, cuius prou-  
 dentia, omnia, & singula, quæ minimè

intellectus noster, capere sufficit, dijudicat. Quare, quemadmodum DE VS ex parte sui, in nobis bonum operari, nunquam supersedet, aut desistit; ita & permittit, eiusmodi mala fieri, vertens cuncta, quàmlibet ex natura sua, mala sint, ad vtilitatem ei, qui lapsus est, aut aliis in bonum, qui hæc intuentur. Nec istatenus effari audeas: qui namque alios iudicare statuit, & discutere, Deus audire appetit. Quin videas, quid, & qualiter de Patre tuo actum sit, vbi similitudinem DE I ex ambire non erubesceret. Porro iumentum malitiâ prorsus destitutum, de aliis comparibus, vel conseruis suis, iudicium temerarium, opera illorum discutiendo aut cauillando, haud formare & habere debet. Verùm cogitet, refert, viam suam gradi, ac perficere, onusq; sibi impositum portare; ac licet socius quidam eius, retrò subinde maneat, seu deuiet, nihil curat, sed solummodò cupit præcedentes sequi, adeoque sancto cum zelo illos prævertere gestiens, antesignanum agere anhelat; sin minus valet, gressui attamen suo attendit, nullum curans, nisi seipsum, nec retrò sese obuertens, nisi paululum respirat, & subinde quiescit, quatenus melius pro-



progredi, gressuq; ponere validius que-  
at nec vel vnquam remurmurat, vel  
herum suum, aut alia obloquitur iumen-  
ta. Cùm igitur iumentum meipsum ef-  
feci, quod iumentum est, agere præstat,  
nulli alteri, nisi mihimetipsi attenden-  
do, & inuigilando.

#### C A P V T XIV.

*Prosequitur Humilitatis Exercitium.*

**D**esiderius admirans Exercitium Hu-  
militatis, ait: sanè, Domina mea,  
nunc video verificari, quod dicitur: quòd  
nempe humilitas omnem iusticiam vir-  
tutem, pacem, spiritualia pariter ac mun-  
dana in se contineat, gaudiat, & solatia.  
Proin non verearis dubium, quod in hac  
re oboritur, enodare, ac resolvere: vtrū  
duntaxat semper malas has virgines,  
dum intrant pernoveritis, ac vtrum se-  
se aliis immiscentes, perinde vestiantur,  
ac vestræ, quonam modo eas nosse pos-  
sitis? Proh filii mi, ait Humilitas, hoc  
magnum est. Scire igitur te oportet,  
quemadmodum diuina benignitas in me-  
dio Camerae lampadem (puta bonā Con-  
scientiam) posuit. Quæ, die nocteque  
oleo misericordiae eius, & Sacrae Scriptu-  
rae pabulo accensa, ardet, è filo pendula

(CVSTODIA, supple, CORDIS) obfirmata clauo, nuncupato CVSTODIA gestus, seu motus; & quamdiu præfata lampas accensa est, & ardet, nihil SOLICITAMUR: illico namq; aduertimus; & quamlibet improbræ bonis intermisceantur Virginitatibus, & similes nobis vestiantur, ex incessu nihilominus illas pernouimus; sunt namque curæ, debiles, claudicantes, ac gibborosæ, vt nulla arte, nec vel ad placitum gradi, aut erectâ incedere valeant ceruice, sed, fili mi, dum lampas ob peccata nostra exit, atque extinguitur, aut per incuriam, negligentiamq; nostram clauus excidit, aut funiculus dirumpitur, vel Dominus noster oleum subtrahit (quod nunquam facit, nos nisi ipsi prius effundamus) manemus in tenebris, & omnia nostra retrocedunt, & malè peraguntur; quare sine intermissione deprecamur Dominum, vt lumen nostrum, lucernamq; accendat, dicente cum Propheta; Quoniam tu illuminas lucernam meam Domine; Deus meus illumina tenebras meas. Deus det vobis suam gratiam, ait Desiderius; Nam spiritum meum consolati estis. Accipe nunc virgines has, ait Humilitas, vt primitus tecum vadant, donec tandem recto indua-

ris timore; quatenus tametsi tibi obuia-  
uerint malæ Virgines, odium, inuidi-  
amque suam ostendentes, ac præsefe-  
rentes, haud conentur te è potestate,  
& manibus nostris eripere. Ecce habes  
austeritatem aut seueritatem contra pri-  
mam CONCVPISCENTIAM nempe Carnis.  
FORTITVDINEM, contra secundam, Con-  
cupiscenciam duntaxat Oculorum. Hu-  
lilitatem, contra tertiam, scilicet Elatio-  
nem, seu SVPERBIAM VITÆ. Diligentiam,  
seu studium contra quartam, videlicet,  
Acediam. Bonitatem contra vltimam  
duntaxat Malitiam. Nunc vade cum pa-  
ce, & Dei gratia præcedat te ac sequatur  
semper,

## C A P V T XV.

### *De virtutibus filie Humilitatis prædictæ.*

**T**Ali modo, ait Humilitas, cum auxi-  
lio & gratia Dei, mei prænominati  
Mariti, cooperante mcipsâ, quod maius  
est, meos debello ac subiicio inimicos.  
Desideri<sup>9</sup> dictæ superioris verbis multum  
consolatus, dixit, ROGO te, Virgo Mater,  
licentiam Virginis visitandi & in notiti-



am veniendi : per libenter, vade cum  
 cum benedictione D B I, sed & tu aulæ  
 Magistra (ait Virgo vni sororum) comi-  
 tare illum, ducendo per totam Domum,  
 in vnāquamq; Virginum cellam. Ita  
 hilari animo Desiderius è superioris Cel-  
 la perexit cum præacta Virgine, voca-  
 bulo : Nihil curo, (quæ aulæ simul atq;  
 Nouitiarū disciplinæ magistra existerat)  
 sociā, quæ introduxit illum in cellam  
 Humilitatis præfessæ, primæ, ac natu-  
 maioris filiæ, nomine, CONFESSIO, quæ  
 perquā humaniter illum excipiens.  
 aspiciens, ait Desiderius : Soror, peto  
 obnixè, velis mihi statum, officium,  
 & proprietatem tuam indicare, Ego, in-  
 quiebat illa, sum bono corde, Filia Hu-  
 militatis, & bonæ Magistræ huius Aulæ,  
 diuina, ceipus, Societatem summope-  
 rè amplector, atq; in consortio suo in-  
 ueniri me cernens, frequenti admodum,  
 ac summo afficior gaudio, fatendo, &  
 confitendo, quæ sim, & qualem me esse  
 sciam, & æstimem Desiderius vidit pri-  
 mam Virginem hanc, bonæ & magnæ  
 grauitatis authoritatis, ideò quòd hy-  
 pocrissi, & vanæ gloriæ infensa inimica-  
 que erat, Acceptaq; ab ea facultate, du-  
 cebatur ab Aulæ Magistra in Cellam Hu-  
 militatis

militatis secundæ filiæ ; nuncupatæ : DESIDERARE CONTEMNI ; à quâ & humanissimè pariter exceptus, & sibi assiderere iussus, dixit. Precor, bona Virgo, digneris nomen tuum, statum, & proprietatem edicere ? Meum nomen est, ait illa, DESIDERARE CONTEMNI calumniari, conuiciari, dishonorari, in nulla veneratione haberi, & à nullo prorsus reputari. In admirationem raptus Desiderius, audiens illam, ita percipere contemptui esse, ac conuitio ; quandoquidem id ipsum contra omnium hominum usum, ac consuetudinem sit, & quoniam Amoris Dei gratiâ talia auebat, summè virtuosam illam æstimabat Virginem. Ita licentiâ ab ipsâ acceptâ, ductus fuit à Magistra domûs in tertiæ filiæ cellam vocatæ : GAVDIVM CONTEMNI velle : quæ & gaudenter cum suscipiens, ac sedere rogans, hunc ab eo perciebat & audiebat sermonem : Charissima Virgo, maxime precor, non verearis mihi statum, & tui proprietatem officii eloqui. Ego, dixit illa, gaudeo videre me contemni, calumniari, inhonorari & annihilari, & hoc vnicè propter AMOREM DEI. Desiderius miratus valdè virtutem Virginis, dixit.: Soror, dicito mihi, quomodo,

do, & quâ viâ, virtutem hanc consequi  
 valeam, cum totum in me inueniam con-  
 trarium. Si enim malè tracter, despiciar,  
 inhonorer, & nihili æstimer, minimè pos-  
 sum lætari, verum semper contristor, &  
 confundor. Id inde prouenire scias (di-  
 xit illa) te Humilitatem veram minimè  
 habere, quæ in se continet, vt sibi quispi-  
 am vilescat continuò, laudarique se ac  
 magni æstimari respuat, adeoq; ob AMO-  
 REM DEI, sese contemnere, & ab omni-  
 bus contemni, ac in nihilum redigere, ac  
 redigi desideret; ac verò indicium est,  
 te plenum PROPRII AMORIS, esse, insuper  
 magnæ superbix, & arrogantix. Verum-  
 tamen, quoniam te hanc introduxit do-  
 mum Deus, docebitus te virtutes omnes;  
 grossam hanc tibi detrahentes pellem,  
 nouum te, ac omninò alium efficientes;  
 adeoq; adaptaberis, & adornaberis cum  
 AMORE DEI colloqui: sin minùs scias,  
 laborem, & operam te perditurū. Qua-  
 re, si virtutes meas consequi peroptas,  
 opus est, vt primùm hanc Sororem me-  
 am (supple DESIDERIUM CONTEMNI vel  
 SPERNI velle) quam ante vidiisti, in cor-  
 de acutè occludas, sæpiùs cogitando, & a-  
 nimo ruminando aut versando, dicas; volo  
 dehinc contemni, despici, illudi, flocci,  
 pendì,



pendi, inhonorari, ac prorsus pro nihilo reputari. Cum id desiderij, cordi tuo exaraueris, filo orationis; studij, laboris, minimè fatigaberis, sed diuturniori, manuq; prolixiore, meas conlequeris, & acquires virtutes. Et licet initiò (sensualitati reluctando) arduum [opus] visum fuerit, magnumque laborem experieris, & pati congeris; nihilominus vinces totum constantiâ, ita vt incredibili afficiaris lætitiâ, cum dicta, seu facta tibi fuerint, quæ minimè desiderabas. Habes insuper temetipsum superare, pudorem, & contemptû exambiendo. Scitonamque nullum perfectum esse, præterquam humilem; ast qui nonnunquam sperni, rideri, illudi, vult; calumniari, inhonorari, lædiq; renuit, perfectus, & iustus taxari, indignus est. Miror, inquit Desiderius, illum perfectum iustumque non esse, qui hæc omnia non desideret. Quipote? Nam in huiusmodi casu, pauci reperientur iusti, videturque mihi minus conueniens. Rationem huius ausculta, dixit illa; semel verum est: iustum esse illum, qui desiderat, vt unicuique, quod proprium est, detur. Hoc si ita est, atq; ita esse facile comprobatur, Hominis duntaxat nihil esse proprium, nisi deipe-

ctus, illusiones, contemptusue; quæ si respuat, & non affectet, injustus cenſeatur oportet. Ediffere & ostende mihi hos, ait Desiderius, duos sermones, homini videlicet non competere, nisi contemptum, & inhonorationem. Perlibenter faciam, subinferebat illa. Vtique verum est, quòd omne bonum sit diligendum, honorandum, quærendum, & laudandum, idque eò magis, quò aliquid fuerit melius æ contra, omne malum, contemni, odio haberi, inhonorari, annihilari debet. Cùm igitur verum sit, omnẽ hominem malum esse, consequens est, odio haberi eundem, contemni, & illud exhibitari debere. Declara mihi, ait Desiderius, hoc. Libenter admodum, dixit illa: Deus solus bonus, & omnis homo malus. Ego, dixit Desiderius, non intelligo hanc consequentiam; scire debes, subinfert illa, quòd Logici exclusiuis his probant, dicentes. Deus solus bonus, est. Ergo ab alio remouent bonitatẽ. malo autem propriè ac de jure Naturali competit, ac deseruit omnis contemptus, despectus, pudor, sibilus, illusio, confusio.

## CAPVT XVI.

*Monstrat, quomodo omnia à Deo creata, bona sint, & quomodo Deus solus sit bonus.*

**V**Idē, dixit Desiderius, argumenta tua mihi non sufficere, cum dicas, quod Deus solus bonus sit, & id quod Deus non est, bonum itidem non esse, contradicente scriptura: Vidit Deus cuncta, quæ fecerat, & erant valde bona; ex quo colligitur, non solum bona fuisse omnia, sed etiam optima. Præterea si Deus bonus est (ut pote qui altissima, supremaq; bonitas, & vniuersorum, quæ facta, creataque conspiciuntur, Causa efficiens fons, & origo) merito vniuersa & singula, bona esse debent, cum opus Creatorem suum, fontem, & originem non mentiatur, sed prodat, indiget, eiusque similitudinem ut plurimum, referat, & exprimat: vnde videre licet, omnia & singula à Deo creata, nedum esse bona, sed & optima; quare homo, qui cum nobilissima creaturarum corporearum existat, non solum bonus, verum perfectè talis esse, inhæsitante dici potest. Si igitur bonus, ex proposita tua sequitur, & datur intelligi regula, quod



hominem Amor, cultus, honos, & alia  
 ejusmodi sexcena, deccant. Ultra tecum  
 disputare, ait Virgo, penitus nolo; nam  
 id Humilitati contrarium: attenim id-  
 ipsum tibi aperiam, & indicabo. Scias  
 oportet, quod solus Deus sit bonus,  
 quemadmodum altissima in Evangelio  
 fatetur veritas, quod intelligi debet ita.  
 Deus in essentia sua solus est bonus, &  
 illi soli proprium est bonum esse, & o-  
 mnia à Deo creata, bona sunt, per par-  
 ticipationem bonitatis Divinæ, non  
 quod vnicè factura & creatura ex pro-  
 pria bonitate bona sit; omnis namq; bo-  
 nitas illarum à Deo, & nequaquam ex il-  
 lis est. Ex ea ratione, Creatura expen-  
 dat & recolat bonitatem, & ineffabilia  
 dona sibi à Deo indita, infusa, & com-  
 municata, etiam omnem honorem, &  
 amorem, Deo tribuat, necesse est, quod  
 totum in Deum redit, ac redundat, non  
 in Creaturam. Hoc modo tenemur cor-  
 pus nostrum, creaturas, & creata omnia,  
 ex quo in esse suo bona sunt, diligere.  
 Proinde homo, haud desiderabit, purè  
 ex se laudari, honorari, & amari. Ve-  
 rùm à bonitate, quam illi Deus donavit,  
 adhuc autem ideo, quia Creatura Dei  
 est; Omnia Deo tribuenda & adscriben-  
 da. Ta-

da. Tali modo semper bonum desiderabit, & exambiet. Quamuis aliud est, quod homo à Deo, & aliud, quod à seipso habeat. à Deo habet, quodcunque in naturalibus bonum est; à semetipso tantum, quod malum. In moralibus habet à Deo, ut semper ipsius similitudinem, formam, & imaginem præseferat, & exprimat; à se autem habet, ac per vitiosos, improbos, malosque mores facit, ut Deo dissimilis, ac difformis efficiatur. In quibus (puta moralibus) contulit Deus homini, ut cupiat bonus & virtuosus esse, talis & vivere. A seipso vero cupit malum, improbe viuit, & facit pessimum. Audimus, quod in homine est, nos honorare, & amare debere esse; dūtaxat, & proprietatem eius, naturale simul, & morale bonum; ut homo non propter se diligatur, sed ad Dei gloriam. In homine autem, quod hominis est, odio habendum, puta omne malum, iniquitatem, & peccatum; ita quod diuisione, ac seunctim in vna eademque persona, nempe bipartita opinione, ac fine, honoremus quodammodo aliquid, & inhonoremus; amemus, & odio habeamus; Quotuscunque igitur homo sanctus, pius, ac deuotus fuerit, sciat & omnino non ignoret;

omne

omne malum, non nisi à se ipso habere; firmissimè sibi persuadens, quòd propter bonitatem sibi à Deo insitam, & donatam, sit siue virtus, siue donum aliquod, aut gratia, Deus pro his coli, & amari debeat, illi, inquam, soli, (à quo omne bonum promanat, & profluit) laus, honor, & gloria, tribuatur. Malum autem & impium, quod attinet; nouerit se desiderio desiderare contemptui, & opprobrio esse, debere; quæ si præstiterit, tandem perfectus, ac iustus erit. Nunc autem, quandoquidem Sanctus, bonus, ac iustus, ita (sicut æquum & dignum) desiderat despectui esse, quàm homini scelesto, flagitioso, ac omni peccatorum genere coinquinato, fieri quit injuria, in quo eiusmodi voluntas & desiderium desideratur? Cum discupiat vltra meritum laudari, & extolli, atque gloriam intentâ mente captet, & insequatur. Ideò peccator contemptus, spretus, & confusus, minimè se reputet meliorem, probò, iusto, ac viro Sancto; cum hic obligatur, & constringatur, desiderio mori debere, esse semper contemptui, ac despectui.

CAPVT



*Prosequitur dictum sermonem.*

**V**ERBA Virginis perplacuerunt Desiderio, aitque: Dic rogo, quid iuuare me, ac promouere possit, sanctum istud Desiderium consequendi. Duo respondit illa: Primum est: AMOR DEI, secundum: SANCTUM PROPOSITUM, quod Superior nostra, HUMILITAS, sibi Virum seu Maritum accepit. Cæterum si feceris, quod dixero, iuuabit admodum, & perbreui virtutem meam te consequi promouebit, Ex animo, respondet Desiderius, cuncta præstiturum me promitto. Induc, ait illa, in animum tuum, quod, AMORI DEI, quem tam vehementer & ardentem (liceat ita loci) deperis, capitalior non sit inimicus, qui aut amplius illi reluctetur, proprio tuo corpore; quare hanc exosculare consuetudinem, vt, tam mane, quam vespere, sic animæ tuæ dicas: videamus, anima mea, quali modo, dic hac, hunc saccum Vermium, tuum, dixerim cadauer (dulcissimi Iesu & Domini Creatoris ac Redemptoris tui hostem) odio habitura sis, quomodo percipitura illud tribulari, sperni, atteri, & in vltimis poni, vel nihil prorsus admittitura

fura, quominus in cunctis necessario faciendis persequatur & perseverè tractetur. Hæc si feceris, horumq; ante omnia, desiderium, & memoriam habueris, Animæ tuæ, ac Optimi Domini tui hostes, nunquam non persecutus fueris, istque insidiari haud omiseris; tunc exercitatio eiusmodi, magnam virtutem, perfectionem, non minorem insuper gradum, & statum humilitatis assequendæ tibi conciliabit, & comparabit; cæterum per huiusmodi proprii corporis austeritates, odiumq; tui, consequeris, ut ipsemet affectare, imò & exoptare te senties, amplius, & amplius percupidum contemptu, & contumeliâ affici. Eiusmodi despectibus, si te contingat, à non nemine lædi, mihi, virtutiq; meæ inhæreas, refert; vehementer ad hæc in his latando, ac gaudento, Deum laudando, illiq; grates referendo, dic: Laudatus, ac benedictus sit Dominus noster, me qui superiorem inimicis meis fecit. Desiderius mirifice consolatus à Virgine, & licentiâ, ab Aula Magistrâ, petitiâ, duct<sup>9</sup> est in secundæ **HVMILITATIS** filia cellam, vocabulo: **SIMPLICITAS**, quæ pariter cum perliberaliter excipiens, ac uterq; sedens, ceperunt de Deo, diuinisq; rebus sermonem  
 conse.

conferere. Peto, inquit Desiderius, non dedigneris vocabulum, virtutem, ac statûs tui proprietatem insinuare. Nomen utique meum, ait Virgo est: SIMPLICITAS. Quare cum vnoquoq; indifferenter, simpliciter, dexterè, rectè, clarè, absque fuce, vel quæsito colore aut hypocrisis agam, & conuerfer, oportet, de nullis prorsus, quæ fuerint cunquæ, quâ auditis, quâ visis, malè sinistrèq; suspicando. Verum piè credere malo, quòd omnia & singula dexterè, & sanctè peragantur ab omnibus & administrentur. Saltem quod attinet opinionem, tunc de nullo, nisi de me ipsâ malè suspicor & ominor, semper super cogitatus, & concupiscencias meas vigilando; dextrum oculum Sapientiæ, & Prudentiæ aperiendo, simulq; prospiciendo, quatenus malū vitare valeam. Ut nostra mater, videlicet HUMILITAS fortior, ac potentior in omni virtute, euadat. Qui? subintulit Desiderius, foretnè haud virtuosa, si oculum non teneret apertum? Minimè, dixit illa; SIMPLICITAS etenim absq; sapientia nihil facit, aut conducit, plusq; nocumēti quàm utilitatis confert: AMOR namque DEI, neminem diligit, nisi qui cum Sapientia, ac Prudentia graditur, & ambulat.



*Monstrat Simplicитatis mores, & Proprietates.*

**P**REcor, soror mi, non verearis adstruere, quali modo, cum vnoquoque simpliciter ambulare queam. Tribus modis dixit illa, Cogitationib<sup>9</sup>, Verbis, & Operibus. Primò de nullis cogitare intendā, & contendam, captum & intellectum meum excedentibus, neq; honorem, dignitatem quæram vel applausus, adhuc autem nec minimæ mundanæ vanitatis vmbrae insistam & inhiem, necessum est, nunquam immemor meipſius; nempe quod vilissima omniū Virginum, in mundo contentarū & indignissima sim, vt Dædæ famula audiam & censear: omnes autem alias arbitror bonas Sanctas plenas gratiarum, ac omni virtutum genere præstantes. Secundo blandicella, adulatoria verba, haud proferam, vel palpum obtrudam vnquam; fucatas, singulares, aut blandas emittendo voces aut sermones, nisi: Est, Est. NON, NON. residuum enim malū est, ac de mala propullulans & proueniens radice, quæ est Vanitas. Tertio, singularia, vana, munda naq; non peragam, at enim solum simpliciter

plicia, vilia, humilia abiecta, rudia &  
 recta; ne in vanitatem me attrahant &  
 abducant, & ob quæ vel merear, vel  
 hinc, extrudi me, oporteat. Vilia namq;  
 ac simplicia amplectendo & operando,  
 cor humile fouet conseruatq; deuotum:  
 contrarium verò agere, prorsus pericu-  
 losum. Qua de causa? quærit Desid-  
 scire te oportet, respondit illa, Superio-  
 rem ac Matrem nostram, me hûc intro-  
 ducendo, mihi officium injunxisse; duo  
 nempe Clenodia ac pretiosos lapides, in-  
 tus reperibiles, conseruandi, vocantur:  
 PURITAS & INNOCENTIA tanti valoris, vt  
 nunquam satis æstimari, aut dignè ap-  
 pretiari vel æquilibrio stabiliri sufficiant.  
 Pro his duobus Clenodijs & habendis &  
 asseruandis, & reliquæ omnes Domus ere-  
 mi huius, fundatæ, & exstructæ existunt.  
 Omnia proinde nostra opera, non alio  
 fine, nisi hæc duo Clenodia comparan-  
 da, & in esse conseruanda præstantur.  
 Si verò præsumptio, vanitas, aut singu-  
 laritas per portam cordis, oris, & operis,  
 irrepetent, & intromitterentur, binæ  
 Clenodia hæc profecto facili negotio sur-  
 riperentur & perirent. Quare dum vir-  
 gines, cogitatus, suos sermones, & ope-  
 ra non cò collimant & dirigunt, (ad

præserta, duntaxat Clenodia lucrandæ,  
& possidendæ ) stolidas, & fauvas admo-  
dum illas æstimamus; eò quòd nesciant,  
quid faciant. Quid utilitatis, inquit ille,  
huiusmodi Clenodia vobis adferunt, cum  
sitis perpauerrimæ? nã in magno ver-  
samini ducimine, avaritiam incidendi,  
similes ac minimè necessarias, superua-  
caneaq; diuitias (cuiusmodi Clenodia, &  
pretiosæ sunt Margaritæ) possidendo;  
cum pauperes fame pereant, & morian-  
tur. Minimè, subinfert illa, intelligis,  
& non rectè iudicas: Enimuerò quamuis  
in amore, desiderio, & possessione diui-  
tiarum, aliorumque bonorum, sint illa  
quàm libet spiritualia, aut secularia, vel  
alia, quoad opinionem, modum, & finem,  
per quæ desiderantur, possidentur, & v-  
sui sunt, avaritia, & dolus abscondit⁹ &  
consepultus sit, minimè tamen in Cleno-  
dijs à nobis habitis, fraus aliqua & infi-  
diæ inueniri possunt, eà propter, quod  
illa ad AMORI DEI placendum, &  
seruiendum, desideremus; teneamus,  
& asseruemus; illique cum ijsce vbi intro-  
ierit, vel nos in eius domum intraueri-  
mus, cultum & honorem exhibendum.  
Alijs diuitijs superaducitur ærugo, aut  
tineis demoliuntur, eadē aut ex seipsis  
putrefi-



putrescunt, & corrumpuntur. Ideò, quod sæpenumerò aperiantur, & detegantur: has autem in corde abditas, & absconditas, ærugo, vermes, aut corruptio inuadere vlla nequeunt. siquidem Clenodia prædicta nemini, nisi penes se habenti, aperta sunt, & illas possidenti. Quî, ait Desiderius, si panderentur, seu detegerentur, possibilène ea rancescere, aut erugine absumi? Nequaquam, respondit illa. Si enim quilibet eadem, adaperiat, monstret, & denudet, vt videantur; talis nunquam habet, sed omnino illis caret. Cui enim sunt, non cogitat se illa habere: sed desiderat, & satagit, allaboratq; continuò illa acquirere, & consecui; Porro subinde Dominus noster donat ejusmodi Clenodia, quin illa habens sciat, se eadem habere; Bonus autem Dominus, id propterea facit, ne præsumptio, proprium sentire, ac æstimare (in corde abscondita) illa surripiat, & furetur. In summo proinde gradu illa possidens, tam arctè & absconditè occultat ea, quoad sibi possibile ducit & autumat.

*Prosequitur, & ostendit ea, quæ Simplicitatem foueant, & conseruent.*

**D**ESIDERIUS desiderio desiderans vltro ait Virgini. Quidnam magis iuuat commodatque preciosa hæc margarita in esse conseruare? Vnum ex aliis, respondit illa, est nouitiis aut tyronibus per necessarium, senibus quoque ac decrepitis non inutile: Fugere duntaxat, & portas valluasq; claudere: cum multis etenim agere & conuersari hominibus multaq; audire & loqui, perquam difficile & male prædicta conseruantur: ex ea ratione, quod Anima nostra sit quasi speculū quoddam, figurarum & imaginū species, atq; effigies, ex omnib<sup>9</sup> sibi contraposis, referens, recipiens, ac imprimens. adhuc Anima est quasi cera, omne inolitum & impressum, in se conseruans: est insuper tanquam vrceolus aut vas pice refertum, quod sine coinquinatione axungie, aut picis adhæsiōe dari nequit. Quī possibile est, ait Desid: fugere, portasq;, viuenti in congregatione ac societate semper claudere? cum persæpè huc & illuc ire cogatur; à Superiore hoc & illud facere impuls<sup>9</sup>; cum vno alterouè interdum colloqui

loqui; cùm insuper omnibus affabilem  
 sese præstare aut exhibere, communica-  
 tionēq; sermonis nulli abnuere oporteat:  
 cæteroqui proprietas priuatū aut singu-  
 laritas (vitandum enim huiusmodi mon-  
 strū cuilibet omninò) plus æquo vigere  
 virereue videretur. Equidem ita, infic  
 illa, nos ex Obedientia & Charitate  
 per multā videre, audire ac loqui teneri,  
 tamen hæc ipsa, propriā illectus aut ine-  
 scatus, facere attentans voluntate, erra-  
 ret profectò, ac minimè prudenter aut  
 rectè agere præsumeret. Secundò con-  
 uenit ac precatur illum prædicta dunta-  
 xat Obedientia & Charitas (si tamen  
 haud negligat, & quod cæteroqui in se  
 est, facere mauelit) vt præuideat præca-  
 ueatque à perditione Glenodiorum illo-  
 rum. Quid agendum, dixit Desiderius,  
 vt facere quis, quod in se est, valeat? O-  
 portet, respondit illa, vt qui, per Obedi-  
 entiam, Charitatem veramq; necessita-  
 tem, nedum ab hominibus auulsus & ab-  
 stractus, quietis silentiiq; diligens (ha-  
 rum gemmarum. Puritatis & Innocen-  
 tiæ, conseruandarum gratiā) esse possit  
 sed & me secum rapiat, & si in meo sit  
 contubernio, haud vereatur, quin supra  
 memoratos (quàmlibet totum peragrâs,



rit mundum) lapides perdat pretiosos. Desiderius; rogo, per similitudinem id ipsum mihi declarari: simpliciores namque ac rudiores homines, huiusmodi stylo & modo intelligere, & facilius penetrare consueverunt. Scito, inquit SIMPLICITAS, PURITATEM ac INNOCENTIAM (hi quippe optimi sunt modi adipiscendæ virtutis; quibus itidem illico & quantocius ad ultimam, DEI duntaxat AMOREM, venit) obtinere & conservare per, cupido ac exambienti fugiendum esse portasq; claudendas; quod impossibile factum, me nisi comite; adhuc autem in omnibus, quæcunq; vel videt, vel audit, me dextro suo oculo imponendum & includendum, sciat. Si proinde sinister oculus (supple Concupiscentiæ facilis siue temerarii ac stolidi iudicii) illa cernere discupit, prius ea oculo dextro SIMPLICITATIS dispicienda & trutinanda ostendat, in se ipso duntaxat considerando quemque, sit siue vir siue mulier, siue frater siue soror &c. omnes pueros Domini nostri immò Angelos existere, & alia omnia non nisi instrumenta & organa DEVM jugiter ac Creatorem suum incessanter laudantia & benedicentia;

Exte.

Cæterum, hoc modo, quæcunq; de proximo suo vel audit vel videt, dexter oculus, indulgebit, ignoscet, excusabitq; æqui boniq; consulat; atque ex omnibus Creatis, in quæ illum oculus sinister Concupiscentiæ, allexerit & detorserit, laudes Deo nunquam non decantabit ac persoluet, perpendendo pulchritudinem suauitatem, dulcedinem ac benignitatem, aut vel Creatoris & factoris sui alias virtutes & attributa, seipsumq; ex stimulando, dicet: Nolo creaturas deinceps aliter desiderare ac diligere, nisi in & cum eis Deum simul diligam, laudem & benedicam. Pari modo opus erit, vt in omnibus, quæcunque vel egerit locutusque fuerit, me simul secum rapiat. Quis, Desiderius inquit, facit homo omnia & singula cum SIMPLICITATE? Quando intentio, subinferebat illa, simplex, recta, pura, munda & dextera est, intantum quod omnia (quæ alioquin in se bona esse probantur) facienda, cum omnibus pariter circumstantijs loci, temporis, hominum ac personarum, dexteritati ac æquitati consona sunt & conformia; similiter modum, medium & occasionem bene & diligenter perpendendo ac prævidendo, vt ex asse, ad gloriam Dei solummodo

do & honorem, siue proprii Spiritus vel corporis virtuosam, seu Proximi, & communis boni vtilitatem, ac commodum fiant; hoc nunc est, semper & in omnibus cum SIMPLICITATE ambulare. adeoq; taliter gradicens, benè cautis & perquam securis, certijsq; passibus ac vestigijs ambulat, qui omni loco & tempore, inquam, assumit sociam SINPLICITATEM.

## C A P V T XX.

### *De Humilitate.*

**D**ESiderius Virginis huius SIMPLICITATE mirificè consolatur, licentiâq; sumptâ, vltro ab Aulæ magistra in HUMILITATIS secundæ filix, cubile introducitur, Vocabulo PAUPERITAS; à quâ itidem exceptus hilariter, cui assidere iussus, dixit: Multum ex Societate vestra recreor, cum haud ignorem, quod AMOR DEI perquam ardentè vos diligit. ac peto, digneris officii tui qualitatem patefacere. Propter DEI AMOREM, insert Virgo, neque habeo, neque habere quidquam cupio. In quo igitur: Desiderius percontatur, consolatio & gaudium vestrum situm est? Supremus thesaurus meus est, ait illa, bona, diuitias, solamina, gaudia  
flocci



flocci pendere; ac penitus nihili facere.  
 Permirus, dixit Desiderius, dictū enim  
 uerò mihi, Domum hanc, à ditissimo pa-  
 riter ac liberalissimo Domino, fundatam  
 & exstructam esse: quī ergo vult &  
 patitur, eam, tam pauperes, miseros, ege-  
 nos inhabitare populos? proinde me la-  
 tet, quid beneplaciti seu grati obsequii ex  
 inopia vestra haurire possit? Dicam &  
 non celabo, infert ipsa; Fundator & in-  
 stitutor huius Domus, Rex est, & orbis to-  
 tius Dominus, habens omnia regna mun-  
 di, thesauros & diuitias illius in manu &  
 potestate sua; nihilò minùs, voluntatis  
 ei⁹ & placiti est, perpauperes ut simus, ac  
 nulli rei, nisi illi cor, & amorem intenda-  
 mus & impendamus. Si etenim nobis as-  
 fatim omnia cōcedere vellet, posset utiq;,  
 at ijs, quos tenerrimè diligit, perquam  
 minimum donat, quatenus vnice illum  
 desiderant, ac mundum, mundanaque  
 omnia aspernentur & odio habeant. Ma-  
 ximum indicium, experimentum & testi-  
 monium, quod ab Amore illi⁹ haurire aut  
 concipere valemus, est, dum in pertristi  
 hoc ac lamentabili lacrymarum valle, mi-  
 nimè nos consolatur, aut vel concupi-  
 scentias denegat carnis: Adhæc autem  
 nos pauperiem intantum amplecti percu-  
 pit,

pit, vt absq; huius sæculi bonis, diuitijs, consolationibus, cura & solitudine superflua, sibi ex toto ac indiuiduo corde, cum omni spiritûs gaudio, seruiamus: nec de facili mundanorum lucris & prosperitatib<sup>9</sup>: aut iacturis & infortunijs; tristitia & vanâ ducamur vel feramur gloriâ: insuper vt cor nostrum in pace ac quiete nec non tædii expers citra tumultum diuisionem aut scissuram, illi jugiter sit reconciliatum & coniunctû. Verûm enim verò, AMORDBI est tam teneræ ac delicatæ Naturæ, vt nusquam nisi vnico tantum, puro, tranquillo loco consistere & immobiliter habitare peruelit. Quæ tua, percontatur Desiderius, potissima virtus? Plurima seu potior mea virt<sup>9</sup> est, ait illa, memet sororibus (quibuscum cohabito, Viuo & ago) adaptare cõcordare & conformare; & quàmlibet mihi adsit desiderîû, nihil prorsus habendi possidēdiuè, nihilo seciùs apri syluestris, vocabulo (SINGULARITAS seu PROPRIETAS) qui hûc irrumperet solet, hortum nostrum subuertentis ac depopulantis, fructus optimos quosq; depascentis ac deuorantis expellendi gratiâ, vult Mater nostra, ne aliam à Sororibus meis, animum inducam, vitam. Cæterûm ne meritum aut præmium virtutis

vīrtutis meæ dilapidem aut disperdam,  
 sancto proposito memetipsam (quod Ni-  
 HIL EXPOSTULARE nuncupatur) despon-  
 sauit. Vtrò mihi, præacta Mater nostra,  
 instillauit, velimnè perfecta euadere, vt  
 mihi appposito; siue paruo siue magno;  
 cū frugali tū delibuto, ac si perquā  
 optimè condīto contenter & paciter, læ-  
 tificer cibo adhuc autem atque quod ma-  
 ius est, vult, vt ob DEI Amorem, appo-  
 siti partem quantam relinquam, necessi-  
 tatem solummodo sectando. Id nunc De-  
 siderius ait, plūs est, quā bonum esse  
 velle; & ampliūs, quā quis obligetur  
 facere. Videtur namque mihi FVNDATO-  
 REM, vobis tantū Paupertatem Spiri-  
 tūs injunxisse, & Propheta adstruit: Diui-  
 tiæ si affluant, nolite cor apponere. Pro-  
 indeque arbitror, virtutem Paupertatis,  
 non in paruo aut magno siue multo ha-  
 bendo, sitam esse ac consistere, sed tantum  
 cor & animum habitis non apponere ne-  
 que hisce aggrauare. Equidem verum,  
 inquit Virgo, quod virtus Paupertatis in  
 Spiritu consistat; nihilo minūs, securiūs  
 esse putes, impræsentiarum, Amoris DE  
 gratiā, omnia deserere, ac nihil prorsū  
 habere velle. Verū enim uerò Amor  
 noster & concupiscentia, cuiusmodi pul-  
 chris



chris amœnis, apricis, teneris ac rebus  
 nouis, adeò inclinatus affectus est, vt  
 perquam difficilè sit illa, (puta transito-  
 ria) habere quin hîlec afficiatur immo il-  
 laque illaqueretur, vt aut nos saltem ex  
 quadam parte amoris (qui vtpote in no-  
 bis minimus erga DEVM inuenitur) non  
 distrahant, diuidant vel despertiant. Qua-  
 re optimum videtur, stramentum, stu-  
 pam aut paleas igni subducere ac pror-  
 sùs amouere. AMOR enim DEI solum-  
 modo percipit amorem hominis; & mul-  
 ti inueniuntur, seipsos in hoc decipien-  
 tes, dicendo: Non magno his caducis  
 afficior amore, atque si eisdem orbarer,  
 minore profectò laborarem tædio & do-  
 lore. Crede mihi, nostram concupiscen-  
 tiam tam delicatam esse, & illecebrosam,  
 vt rarò admodum fieri cernamus, quin  
 istiusmodi rebus illectetur, implicetur, &  
 illis adhærescat. Exemplo tibi & speculo  
 sit Dominus noster, qui assatim cunctis  
 mundi huius, opibus curâ & solitudine  
 procul, amorem & animum vel his inten-  
 dendi aut apponendi, abundare potuiss-  
 set: at vide, quàm perpauper tam ipsius,  
 quàm Benedicta Mater eius, & charissi-  
 mæ Apostoli fuerint. Quid precor, astruit  
 totum hoc, nisi vt penitus nihil, neque  
 animo

animo neq; desiderio aut possessione habeamus, aut habere velimus? Idcirco è cellula omnia projecì, vt nec quicquam nisi Dulcissimi IESV imaginem, sicut in Cruce nudus manebat, in illa reliqui, Amoris ipsius, quo in me ferebatur, recordando, reminiscendoq;e. Multos quondam consueueram libros seruare, quos omes hinc remouì, optimos solummedò retinens; vtpote vetus Testamentum, ac Patrum veterum vitas; vnice autem vitam CHRISTI, & perpaucos quosdam libellulos. nil vltra desidero. Dulcissimum namq; Dominum ipsum, ac Sanctissimæ vitæ eius, mihi credo sufficere, librum  
**I E S V M.**

## C A P V T XXI.

### *De Obedientia.*

**I**Terum à Virgine multùm consolatus & recreatus Desiderius, veniâq; sumptâ, ab Aulæ Primiceria introducebatur in conclaue Humilitatis secundæ filiæ, nuncupatæ: PAUPERITAS. cui pro reuerentia (vtpotè magnæ dignitatis, non minoris pariter auctoritatis & grauitatis, atq; ideo ab AMORE DEI, præ Virginibus

ceteris grandiori honore habita) manū  
 disuauiri aut exosculari volens, sed re-  
 nuenti, eamq; retrahenti (quippe quæ  
 vna, filiarū HVMILITATIS, honorē om-  
 nem ac venerationem respicientis, existe-  
 bat) Desiderius humiliter assidere ius-  
 sus, dixit: precor, Virgo Mater, officij  
 tui proprietatem non verearis dicere.  
 Ego, respondit OBEDIENTIA, bono san-  
 ctoq; sum desponsata proposito, nuncu-  
 patur: NIHIL FACIENDVM OMITTERE.  
 Iste fortis ac præpotens est Vir nobilissi-  
 mus & perquam probus athleta, solus, &  
 (vt loquuntur) proprio Marte, horribi-  
 lissimum in mundo dabile animal, di-  
 ctum (PROPRIA VOLUNTAS) fundere seu  
 vincere ac prostrernere sufficiens; quæ fe-  
 rocissima belua philostorgos seu sui ama-  
 toros ac sequaces destruit funditus atq;  
 absorbet; efficitq; sibi obsequentes nimia  
 dulcedine ac suauitate eos inescando,  
 malos ac improbos omnes: & perpauci  
 non sectantur illam, donec tandem cer-  
 tissimum & ineuitabilem interitū ac per-  
 petuam incurrant & inducantur damna-  
 tionem, Me autem deuitant & fugiunt  
 omnes; tametsi vltra quàm verum ha-  
 beatur, nullum, me sine, AMOREM DEI  
 (qui Dominus solus, ac toto vniuerso stul-



tè appretiatum) inuenire & nancisci pos-  
 se. Et quoniam DEVS me tam probo do-  
 nauit Marito, nihil omnino facio, quàm  
 quod præcipit ipse; nec cupio nec expo-  
 stulo licentiam aut facultatem, præter-  
 quàm necessitati consulendo, aut con-  
 descendendo; & tunc ob periculum fu-  
 rum (quorum plurimi intus habentur, &  
 usque; idcirco te abscondentes, ut cerni & ani-  
 maduersti nequeant) sola ire non audeo.  
 Quis, percontatur Desiderius, tecum va-  
 dit? Primò, ait illa, assumo mecum ca-  
 nem, vocatur uti tutus: BONAM duntas  
 xarVOLUNTATEM, & Sororē meā, nempe  
 SIMPLICITATEM, nec non filias meas, sci-  
 licet FIDELITATEM & HILARITATEM; antea  
 omnia autem Matrem nostram & Supe-  
 riorem, HUMILITAS videlicet contendit  
 mecum ire semper; quos omnes accipe-  
 re mecum habeo, si alioqui tutò perge-  
 re, iussaq; capeßere, ut vel prosperū for-  
 ciantur effectū, peruelim aut desiderem.  
 Amabò, ait ille, quā Mater vestra HUMI-  
 LITAS, in eis, quæ agis, tecum ambulat?  
 enimuero haud bene capio. Omnibus,  
 ait illa, quantiscunq; peractis & expedi-  
 tis, fuerint quālibet mundi totius ne-  
 gotia, summaq; rerum, non arbitror me  
 boni quidpiam fecisse; neq; in bonis ope-

ribus fiduciam pono, vel cor meum ex  
 iisdem eleuo, nec vel censeo, quin aliæ  
 idipsum perinde & ita probe, ac ego per-  
 ficere, sufficiant; nec vnquam ob eiusmodi  
 virtutes, cæteris me præfero, aut melio-  
 rem reputo, vel quandoq; laudari cus-  
 pio, ad magna grauiq; negotia idone-  
 am me autumando vel affirmando. at-  
 enim humiliter Deo gratias dico, quòd  
 sibi placuit, gratiam hanc, donum sapi-  
 entia, intellectus & prudentia mihi clari-  
 giri, nonnihil pro eius amore præstan-  
 di; menteq; reueluo ac rumino semper  
 dicendo: In hoc plurimum Domino no-  
 stro (quòd vel mihi gratiam tale quid fa-  
 ciendi præstiterit) obstricta seu obliga-  
 ta sum. Quare penitus nolo, quin aliæ  
 quicquam agant, nisi jugiter Deum lau-  
 dent & benedicant, quòd verò me con-  
 cernit, nihil, ad vltimum vitæ halitum,  
 desidero, nisi sollicitudinem, angorem,  
 laborem; dummodò hinc Domino Deo  
 major gloria, cultus, honos, ac benedi-  
 ctio; proximo verò commodum ac vtile  
 proueniant: mihi prorsus nihil; cum  
 optimè sciam, me haudquicquam pro-  
 mereri nec ambire, nisi vt Dominus no-  
 ster Amorem suum ( quatenus virtuosio-  
 ra opera facere potis sim, nec vnquam  
 iram

91  
iram ejus incurrã aut meream) mihi non  
dedigneretur impertiri, vt vel in puncto  
& instanti mortis (prout piẽ credo &  
fidentissimẽ spero) dulcissimum, clemen-  
tissimum ac pietissimum se mihi offer-  
dat, præster, exhibeatq; IESVM, Amen.

## C A P V T XXII.

### *De Castitate.*

**I**Terum summẽ recreatus Desiderius à  
matre sua: OBEDIENTIã. A qua & li-  
centiã eundi sumptã, ductus est ab Aulæ  
gubernatrice in. HVMILITATIS vl-  
timæ Filix conclaue seu cellam, no-  
mine CASTITAS, quæ pariter honorificen-  
tissimẽ illum excepit. cui & assidens De-  
siderius ait: Precor, bona Virgo, non ve-  
rearis mihi Naturam, proprietatem, offi-  
ciumq; tuum indicare. Ego sum, quem-  
admodum nosti, subinfert illa, sincero  
corde, HVMILITATIS FILIA, habeoq; bi-  
nas pedisequas; quarum vna: ABRVPTIO.  
seu auulsio, altera vocatur PVDICITIA.  
Maritus verò meus, CVSTODIA CORDIS  
dicitur: Cui puer nunquam non adhæ-  
rens, dict<sup>9</sup>: CONSERVATIO seu CVSTODIã  
CONCEPTVS seu INVENTIONIS. Dignare  
rogo, ait Desiderius, puerum illum mihi  
indicare. Perlibentẽr faciam, dixit illa,



puer ille nuncupatur: VIRGINITAS. Quē  
 Desiderius, cernens vehementer mira-  
 batur, decentiam duntaxat & ornatum,  
 quō erat instructus & accinctus. Primò  
 namque frænum manu habebat, simulq;  
 & lapidem, parapetasma seu velamen,  
 atque catenam cū sera mobili, dixitq;  
 DESIDERIVS: FILI, dicito quæso, quid-  
 nam apparatus, cultus & condecencia,  
 cæteraq; circa te pensilia, innuant & de-  
 notent. Cui puer, frænum hoc pernicia-  
 li admodū seruit bellæ, quam Domi-  
 nus meus frændam, & domandam ha-  
 bet: quæ licet sit subtilis, parua ac tenuis,  
 tamen si vel semel manibus elabatur,  
 deijcit vnumquemq; ac prostermit in ter-  
 ram deorsum, nec vllus illam præualet  
 suppeditare aut domare, Portulano no-  
 stro excepto, TIMORE DEI, duntaxat.  
 Quomodo nomen, inquit Desiderius,  
 malæ feræ illi? Nuncupatur, respondit  
 Puer, LINGVA. Quid agis, subinfert De-  
 siderius, lapide, isto? subteruit, respon-  
 dit puer, foramini, quod habetur à ter-  
 go seu latere domûs obstruendæ, voca-  
 bulo: AVRUS, fures arcendos ne in-  
 trò sese insinuent irrepantque quod sæ-  
 pè sæpius facere attentant, si hoc non  
 obfirmentur saxo. Subinde ori impono  
 idipsum,

idipsum, ne effutiam vel ineptè aut inconsultè loqui præsumam. At dicitur tibi, ait Desiderius, quod sis mutus; mutus haud sum, inquit puer, sed mutum me simulo, fingo, ac penitus, ob AMOREM DEI facio. Desiderius: Quid beneplaciti aut oblequii præstas AMORI DEI, fingendo temetipsum mutum? Permultum sanè, infert puer; per istas enimuero portas, binos perdimus lapides preciosos, de quibus tibi retulit SIMPLICITAS. nempe: PURITATEM ac INNOCENTIAM, jam verò obmutescendo, simul caueo, ne vas vini, quod Sorores bibunt, dissipetur, & vinum effluat. Num, percontatur Desiderius, suppositorū haud quit poni, vinum supereffluens recipiendum? fieri utique posset, respondit puer, ast opus est magna Sapientiā, sagacitate ac prudentiā, jam autem parvus, puer & juvenis, non perquā efflictim præstare aut efficere; sed vas depluere paterer, ut nil, nisi ventus aut aër remaneret. Desiderius: ad quid verò subseruit linteolum? hæc dicitur, ait puer, PURITAS, valetq; oculum sinistrum velandum vel operiendum. Desiderius: annon velatis quoq; dexterum oculum? minimè respondit puer; hic etenim concernit SIMPLICITATEM,

TEM, quæ nihil mali, sed omne bonum, commodum & virtutem adfert & inducit. At enim sinister oculus, puta, PROPRIUM SENTIRE, acerrimi visus est, multoque celerior ac subtilior, quam dexter audit contristatque nos nimis: mortem enim nobis ingerit, & intromittit, acceleratq;: quare velamento hoc operire illum præstat; quatenus omnia, puritate aut munditiâ intueri & aspicere valeamus. Non verearis, petit Desiderius, id melius dispungere & enucleare, quo pacto scilicet videre omnia PURITATE cum & munditiæ possitis? Cernuntur, dixit puer, PURITATE cordis omnia, dum dextro conspiciuntur oculo, ad rationabilius intelligendū duntaxat, quâ honorandi, colendi, ac laudandi Dei, quâ expurgandi, excusandi, condolendiq; Proximo gratiâ. Senticosa verba, inquit Desiderius, & obscure dictum, quare clarius explicatiùsq; illud enodare, ediffere velis. Ecce, ait puer, optimè noui, te id ipsum perquàm probè intelligere. Desiderius subinfert, intelligam licet, nihilominus, quispiam exactius intelligere, relationem instructionemq; à me desiderare posset. Videtur mihi, inquit puer, in hoc Voluntas ac desiderium tuum (alijs profici-



proficiendi hominibus) perquam commendandum: quippe, cum magna sit virtus, nec minor Bonitas & Charitas, dum proprio quispiā commodo vel lucro non inhiat solummodò. Plurima inluper dicta sunt inibi, per similitudines, figuras & parabolas, quorum expositio profunda quidem, sed utilis, pulchra & venusta. Qui propter Postillam conficere, cum redieris, interpretatumque dare licebit omnia & singula hinc audita & visa, longius dilucidiùsq; deducendo, & (quēadmodum D Gregor. in sacros Libros Iob prolixius tractans dilatauit sermonem) latius laxiùsq; præasserta ampliando. Profectò, iubilumpsit Desiderius, probè admodum dicis. proinde idipsum (auxilio gratiæ Domini nostri) factum putes; Quamuis similitudo hæc intelligentibus sufficiat, nec vltiorem desideret expositionem. at verò medioeriter doctis, & in Christiana Religione non ita benè fundatis, descriptio præactorum dilucidior multum profuerit & conduxerit, adeoq; cum consilio tuo, optimum fore puto inchoare. Nunc autem dic rogo, de omni ornatu tuo: Quid catena hæc importat, cum sera ab ea pensili? Vocatur, inquit puer, **MEDIOCRITAS**, valetq;

portæ domûs occludendæ, ne Virgines  
intus existentes, excursitent, nisi enim  
obsererentur fores hæc, nullus omnino  
& ordo esset, & in vanam laboraremus,  
siccumq; (quod aiunt) litus araretur.  
Vtrò dico tibi, si oculum sinistrum con-  
tectum gessero, sit licet vtrumque aper-  
tum, attamen nihil penitus video. Quis  
fieri potest, percontactur Desiderius?  
te utroq; oculo aperto haud quicquam  
cernere? Eapropter, respondit puer,  
quod oculos ad caput sursum erectos  
seu sublato eleuatoq; geram ac tene-  
am; & quamlibet subinde, terram versus  
illos mittere ac defigere videar, nihilo-  
minus vertit surgitq; contrarium faciei,  
obutumque ad caput supra eleuo attol-  
loue.

### C A P V T XXIII.

*Concludit primam partem.*

**D**esiderius cum nonnihil, & aliqua  
temporis intercapedine CASTITATIS  
consortium vidisset, comprobasset, ex-  
pertus, nec non illius Societate perfrui-  
tus esset, abiit incredibiliter consolatus,  
atque Domo eductus ab Aulæ Domina  
dicente sibi: Ecce nunc omnes Virgines  
intus,

intus, commanentes oculis perspexisti.  
 Percontatur Desiderius: annon habetis,  
 quid amplius ostendatis? subinfert illa:  
 si omnia hinc visa auditaque ex asse ob-  
 seruaueris executionique mandaueris,  
 haecenus sufficiet atq; nimisquam bene  
 iuuabit ad Dei amorem reperiundum;  
 nihiloiminus adhuc monstrabo Arborem  
 quandam in horto Nostro plantatam:  
 quâ & visâ in stuporem actus (præcipue  
 quia bino adeoque diuerso, & à se distin-  
 cto, erat onusta fructu) ait Desiderius:  
 quinam, precor, hi sunt fructus? inter  
 infimos respondit illa crescens nodos,  
 subpallidi & quodammodo coloris ex-  
 pers, nuncupatur: **DIFIDENTIA** **SVI**. Su-  
 premis verò innascens nodis ac frondis  
 bus, aurei & pulchelli coloris; appellatur,  
**CONFIDENTIA** **DEI**, quem vtrumq; fru-  
 ctum manducare habent, Domum hanc  
 inhabitantes. Sin minus, laborem & ope-  
 ram, licet quàm diutissime inibi man-  
 rint, disperdunt. Num prohibere, infit  
 Desiderius, quis potest, vt decerpatur pro  
 itinere? minimè dixit illa; at comede  
 primum de infimo ad saturitatem,  
**DIFIDENTIAM** duntaxat **TVI**: superiori  
 autem adimpleto peram, crumenam &  
 capias omnes, quo in via vescaris, quod



sufficiet, quousque Domum AMORIS DEI  
repereris. Multum refocillatus recrea-  
tusque comestione fructus inferioris DE-  
SIDERIVS, altiori autem replens manibus  
ambas & finum, vtrò Virgini ait: quàm  
humanissimè rogo, Charissima soror, ut  
semitam & viam, quam scis & potes, bre-  
uiusculam, Domum versùs AMORIS DEI,  
ostendere digneris. Summâ perfundor  
lætitiâ, ait Virgo, quòd videam te, tam  
probè itineri accinctum & instructum,  
fructu quoque utroque prouisum, ad AMO-  
REM DEI inquirendum: nihilominus ve-  
reor, ne solus pergens, rectâ viâ sis itu-  
rus, quare perprobam societatem tribu-  
am, te ducendam atque comitandam.  
Quî? ait DESIDERIVS, numnè vnus canis  
dicta, BONA VOLVNTAS sufficit? minimè,  
subinferebat illa, solus sufficit, licet du-  
plo seu geminatim bonus foret: Enim-  
verò in via, nedum malæ bestiæ feræque  
syluestres, foueæ, dumecta, spinæ, ac tri-  
buli occurrent & obuiabunt, sed & multi-  
dantur latrones, fures ac pyratæ, itine-  
rantes, ad terram prosterneutes, iugulan-  
tes, strangulantes, trucidantes ac interi-  
mentes: permultos itidem crebrò cir-  
cumueniunt, proinde bonum esse arbi-  
tror & iudico, ne Cani tuo nimium cõfidas.

Quando-

Quandoquidem ita esse, inquit Desiderius, dicis; præsta mihi, precor amicitiam & fauorē, dictam duntaxat societatem (quam mihi esse scis pernecessariam) ductricem. Sume, inquit illa, Portulanum, nempe TIMOREM DEI, qui Vic dexter & apprimè strenuus, audit; porro si peroptas, ne te vnquam deleat, tene filiam eius, supple, PVDICITIAM. si adhuc & hanc perdere times, hanc tibi herbulam memoratiuā accipito, dicitur, ASPICE DEORSVM, terram versùs; & alium comitatum, puta, SIMPLICITATEM: atque ita in NOMINE & cū benedictione DEI proficiscere. Vnum tamen te non fugiat, commonerem. Si fortasse TIMOREM DEI seu SIMPLICITATEM perdere contingat, vt saltem Canem tuum adprimè serues & custodias. hic enim prænominata reperiet ac iterum recuperabit. Si nihilominùs fructu, quem perā portas, illum exsaturaueris. Hinc autem proficiscens, sumito ac teneto viam manus sinistrae, & adinuenies semitam multò breuiorem, te rectā ducentem ac inferentem Domum, quam DEI AMOR incolit. Quī nuncupatur semita illa, ait DESIDERIUS, vt si fors exerrare aut deuiare (sicut assolet) accadat, sciam repe-

tere & requirere, & rectâ gradi valeam?  
 nominatur, respondit Virgo, PATIEN-  
 TIA. Hæc est proxima via perueni-  
 endi ad Domum & HVMI-  
 LITATIS & AMORIS

*Pars Prima Explicit.*

## PARS SECVNDA.

### CAPVT I.

*De Patientia.*

**L**Ætus & perquam consolatus perexit  
 DESIDERIVS domo PATIENTIÆ,  
 cum seie fructu refocillasset, ac bono co-  
 mitatu prouidisset, Cane scilicet, quæ est:  
 BONA VOLVNTAS, ex vnoque latere Por-  
 tulano: Ex verò altero SIMPLICITATE  
 septus ac stipatus, peris, bitaccijs & ca-  
 ptis, memorato fructu repletis, nempe  
 CONFIDENTIA DEI? atque sic caput PA-  
 TIENTIÆ viam hilari & magno animo  
 ingredi. quàmlibet autem dixisset Vir-  
 go, eam breuiorem ac propiorem fore,  
 inuenit tamen illam asperiozem, durio-  
 rem, grauiorem, & tadiosiorez; plenam  
 lenticeris, vepribus ac spinis, dixitque  
 SIMPLICITATI. O DEVS meus, vt via  
 hæc difficilis, dura, aultera ac fastidiosa,  
 quod



quod nunquam putâram ! mirari noli,  
 aut SIMPLICITAS; ideo namque via PA-  
 TIENTIÆ vocitatur, nisi petrosa sentico-  
 la magni laboris dolorisque, plena insu-  
 per spinarum & veprium foret, ut vel  
 quispiam, juxta sui animi placitum, illam  
 proficisci aut ambulare posset, haud qua-  
 quam tale sortiretur cognomentum, si  
 planior duntaxat facilior, aprior, amani-  
 orque esset; Domus quoque, quam præ-  
 fert & indigitat, tanti haud æstimaretur.  
 Nunc autem nemo, nisi bene peritus, &  
 Vir probatus eam perambulat. Nū igno-  
 ras paræmiam? Nullum bonum siue la-  
 bore, nec dulce, nisi prævio, datur ama-  
 ro: porro cum viam lulceperis, asperi-  
 tatem ac tædium pariter viæ, te patien-  
 ter ferre, restat; attamē proluxa vel lon-  
 ga non est. Cæterum, piscari qui vult,  
 madesiat, necessum est. Quid: putasne ta-  
 le ac bonum tantum imò (verius dixe-  
 rim) thesaurū, qualis AMOR DEI est an-  
 xietate sine aut labore, re pro tam vilis-  
 sima, inueniri? ausculta Senecam disse-  
 rentem: Maxima ac pretiosissima res, ve-  
 runtio emi & comparari nequit. hic vlti-  
 ra dicit; jure merito, grauiori cura sollicitu-  
 dine & labore in ingētē peruenitur mer-  
 cedem. STOLIDVS taxareris, & habetur si

tanta

tanta pro genio proprio ac volupe la-  
 bore & solitudine procul, lucrari exi-  
 stimares. Verum enimvero si tam facili  
 negotio AMOREM DEI reperire sufficeres,  
 haud magni faceres eundem, eò, quòd  
 paruo admodum constaret. Quare nunc  
 quod optimum cunque valet manus tua,  
 operaretur nauiter, illud ac toto Zelo sa-  
 tage ad modicū tempus, vt vel in futurum  
 cum AMORE DEI pacatissima quiete frui  
 & in illo solo delectari possis; quin & plu-  
 ris eundem habebis, ardentiusq; amabis,  
 sedulius custodire ac cōseruare eius ami-  
 citiā laborabis. Et quo maiori solitudine,  
 operā & fatigatione tibi eandē obtinendi  
 constitit; eò maiori gaudio & solatio  
 fuerit: atque si forte minùs valens viri-  
 bus elargueris aut defeceris; & nonnihil  
 erraticus obambulaueris, de fructu, quem  
 perā gestas (CONFIDENTIA DEI) come-  
 de, ita & confortaberis; vires resumes, vi-  
 amq; ibis rectam. Cæterum dico, alpe-  
 ritatem & laborem viæ si detrectas lu-  
 bire, aut pertentire non vis, scito, quod  
 ille, qui cantat & psallit, miseras perter-  
 reat, ærumnas suas alleuiet & imminuat,  
 tædiumq; dispellat. Verba hæc SIMPLI-  
 CITATIS consolatoria & robur animi fa-  
 cientia Desiderio cumprimè placuere, &  
 dixit:

dixit: quomodo, precor, in Senecionis  
ac tædiosi viri hujus consortio, cantare  
quihero? Solennis & constans mos illius  
hoc habet, dixit Virgo, amatque semper  
vultum præ se ferre leucriorem, tamē to-  
tus est graciosus, perhumanus, perama-  
bilis & mansuetus (etenim AMORIS DEI  
frater est vterinus) maximē verò si non  
leuitate ducti cantauerimus; at solum-  
modo Spirit<sup>9</sup> nostri lætificandi gratiā, ac  
Viæ tædij tollendi & obliuiscendi, ani-  
miquē resumendi, recreandi, roboran-  
dique causā Quomodo cantare possum  
voce carens? Perit Desid: fieri nequit  
respondit Virgo, te voce non pollere,  
ipsusmet cum vox sis. Admirabund<sup>9</sup> Des-  
iderius vocem se vocitari audiens, dixit.  
Quipote vocē existere me? Tu & cuncta  
creata simul, infert illa, sunt Verbo DEI  
procreata & producta, sequitur proinde  
post dictum necessariò vox emergens;  
& quemadmodum ad verbum à Domi-  
no nostræ protatum, illicò omnes Crea-  
turæ productæ sunt, & adstiterunt; ita  
omnia pariter creata, voces esse compro-  
bantur. Declares & enuclees id, quæso,  
dixit ille, dilucidius. Libenter, ait illa;  
lingua, sermo, locutio & verbum, idem  
sunt; non enim locutio est id, quod ore



profert homo; sed est conceptus mentis ipsius, & compendium adeoq; sermo intrinsecè animo ejus insidens seu inhaerens, ipsum verò, quod homo aperiens os proloquitur & profert, est vox, connotans ac consignificans sermonem, verbum, dictum, conceptum, & compendium in mente hominis contenta. Ut sicut conceptum aut cogitatum formando, dicam: quod tu sis homo: est locutio & sermo, quem, qualem, licet minimè cloquar aut explicem. concipio tamen eum in meipso; videamus aut Desiderius, utrū & cuius vox exiltā? SIMPLICITAS: tu es dixit. Vox DEI, qui te sibi in laudem, & ad benedicendū creavit ac fecit. Quid sentiam & dicam, inquit Desiderius, de meipso siquidem vox tantummodo sum? Per bonū esse, inquit illa, proprietatemque tibi à Deo collatam, dicis Deum esse bonum. Per pulchritudinem in te contentam, dicis Deum esse pulchrum, qui talem ac tantam tibi tribuit speciem & formæ venustatem, sic quoque reliqua omnia in te comprehensa tibiue indita, atque à Deo creata, nonnisi voces sunt, virtutem, ac bonitatem eius testificantia loquentia. ac prædicantia. Quomodo dicito, aiebat Desiderius, ea, quæ in me  
Deus

Deus creauit, sint voces? dicis namque ingenuinè ac implicite de omni in me reperibili. Ea de causa, inquit illa, quòd peccata, iniquitates & malitiæ, enormitateique in te, dabilia, & à Deo minimè creata, haud voces sint Dei, ast tuimetipsius; loquentes, immò clamātes, te esse malum, iniquum, injustum coinquinatum & immundum. Quemadmodum enim homo per creaturas & creata omnia in Dei ac Creatoris sui deuenit cognitionem; ita etiam per hominis ipsius (quodammodo dixerim) creata, & per ea, quæcunq; ab ipso homine (per se loquendo) descendunt ac proueniunt; iterum ad suimetipsius attingere atque peruenire sufficit cognitionem.

## C A P V T II.

*Ostendit cognitionem DEI per  
creaturas.*

**D**ESIDERIUS immirabatur Virginis huius SIMPLICITATIS habitudinem, quæ tametli subrudis & impolitula videbatur, in his tamen profundis, præclaris ac virtuosis rebus facillimè plerosq; superabat sapientia ac prudentiâ; dixitque illi: Qui vis cantem? idcò, respondit illa, vt facili

liori negotio, oneris, tædii, doloris, laboriosissimæ vitæ huius ac lacrymarum val-  
 lis obliuiscamur; atque ad eò Spe, ad  
 Domum AMORIS DEI perueniendi, fru-  
 stemur. adhæc utpote consideratio ac  
 meditatio factorum & creaturarum ma-  
 nuum Dei, non modicum conducit; ac  
 peridoneum iuuamen ac singulare existit  
 solatium. Quas creaturas in Via hac PA-  
 TIENTIÆ optimū esse tibi dixit propo-  
 nendas: nam earum amorem quantocy-  
 ūs & propediem assequeris; si duntaxat  
 cor tuum ac cogitatus sæpiusculè in hoc  
 libro factorum Dei exercitaueris & occu-  
 paueris. Per patientiam enim, & conso-  
 lationem litterariam, sacramq; Scriptu-  
 ram, qualis totus est mundus, qui non  
 nisi liber quidam Dei, esse conspicitur,  
 maiorem concipim⁹ & acquirimus Spem  
 & fiduciam. Nunc autem quoniam ita  
 esse video, infit Desiderius, nos occinere  
 debere, faciamus; utpote, quia voces su-  
 mus ad Dominum nostrum collaudan-  
 dum & benedicendum. Perplacet, ait  
 Virgo; in via enim hac perplures repe-  
 riemus habebimusq; voces, nos in cantu  
 adiuuantes. Quosdam enim inueniemus  
 Discantus, quosdam Tenores; alios Con-  
 tra-Tenores: at nunc primū perquam  
 plures



plures obuiam procedent Bassus. in medio verò permulti Tenores & Discantus occurrent. Sub finem deinceps Contra-Tenores & multifonoræ erunt voces conjunctæ sonis vocalioribus, nempe Organorum & contra-punctorum, juxta multipliciter & diuersitatem Creaturarum: verum opus est (vt juxta regulam Artis huius Liberalis fiat & procedatur) quatenus primò cantum pernoueris & calleas & vbi vocem habuerimus, regulam & mediū cantūs perdiscamus, oportet. Hoc quis nos, ait Desiderius, edocet? Vox ipsa, infert illa: sunt namque Creaturæ nonnullæ bonitatem Dei adumbrantes & symbolizantes; aliæ omnipotentiam & excellentiam; aliæ nobilitatem; aliæ pulchritudinem; aliæ suauitatem & dulcedinem; aliæ potestatem: aliæ mansuetudinem indignant & innuunt, atq; ita vnaquæq; juxta conditionem ac Naturæ propriæ proprietatē monstrat & ministrat nobis Domini nostri cognitionem & noticiam. quatenus laudes eius annunciemus & amplificemus; illiq; soli grates decantare valeamus. Quare adnitere ac omni conatu stude in via ista quoad possibile, quò psalmodiam & cantum quàm optimè perdiscas; quò enim va-

dis (DOMUM versus AMORIS) nihil præter cantare agitur, ut, ubi inibi fueris, prius Artem teneas. Cui, etenim, in Via dicta, bona vox, utitur & exercet se illâ sæpiusculè, intantum quin illam perdat; aut vel vnquam immutet; sed quoad valet, incessanter & sine intermissione cantat, & psallere nunquam non desinit, adeò vox eius stabilitur & solidatur, quòd nunquam aut alterari aut variari possit, demùm in via præsentis, quò quispiam, per quotidianum exercitium acuratiùs & solertiùs addiscit modulari, eò melior & acceptior ibi præcentor habetur alios cantu præuertens. Non abnuas ostendere, rogat Desiderius, per creaturas concinere aut cantare posse, qui utpote hoc discere per meipsum nequeo, per libentè animo, respondit illa. Desiderius peregrè ac diù profectus, longum nimis per sylvas ac solitudines dimensus est & confecit iter; ubi & virtutes multas, perraras excellentias, magna & miranda prodigia, bonitatem quoque Domini nostri IESU Christi addidit & consecutus est medio duntaxat magisterio, doctrinâ & informatione, nec non ingenti auxilio huius SIMPLICITATIS, multos tamen & graues ac promolestissimos labo-

res ac pericula subire & sustinere compul-  
 sus est: prolabebatur & namque sæpissi-  
 mē, SIMPLICITATE lapsabundū sēper te-  
 nente ac suffulciente, ne concideret &  
 totaliter prolaberetur. aliquando ipso  
 facto cadebat ac corruebat, sed SIMPLI-  
 CITAS illi manum ministrabat, subinde  
 adeo grauitē & atrociter illidebatur ter-  
 ræ, vtnisi TIMOR DEI ipsum subleuasset,  
 nunquam præualuisset aut voluisset assur-  
 gere. interdum, vbi procedendum erat,  
 retrocedebat, ac supinus cadebat retror-  
 sum: itaque qui per creaturas ædificari  
 & meliorari debuit, scandalizabatur ac in-  
 deterius abibat sæpicule, neglexit namq;  
 nucleum extrahere, aut secretiorem vir-  
 tutem vocum cantusque addiscere, nau-  
 ci faciens cantum, sed sinebat sese incita-  
 ri, impelli, & adigi; vt TIMOR DEI, non  
 nunquam tusionem, trusionem quin &  
 colaphum infringere cōactus esset. sæpē  
 impingebat & offendeat pedes spinis ac-  
 sentibus, quas SIMPLICITATE, pedē, te-  
 nente, TIMOR DEI extrahebat. Sæpē sæ-  
 pius obdormiebat, at vrgente & insisten-  
 te TIMORE DEI progredi cogebatur, sæ-  
 penumero defatigatus & lassus desedebat,  
 & locordiā torpescens attinebatur; ac ca-  
 ne BONA VOLVNTATE cōsueque larratum  
 edens



edente, quoad sese erigeret, & surgere compelleretur; Interdum adeò afficiebatur tadio, vt animo cespitans aut vacillans, cessim ire & jam jam reuerti cogitaret; at prælibato & gustato fructu in bisaccijs habito, iterum ad animum redijt, viresq; resumpsit & confortatus est. Crebro pergens noctu amittebat cùm TIMOREM DEI, tum SIMPLICITATEM, vt vel oberraret deuiando, at dies cùm illuxisset Solq; iplenderet, illicò viam repetijt. Cum igitur aliquod abijissent diebus, venerunt tandem in perpulchrum omnique ex parte apricum & amœnum pratum, in cuius centro augusta nimis conspiciebatur & habebatur Aula seu Regia

basilicè exstructa, vocata, CHA-

AITAS, inibi AMOR DEI

officio portulani fungebatur.

*Explicit Pars Secunda.*

PARS

## PARS TERTIA

*De Charitate.*

## CAPVT I.

*De tentatione & exercitatione Charitatis DEI.*

**D**Esideri<sup>9</sup> incredibili perfūdebatur lætitiâ, perpulchrâ adeo, apricâq; visâ Regiâ; cernens vero tam difficillimam ac tædiosissimam viam, adeo suauem ac exoptabilem sortitum fuisse finem, accedens portæ Domûs clausamq; reperiens, caput pulsare ac vociferari, sed, longiori clamore pulsuq; protractiori peracto nemo aderat illi respondens nec aperiens; quare, apertis tibijs, seu voce eleuatiore, ait SIMPLICITAS, clames, oportet, quo facto, impossibile puto, quin exaudieris, tamen si dormierint adeoq; semi surdi fuerint omnes. sed & tudibus seu malleolis de ianuis pendentibus pulsato, confestim & extemplò descendentes habebis tibiq; aperientes ( binæ etenim tudes seu malleoli Valuis cohærentes erāt. Vocitati: GEMBRE & FLBRE ) pulsato & tundito igitur Validius prolixiusq; mallei namq; isti certo sunt inditio aperitionis, intro-missionis & ingressus, utpote ideo ianuis

P

appensi

appēsi & adaptatī, vt pulsantī aperiatur. Post constantiorē moram aut cunctationem, clamorem prolixiorē, pulsūq; , mallicolis ex ostio pensilibus, Validiorē; ecce gratiosissimo & augustissimo aspectu AMOR DEI prodibat; quid, nihilominus ignotus Desiderio, dixit: Frater, quidnam quæris, aut quæ est postulatio tua? fortē mora prolixior, aut præstolatio longiuscula, fastidio fuere & tibi tædium pepererunt: at scito, quod simulemus aut fingamus nos semi-sopitos, Patientiam & Longanimitatem hūc appulgentium & aduentantium explorantes adhuc verò, dum Videmus non neminem intrare nitentem, tædio, ob moram protractiorem, affici & laborare (quippe qui arbitratur solummodò sufficere, vt, quàm primū istuc aduenit, quantocyus sibi ianux, pandantur, atq; illicò intromittatur) finimus, ianuis occlusis, reuerti huiusmodi vnde venerat, idq; idcò, quod minimè hic aperiāmus illis, qui opinantur se id commeruisse, dignos aut sufficientes fuisse; iccirco autumant nos ita omninò facere teneri; nonnè vnus ex illis es? Non, mi Domine, Absit hoc à me, dixit Desiderius, licet namq; permultos labores, lassitudines ac pericula perpes-



sus sim, pulueres fatigationum molestis-  
 simos deuorârim & pericula superauerim  
 maxima, scio tamen approbè, me nihil  
 mereri, quin vel indignissimum intro-  
 mitti arbitror; nisi mera misericordiâ &  
 clementiâ vestra me immiseritis & intro-  
 ducatis. Quâ de causa, dicit AMOR DEI,  
 intromitti desideras? Quid rei in Domo  
 ista quæris? Domine mi, ait Desiderius,  
 venio de DOMO HUMILITATIS, honesto hoc  
 pariter ac strenuo comitatu dignatus,  
 & per breuē hanc VIAM PATIENTIÆ hūc  
 appuli vnicè & solius Amoris Dei perqui-  
 rendi gratiâ, qui (prout mihi dictum)  
 intus habitat. Nullumnè signum aut te-  
 stimonium veritatis, percontatur AMOR  
 DEI, ostendis, te Domo Humilitatis ve-  
 nire? sic sanè, Domine mi, ait Desideri-  
 us, binas habeo schedulas; quarum vna  
 in Domo prædicta tradita, dicitur CO-  
 GNITIO sui. Alia, quam ipsemet in via  
 mihi conscripsi, Vocaturque, COGNITIO  
 DEI. Plurimum gaudeo mihiq; perpla-  
 cet, te solertem adeò ac prouidum esse;  
 verùm agedum sodes, credisn' ob eius-  
 modi COGNITIONEM te intromitti deberi,  
 aut vel nos, te recipere obligari & con-  
 stringi? Neutiquam, respondit Desideri-  
 us, at solummodò, quemadmodum antea

innueram, merâ gratia & beneuolentia  
 vestrâ. Enimuero penitus me præterit,  
 quin COGNITIONIBUS istæ perquàm probè  
 exarata & cōscriptæ; porrò benè memi-  
 ni me in DOMO HUMILITATIS non nihil  
 temporis insumpsisse; Vbi tam Domûs  
 ipsius quàm Virginum omnium proprie-  
 tates, conditiones ac munia mihi ostensa  
 fuere; verùm prorsus me latet, num fru-  
 ctus, quem inibi comedi, sit bene dige-  
 stus, decoctus & in stomacho approbè so-  
 lidatus, quantumlibet prædulcis videba-  
 tur faucibus meis; nec vel scio vtrùm  
 commodi quidpiam aut vtilitatis fece-  
 rim & congesserim in via, nec ne? lapsus  
 namque sum creberrimè, spinæ ac sentes  
 me quàm frequentissimè lancinarunt, cæ-  
 terùm societas ista non nisi semicoa-  
 ctum istuc me adduxit Quare, Domine  
 mi, de nihilo boni peracti adeoque  
 hûc mecum adducti, te securum aut vel  
 certiozem reddere possum, præterquàm  
 quòd segnitiam, socordiam, Vanitatem  
 ac omnimodam imperfectionem meam  
 inculcare ac culpitare compellar. Præ alijs  
 igitur rationibus aduentûs mei AMOREM  
 DEI duntaxat inquirendi, eam vnicam  
 autcultare nō graueris (cùm inaudierim,  
 illum perprobū exiltere medicū) quate-  
 nus

nus & corpus meum perpurgare sanguinemq; minuere non dedignetur. Verum enimvero, prout intellexi, vno intuit omnes languores, infirmitates ac defectus cuiuslibet agnoscit, & peruidet etiamnum medullis in pectore latentes, imitus tamen ac radicitus medicari & persanare non nescit. Quis, inquit AMOR DEI, tam accuratè & exactè purgari, curari ac personari desideras? Idcirco, respondit Desiderius, quod mihi itidem relatum sit, nullum vnquam inquinatum intro-mitti aut maculatum, sed ingredi percupidum, purum iceleris esse oportere. Eia age, quippe quoniam video te, inquit AMOR DEI, ipem omnem, fiduciamq; nostro committere placito, tua desideria & affectus in manus resignare nostras; sustine hinc permodicum patienter, non enim introduceris, aut cum AMORE DEI loqui poteris, nisi primitus colloquaris cum Puero eius, quem hinc cunctis affuturum in Dei nomine ultrosponte insinuantem ac surgentem omnia, de quibus cum ipsius loqui aut tractare Domino possis, ac debeas.



*De dilectione Proximi.*

**D**ESIDERIUS anxie suspirabundus expectatoresq; Cælo dabat voces, præstolando puerum; qui se duntaxat duceret ad Dominum; at eminùs ad se venientem prospiciens ( vocabulo. AMOR PROXIMI ) gauisus est vehementer; atq; ob ingentem successus prosperi lætitiã, quã in Dominum Pueri tenebatur, sese à lacrymis continere non sufficientẽ. Amor Proximi interrogat dicens : quĩ ploras ? in Domo namq; hac omnes lætantur & nemo est, qui fletat. Causa fletus mei, ait Desiderius, haud tristitia quæpiam est, sed lætitia exuberans. Quem quæritas ? percontatur AMOR PROXIMI. Fili, infert Desiderius, perquiro AMOREM DEI. Ephesus à seruitijs sum illi respondit atq; si Dominum meum inquiris, cognitionem prius mecum amicitiamque in eas, conuiuere quoq; mihi assuescas, oportet. Etenim Dominus meus tanto me prosequitur amore, vt eum, qui me non diligit, nec nosse, nec alloqui nec vel respicere velit. Desiderius peruellem ait, conditionem, & proprietatem tuam scire, atque ob Amorem Domini tui tecum ferire ami-

re amicitiam. Si me amicum habere per-  
 roptas, ait AMOR PROXIMI, operæ preti-  
 um est, vt quolibet mane herbam in jen-  
 taculum mihi supporrigas, vocabulo:  
 HVMILITER COGITARE. Meridie aliā, vo-  
 citatā: HVMILITER LOQVI. Vespere eti-  
 amnum HVMILITER OPERARI. Vbi hanc  
 inueniā herbam? percontatur Desideri⁹.  
 Primā, dūtaxat, HVMILITER COGITARE,  
 respondit AMOR PROXIMI, operatur &  
 conficit HVMILITAS cum suo patrefa-  
 milias reminiscendo sancti propositi, vt  
 se vaniorem, exiliorem, tenuiorem, vilio-  
 rem, contemptibiliorem ac omnibus ali-  
 is faciat, & habeat minimam, atq; bru-  
 tum prorsus & iumentū rationis expertus;  
 quod pariter propositum præparat & cō-  
 dit obsonium seu epulum dictæ Humili-  
 tati, dicitur CONTEMPTVS SVIMET IPSIUS.  
 Pariformiter ad herbulam hanc ( de qua  
 nobis sermo ) conficiendam, necesse est  
 adhuc quampiam sumere, vocatur: Opi-  
 nio de Proximo bona, proba, & dextera,  
 ex quib⁹ conficitur & cōstat: HVMILITER  
 COGITARE, seu humilis Cogitatus. Meli-  
 or autem, ad hæc præparanda, pharma-  
 copola toto haud inuenietur orbe, præ-  
 nominatæ Humilitatis patrefamilias, qui  
 approbè & exquisitissimè præfata & ex-  
 coquere,

coquere, parare & condire calebit, dum-  
 modò tibi familiaris adeoq; amicus ex-  
 titerit. Secunda herba nempe: *HVMILITER LOQVI*, tribus aliis herbulis con-  
 flatur, *HVMILITATE* (scilicet *MANSVBTV-  
 DINE*, & *AFFABILITATE*, quæ per tenui  
 perminimoq; puluisculo infusa atq; asper-  
 sa vocitantur: *Pauxillatim*, & *Parum* seu  
 modicum. Tertia demùm herba: *HVMIL-  
 ITER AGERE*, quadruplici materiâ seu  
 herbulis quatuor cõstat; principales  
 sunt; *Gaudium*, *Charitas*, *Impigritas* seu  
 diligentia sedula. Porro si herbas istas  
 mihi supporrexis & dederis manducan-  
 dum, amicitia & noticia nostra stabili-  
 tur & firmabitur, & mea interposita au-  
 thoritas te cum Domino meo propediem  
 ac breui loqui faciet. Persuasionem &  
 doctrinam pueri huius admodùm *Desi-  
 derius* acceperat approbabatq; dicens:  
*Quippe quoniam conditionem, desiderii-  
 um, & animi tui sensa aperuisti, toto men-  
 tis conatu studere adnitar prædictas con-  
 quirere herbos, illasq; tibi iniunctanter  
 tribuere & insinuare illaborabo. Interim  
 multo tempore adhærebat & conuiuebat  
 Puero illi *Desiderius*, vt totus familiaris  
 ei factus vel antedictas tribueret her-  
 bas, cum illo conuersando, agendo, cons-  
 fabulans*

fabulando. Quadam tamen Vice, affatus est Desiderius ephēbum illum; dicens: summoperē precor, præstes mihi copiam & ad Dominum tuum veniendi & intrandi. Porro æquum & iustum est, respondit AMOR PROXIMI, cū, quod ex te potueras, præstiteris. præstolare nonnihil attamen, donec Videro, vtrum commodē exire, tecumque colloqui Domino meo vacauerit aut placuerit.

### C A P V T III.

*De dilectione Dei & Proximi, ac de alio statu dilectionis, nec non officio & exercitio ejusdem.*

**D**ESIDERIUS anxie cogitabundus & animo suspensus hærebat, num AMOR DEI ad mutuum exiret colloquium, cogitans in corde suo seipsum perpauperem adeò Vilem, miserum, ac contemptibilem, minimè quoque dignum se existimans, qui tãto cum Dynaste exordiretur conferretq; sermonem; porro istiusmodi sollicitè, solerterq; suspensus & intentus cogitationibus, conspexit sibi quendam approximantem & addexterantem ac dicentem: Frater, quid aut quem quæris, aut quodnam desiderium tuum? Dei

Q

Domi-



Domine, ait Desiderius, perquiro Amorem Dei. Qui subsumpsit: sum qui loquor tecum. Quibus auditis Desiderius corruit in terram exanimis: quem exemplo AMOR DEI manu extensâ subleuauit: cernens autem se ab AMORE DEI subleuatum, vehementissimè flere cocepit, vnde nec Verbulum effari, neq; (sic dixerim) hiscere quidem præualeret, in tantum, ut AMOR DEI (quippe qui prænobilissimo, tenerrimo, lenissimo & præiucundissimo pectore existit) compassione ductus, tactusq; dolore cordis intrinsecus illacrymari cõpulsus fuerit; & immirans ingens desiderium, ardentem amorem, ac voluntatem Viuidam, quâ in se exastuarat Desiderius, adeoq; flere implacabiliter cum prospiciens, dixerit. Ne fleueris rogo, nec iam deinceps me torquere, poenâq; affligere velis: pati namq; minime aut videre diligentem me pariter ac flentem possum. Verùm dicito amabo, quisnam indicauerit, me hanc incolere Domum? Quidam ouium pastor, mihi obuius, inquit Desiderius, & Viam monstrauit & de te retulit. Quid dixit de me, petit AMOR DEI; aut quî tantum præ te geris affectum amoris? vel quorûm inexplicabile in me desiderium tuum? propterea nunc quod

quòd auribus perceperis , me , mihi famulantibus ac familiaribus ingentia & præpinguia salaria, concupita exoptataque conferre solatia ? Haud sanè, respondit Desiderius, id causæ esse putes mi Domine, sed idèò, istud existimes velim, quòd nobilissimum, benignissimum te in audiens Dominum, quin & vel idèò, quòd amicos & tibi familiares in eiusmodi inuehas & introducas locum, ubi Deum ( quæ summa supremaq; apud me foret felicitas, quæ mihi aut cupiam in mūdo hoc contingere posset ) videant & clarè intueantur. DEI AMORI sanctū & ardens Desiderij propositum vsque adèò placuit, vt vehementiùs ac feruentiùs dilexerit eundem. Hinc erectus Spondentiùs ait Desiderius ; Permirum, mi Domine, vtpote qui Nobilissimi ac Potentissimi Regis, es ac haberris filius, nihilominùs te quærentibus per magnam ad difficultatem, arduum & inuincibilem laborem exaggeres ac superaddas, quòdq; tot Viarum anfractibus, ambagibulq; asperitatum superatis & suppeditatis, extremâ lineâ, quod aiūt, & sollicitè quæsitus, tam perdifficilis sis inuentu ? Facesse amabò, inquit AMOR DEI, mysteriū istud multis imperiū est, &

absconditum : Nam qui arbitratur se  
 haudquaquam me inuenisse neque no-  
 uisse, quin nec indagasse quidem ; huic  
 nihilolocius sum proprio ; hic & mei prorsus  
 sum plenus existit. Alius arbitratur, quod  
 iamque me teneat, & adinuenerit, cum  
 attamen à me elongatus sit, ac penitus  
 nesciat. Effl. Etim, inquit Desiderius, pe-  
 to, indicare velis statum, muneriq; tui  
 officium ac proprietatem, quibus cogno-  
 scere seu indigare, vel colligere valeam,  
 num propius te existā nec ne ? in genuē  
 namque fateor Dominum te meume sse  
 & amicum. Iam tum, AMOR DEI ait,  
 officij mei est, totumq; occupationis ne-  
 gotium, in omnibus pertinaci adniti stu-  
 dio, DEVM amare, adeoq; Filium COGNIT-  
 IONIS DEI esse. Quo modò, petit Desi-  
 derius, Deum amas ? Sine modo & men-  
 sura, respōdit AMOR DEI, adeoq; deficio  
 ac morior desiderio in diligendo ; ex to-  
 to duntaxat corde, tota Anima ac mente,  
 totisque Viribus diligere studens, nullis  
 mediis, modisq; possibilibus indulgendo  
 aut parcendo, quò minùs illum ampliùs  
 & ampliùs amare, dilectionem eius &  
 amorem cognoscere, ac degustare suffe-  
 cero ; adhuc insuper adlaboro, quatenùs  
 eò statu & modo ( vt sibi placet, ad hoc

norem

norem & laudem eiusdē ac meæ salutem animæ) cognoscere & cum scire valeam. iamtum percipio vt totus mundus, ob infinitam & ineffabilem bonitatem illius diligat & cognoscat eundem atq; adeò ab omnibus creaturis, laudetur, colatur ac benedicatur. Quo pariter desiderio, memetipsum adigo, offringo & subjugo, vt nec aut minimo vel maximo: multo vel perexiguo; in nullo penitus illi reluctor, refrager vel aduerser, quod vel sibi posse displicere aduertam, at verò licet subinde infirmitate, aut vel ex fragilitate illum offendere contingat, illicò veniam & indulgentiam desidero ac expetisso. Sicq; iterum inimus amicitiam præhabitam, consuetudinem renouantes pristinam. Cæterum cum itidem Dominus meus nobilissimus, suauissimus ac benignissimus existat; necdum hic finem impono, minimèq; primo ac prædicto statu contentus sum sed & alium insuper adinuenire illaboro; vt scilicet secundum pauperculum posse, ac exilem modulum meum omnia pertentare, atq; exfacere aut in opus transfere, quæ aut ille ipsius, aut minimus valeam, adeoque domesticorum vltimus, mihi mandat; iniuncta quoq; maximâ cùm reue-



rentia, omnia deuotione, amore, lætitiâ, submissione, ( & quod primū est, ) ultro-  
 necè ac voluntariè, haud coactè, omni lo-  
 co & tempore, nunquam & nusquam, etiâ  
 vel minutissima quaq; exequi ac perficere studeo; in his tandem scire & cognoscere possum, quantū illum diligam; si nimirū ipsemet quæ iniunxerit fecero. Etenim credo nullam rem in toto vniuerso sibi fore, aut impræsentiarum esse, chariorem ac magis placitam (demptis quibusdam; nimirum cum illo termocinari aut colloqui, ardens obsequium summumq; honorem & venerationem illi exhibere, atque miracula clarere aut facere, fulgere gloriâ) quàm si ea fiant, quæ ipsemet vel minimo nutu aut vel quispiam vice ac instinctu ipsius (dummodò haud commentiarur) iusserit. Cùm Dominus meus interroget, dicens: Quī putas obsequia tua, mihi placere debere; aut quī te diligere possum si iniuncta haud capeſſas? quâ fronte asserere audes, quòd me diligas? scire etenim debes, te in nulla re, spiritum tuum mecum vnire aut vel voluntati meæ tuam conformare posse, præter, si assignata quæ fuerint, sponte tua, non inuitus; at impigrè & nauiter feceris executioniq; mandaueris.

## C A P V T IV.

*Prosequitur officium Dilectionis Dei in  
statu eodem.*

**I**N eodem statu Amoris proposui omnia  
præstare ac exequi, ad quæcunq; me  
munus atque vocatio propria auocat.  
Quoniam enim uerò memetipsum semel  
deuinxî & obligauî ( cuius haud qua-  
quam me panitet ) nunc præcepti loco  
illud habeo & exosculor, quod olim fa-  
cere aut vel negligere, adeò quoq; in-  
fectum relinquere, ( sine tamen Dei of-  
fensa ) mei erat arbitrii. Ea propter per-  
quàm studiosè officii mei debitum & ad  
idiplum requisita, expendere nunquam  
non intermitto, cæterum ad accuratiùs  
beatùlque prænominata peragendum,  
cum consilio Sapientum iugiter inchodâ-  
re omnia, aut vel sacrâ pagina memeti-  
psum regere ac regulare mihi imprimis  
cordi est. Etenim apprimè noui, quàm  
plurimos Dominum meum ad iram con-  
citare, quòd turpiter ignorent concer-  
nentia officiũ suum nec ea, quæ idipsum  
expostulat; si verò sciant, nec faciunt,  
deteriores euadunt, eò quòd haud igno-  
rantia aut vel insipientia, verùm purâ  
ac mcrâ delinquant improbitate & ma-  
litiâ.

lictia. Demùm ea, quæ voui sanctè pro-  
 misi, & exiuraui (ad quæ vel maximè ob-  
 bligor, adeoque obstrictum me optimè  
 scio) toto conatu, ac solenni studio exe-  
 qui & perficere accuro: pollicitus sum  
 etenim Domino meo, vnà cum trigemi-  
 nis Virginibus (OBEDIENTIA duntaxat,  
 CASTITATE & PAUPERITATE hîc comma-  
 nentibus) fidem, camque perennem ac  
 perpetuam. Dictas Virgines ille veluti  
 Dominas meas & Amatrices mihi præsti-  
 tis ac proposuit. Iccirco quâ mane, quâ  
 vespere, præcogito, quî diem ipsdem  
 ad placitum quàm competentissimè in-  
 seruiendo, impendâ; ita dicendo: Pen-  
 semus, Anima mea, qualem hodierna  
 die habitura sis rationem condignæ ac  
 necessariæ, in tuas Virgines, obseruan-  
 tiæ, Venerationis ac reuerentiæ. Nocte  
 pariter in hæc eam conlucui affari verba:  
 videamus, anima mea, quî die hodierna,  
 Virginibus tuis accuratû, strenuum con-  
 dignum adeò præstiteris ancillatum. V-  
 trum iram in te cuiuspiam haud concita-  
 ueris? Atque ejusmodi ratione, quàm  
 studiosissimè illaborare auco, omnem so-  
 licitudinem, ac curam eò duntaxat,  
 vertere, dirigere, ac collimare, me  
 vt famulum præbeam ac exhibeam, præ-  
 assertis

assertis Virginibus, perfidelem. Quî id ? percontatur Desiderius, ideo, ait AMOR DEI, quòd Domini mei attribernales sint & Cubiculariæ, nemoq; conclaue illius intrare possit, aut cum eo conferere sermonem, quemcunq; dedignentur aut arceant ingressu. Efflictim, inquit Desideri⁹, precor, edisserere collubeat quodnam sit tuum spirituale exercitiũ, Virginibus his melius accurati⁹q; & inserviendi & fidelis admodum existendi permanendique. Tria profita, respondit AMOR DEI, maximè mihi cordi esse putes, quæ die ac nocte præparare satago, quæ pariter me compellunt omne, idq; fidele obsequium ijsdem præstare. Quorum primum dicitur: NIHIL POSTVLA secundũ n: NIHIL DESIDERA. Tertium: NIL COGITA. Primum, dum paratur cum iusculo, Vocitato, FACERE, subseruit OBEDIENTIÆ, diciturque tunc NIHIL EXPOSTVLA & hoc quò purius aut tersius illi sumendũ vel manducandum apponitur, cò maiorem & arctiorem mihi apud Dominum meum conciliat amicitiam, exuberantiori largitur gratiã, favore dignatur efficaciori; omnia duntaxat illi de me suggerens bona, vt se mihi benignissimum clementissimumque exhibeat Dominum. Antedi-

R

ctum



Etum esculentum nimirum: NIHIL Po-  
 stula; si alio insuper iusco parauero,  
 quod, HABERE, nuncupatur: dicitur. NI-  
 HIL ad HABENDVM POSTVLARE, quò nu-  
 tritio ac sustentio aliam Virginem, vt puta  
 PAUPERIATVM. Subsiste hîc pauxillum,  
 ait Desiderius; Quomodo haud quid-  
 quã habere expostulauero, nonnihil sub-  
 inde opus habens? Non ita datur intel-  
 ligi, respondit AMOR DEI si enim magno  
 quopiam indigeas, tibi sit superior, qui  
 vel ipse vel per Vicarios suos omnem  
 suggeret ac ministrabit sufficientiam, abs-  
 que eo, quod opus fuerit expetere; id  
 enim nullatenus tibi expediret. Enim-  
 uerò sicubi est totius Conuentus aut Cõ-  
 munitatis regimen aut curam gerens,  
 omnes & singulos utiq; (quemadmodum  
 concedet Superiorem) indiscriminatim  
 probèque prouidebit. quatenus aut vel  
 alij melius & competentius Deo vacent,  
 Diuinisq; intendendant solertiùs atque  
 Cælestia expeditiùs meditentur & con-  
 templantur, vniuscuiusque solitudine  
 procul, hoc vel illud exigendi: Summa  
 nanq; foret malitia, si quæ alia, subtil-  
 sus si Superior, expulsâ discretionẽ sibi  
 subditis & subiectis, absq; eorum postu-  
 latione aut exigentia, necessaria denega-  
 ret,

ret. At verò, quod dico de Expostulatione, volo, bifariam intelligas. Primò, cum sine requisitione, tuæ non succuratur necessitati, quod grande esset piaculum, mulctariq; nimisquàm bene comereretur, præsertim personas inter spirituales. Secundò, dum res est summè necessaria, non tui abdominis, nec curiositate aut pruritu quæsita, proprioq; excogitata ingenio. porrò omnibus alijs concupiscibilib<sup>9</sup> luxus inesset, singularitas & tentatio cohæreret. Etenim crede mihi, sub prætextu rerum ejusmodi, & operculo commentitiæ necessitatis, turmatim multa & magna vitiorum genera permisceri ac latere; maximè in rebus sustentationem corporis (ut puta, cibum & potum, & si qua similia) concernentibus. Quì cognoscere possum, percontatur **DESIDERIVS**, per-necessaria esse, aut voluntaria, aut quomodo, conijcere, quòd res quædam veram inducant necessitatem, an pellacem imò fallacem præferant voluntatē? Expende, inquit **AMOR DEI**, num iidem carere, illa sufferre aut pati, & his destitutus aut spoliatus vivere possis non vel ob eadem singulare notabileq; subiturus sis periculum; Spiritus aut corporis in-

de magnum haud perpeffurus nocumen-  
tum? Si nanq; certò credas, tui tamen  
deceptione procul, tibi in periculum ver-  
gere poffe, aut vel confeifcere damnum;  
tali cafu, NIHIL EXIGERE, foret pecca-  
tum; & EXIGERE aut POSTVLARE meri-  
toriũ, fi alioquin Deo id ipfum adfcribas.  
Si verò indigus aut vel illis expeditus,  
vitam degere poffis citra detrimentum  
præuifum, aut difcrimen imminens (dum  
tamen viam non excedat difcretionis)  
tunc temporis NIHIL EXQVIRERE (licet  
quodammodo pernecessarium fit, aut vel  
effe videatur) permagnæ virtutis, non  
minoris pariter effe exiftima meriti: quã-  
quam iftud EXQVIRERE iuftum & mini-  
mè indecens exifteret. Verũ enimue-  
rò, beatus homo, qui femper nonnihil  
ob AMOREM DEI patitur; attamen fi res  
eft, quã, fine Spiritus, aut corporis de-  
trimento, earere poffes, propriam volun-  
tatem effe puta, licet fanctum referat, &  
commentiatur velle, competens æquum-  
que præ fe gerat sentire. Peccata etenim  
non manifefte aut patenter irrepunt ir-  
ruuntque, nec vel palam fe produnt, fed  
sub vmbra vel specie boni fele clanculum  
infinuunt, & in errorem ducunt ijlice suc-  
cumbentes. Sic igitur iuxta antedicta  
quidpi.

quidpiam desiderare potes, necessitatis omnimodæ aut propriæ Voluntatis ac illecebrosæ sensualitatis temper attentâ ratione: atque ne hominem, proprium sentire aut propositum decipiat; nec vel semetipsum circumueniat, nimisquàm virtuosa & clara indagine, indesidi perquàm ac impigro opus habet scrutinio: quæ si desint, secundum sapientum, hominumq; sensatorum, aut vel sacræ lectionis consilium, res quasq; suas moderari, regere, regulareq; cumprimè bonum, ac pernecessarium esse nouerit.

## C A P V T V.

*De alijs duobus propositis dūtaxat: DESIDERA NIHIL: & COGITA Nihil.*

**Q**Vippe quoniam primum intentum seu propositum, breuiter tibi aperui, quo duas Virgines illas, scilicet OBBDIENTIAM & PAUPERIATBM alam ac sustentem, conditionem pariter residuarum, nempe NIHIL DESIDERA & NIHIL COGITA, edisseram & adstruam refert. Proinde sciendum, præassertum, vt puta, NIHIL EXPOSTVLARE, nec vnde scaturire, pullulare aut excrefcere, nisi è desiderio habendi vel faciendi; si autem causa &



Origo rei, quod est desiderium nihil concupiscendi, annihiletur & extirpetur funditus: effectum & fructum pariter tolli, destrui, ac in nihilum reuerti, per se patet; ex quo oppositum, **NIHIL EXPOSTVLARE**, emergit & conficitur; hoc est secundum intentum, quo refocilatur & alitur **PAUPER TAS**. Nihilo minùs non intelligitur, istud, **NIHIL DESIDERARE** aut **NIHIL CONCVISCERE**, de mundanis & carnalibus, ideò, quia herbula ista aliam habet radicem & surculum, de qua erumpit, & exilit, quod est; **COGITARE**. (desiderari etenim ac concupisci nequit, quod præcogitatum haud fuit) habeo igitur tertium propositum seu intentum, quò nutrio tertiam Virginem, supple **CASTITATEM**. At, **COGITARE** hoc, intelligas velim, assiduum, firmum, entitativum, & ratione præoccupatum, cùm quodpiam deliberatâ voluntate consensu atq; voluptate fiat & peragatur. etenim non est in potestate hominis, **NIHIL** penitus **COGITARE**; bene autē in potestate eiusdem positum puta; cogitationibus diu haud immorari aut inhærere, at illas quanto cyus propellere, sæpiculè abigere atque expungere, Deumque cogitare; Verum  
ideò

ideò, quòd herba eiusmodi COGITARE,  
liquore quodam (quod VIDERE dicitur)  
humectatur debemus, eandem pertenui  
aspergere puluisculo, quod CLAUDERE  
OCVLOS nuncupatur; & ad id cumprimè  
bonum, vtile ac conducibile. Prænomi-  
nata tria Proposita, emundant Animam  
meam à mundanis omnibus, propriâ vo-  
luntate, & omnimodâ labe. Sed & (A-  
mandi Domini mei gratiâ) permagnam  
tribuunt ac largiuntur mundiciam puri-  
tatemq; cordis; proprium mihi inordi-  
natumq; subducendo amorem, atq; to-  
talissimè eidem me reconciliando. In su-  
pranominatis tribus propositis, omnia  
alia exercitia & vsus, quæ Spiritui com-  
petunt, induxi, compilavi ac compre-  
hendi, quâ, HVMILITATEM, quâ reliquas  
Virtutes, concernentia: idq; ijs de cau-  
sis, quòd haud ignorem; in iisdem per-  
fectionem consistere omnimodâ. Quare  
cogitare noli, me otiosè vel in cassum  
præactis ancillari Virginibus; sunt nam-  
que mihi fautrices, prouident, procurant  
ac impertiuntur omne bonum. Quædam  
illarum (nempe PAUPERITAS) nimisquàm  
pulchram Regiamque mihi dono dedit  
Vestem. Rogo, ait Desiderius, videam  
illam, vbi habes? In duobus, ait AMOR  
DEI,

DEI, eam afferuo & habeo locis; in CORDE, duntaxat; cellula mea. CLENODIUM seu MONILE hoc tantæ dignitatis est ac pretii, ut nullo modo in corde meo contineri posset, nisi eiectis ac deturbatis ex eo cunctarum rerum mundanarum amore, & concupiscentiâ: pari modo, non vel in Cellula mea sedem id ipsum figere inueniret, nisi propulsis inde atq; extrusis superfluis, priuatis, ac singularibus omnibus, aliquibus libris necessarijs exceptis. Quî, percontatur Desiderius, vocitatur Clenodium illud? nuncupatur, respondit AMOR DEI: NIHIL OMNINO. equidem maximus thesaurus est, quantumcunq; PAUPERITAS possidere & quanto quanto delectari sufficit; quæ tamen ditissima, quin totius Orbis terrarum audit Domina: idq; ideò quòd thesauri sui tantum habeat, quantum velit habere.

## C A P V T VI.

*De Officio AMORIS DEI, ac de Oratione, in statu eodem.*

**I**N ante dictis statibus vel Viis Amoris, de qua nobis sermo, ut puta; Facere quidquid Dominus meus præcipiat, & officij mei munus faciendum requirat, alia

alia deinceps pernecessaria est circumstantia, id est; in officio mihi præscripto, & in statu, in quo me idemmet Dominus meus collocauit, quò sim conclauis illius Virgo cubicularis adeò & custos. Quare dum ministratum accedo, & quidpiam obtinere gestio; cum aut illi loqui volo; illaboro cum summa cordis humilitate ac puritate illo coram comparere. Et ideò, quò purius mundiusq; cor meum fuerit. cò melius clariusq; illum cognoscere ac videre valeo; petoq; Fratrem meum (TIMOREM DEI) vt vna cum tota ratione honesti, verecundiæ ac reuerentiæ, haud grauâtè mecum veniat. Quid agis, vt prædictum honestum tecum, quærit DESIDERIUS, vadat? cogito ac considero, infert AMOR DEI; Quisnam sim, & quis sit Dominus meus, perpendo namq; Sanctissimam supremamq; eius maiestatem, & quòd æquum justumque sit, illum timere; vtpote omni honore, cultu, reuerentiâ, timore ac laude dignissimum.

Vltrà pensitare consueui, cuncta beatorum Spirituum agmina & phalanges in faciem coram illo procidentes, illum adorantes ac benedicentes, in illumq; sese transferentes ac transformantes, ob-

S

stupefce-



stupescere ac contremiscere. Rursus cogito, quòd cor meum, cogitatus, voluntatem ac intencionem perspicacissimè intueatur ac peruideat; Secreta omnia rimetur; cunctaque licet profundissimè in eis abdita & absconsa, melius memetipso pernoscat; adeò juxta Diuinam voluntatē ac beneplacitum suum sicut ordinare, ita & exequi, perficere ac infecta relinquere, possit; viuere vel cuiuslibet ac mori; esse, & non esse; totiusque mundi beatitudinem & damnationem; in manu eius ac posita esse potestate.

Demum perpendo, quòd totus bonus, immò suprema sit bonitas, quòd cumprimè & nauiter considerans, quandoq; cor meum obstupescit, contremiscit liquefit & propemodum frangitur; maxime dum cogito tam improbum me, dolosum, fœdum, abominandum, adeò sordidum, immò plusquàm canem mortuum hircosumq; peccatorem, tantum attamen gerere & administrare Officiū, tali cum tantoq; familiariter agere Dynaste; quòd suprema & superbenedicta maiestas, me sibi appropriare, secum colloqui, conuesciq; sinat & compatiatur, veluti intimum suum amicum. Sæpiusculè idipsum etiam mente reuoluens,

illi dico: heu! Domine mi, quid detur  
aut apponatur tibi, quòd mali, immun-  
di, fædiq; peccatores te coram adstent?  
æquumnè. Domine, vt absfalsissimis ac  
omni spurcitie coinquinatis, squalidissi-  
misq; tibi seruiatur hominibus? vbi cheu  
cultus, honor, decencia, nimis admodum  
magnæ tuæ maiestati competens ac de-  
seruiens? quid responsi, ait Desiderius  
tibi dat? ne minimum noui, respondit  
AMOR DEI, solùmmodò, quòd præ gau-  
dio in lamenta me ruerè compellat, di-  
catque: Nihil cures, neq; angat te, aut  
contristet quidpiam; quandoquidè mu-  
nus istud pertemetipsum minimè procu-  
raueris, quæsieris neq; te ipsum ingesse-  
ris aut commendaueris: Verùm ego te,  
ad illud, sicut vocauì ita & assumpsi: no-  
ui etenim quare & ad quid feci: sed ma-  
gis satage obligationi ac muniis tuis re-  
spondere, nitidiusculè posse tuum exco-  
lere ac strenuè exequi. Quid dicis illi,  
sciscitabatur Desiderius, dum loqui co-  
ram appares, HUMILITATE, CHARITATE,  
TIMORE, & REVERENTIA septus? pri-  
mò officium meum recito, quod in or-  
dine meo & ex voto ac professione lege-  
re contingit & obligatus sum; idq; non  
tristitiâ aut ex fastidio, inuoluntariè vel

coactè; at summa cum deuotione, studio, obseruantia, hilaritate, ac bona uoluntate, quoad possibile mihi. Quamuis autem ad id obstrictus sim, nihilo minus facio de necessitate Virtutē. Subinde non nihilum ab eo obtinere nitens, illumq; ad idem præstandum inducere volens, toto conatu ac pertinaci studio illius incumbo laudi & neutiquam cessare ab eadem adlaboro; ratus, id ei pergratum esse, plurimumq; placere: atque illum laudando, enarro simul mirabilia eius, quæ fecit, in his summoperè lætando; quod itidem facio in annunciando & recensendo potentiam, maximam Sapientiam & bonitatem illius. Vltrà quoque enumero summam gratiam & immensa beneficia quæ athletic suis ac famulis præstitit, inijice illum laudando ac benedicendo. Sed & minimè immemor ac sedulò recordari conitor permagnæ eius misericordiæ, quam etiamnum suis commonstrauit inimicis, & impræsentiarum ostendit; omnipotentiam, magnificentiam ac supremam maiestatis eius excellentiam obtupescens; pariter nobilitatē altissimam immiror, & quod, nedum illos sinat abire impunitos, sed & gratiam impertiatur ultionem. omniaque

niaque illis omninò bona conferat, indulgeat, & largiatur. Demùm grates persoluo pro Omnibus bonis, gratiis, in ipsomet contentis, virtutes, pulchritudinis Venustatem, in ipso existentes enarrando & dilaudando, pro hisce eum iugiter benedico: adhuc inde summâ perfundor lætitiâ, quod eadem & habet, & quòd tantum ac incomprehensibile sit bonum; quòd sæpiusculè facere contendò, voluntatem illius non ignorans, id sibi perquàm placere, velleque, quatenus homo illi soli adhæreat, cum eo de cunctis dulcissimis, amabilissimis, suauissimis & arcanis tractet & colloquatur rebus: quæ flocci pendentibus & conclauè seu penetrale secretorum eius ingredi verentibus, omninò abscondita sunt; tametsi in domo illius discursitent, diuagentur & commorentur, sibiq; cohabitent, atq; illius famuli existant aut habeantur cur has illi laudes, ait Desiderius, decantatis, benedictiones, gratiasq; persoluis? ea propter, respondit AMOR DEI, quòd quò magis illum laudibus concelebremus, adeòq; ego memetipsum humiliem, asperner despiciam & inhonorem; eò magis sibi placitum sit. Porrò diuinæ supremæq; illius sit voluntatis, quò



eius bonitatem nobilitatem, celsitudinem maximam potentiam; exile autem posse nostrum, summam miseriam, malitiam omnimodam præ oculis iugiter ponamus, atque licet plurimas laudes cultus & eulogia illi deprædicem aut decantē, quantacunq; deferre atq; persolvere valeo; nihilominus certus sum, me in his nunquam & nusquam ementiri atq; exerrare posse: cum nobilior, maior, excellentior existat & potentior, quàm vel ego vel alia Angelica & humana simul creatura vlla cogitare & comprehendere sufficiant.

## C A P V T VII.

*De Officio Amoris DEI in alio statu &  
de forma Orationis.*

**P**ostquam verò, quoad possibile fuit, illum, laudibus celebraui, iam ei & animam meam, omnem pariter voluntatem, deuoueo & consecro simul atque optimum propositum, quod habeo, vt puta, illum pro nulla re mundi irritari, exacerbari, aut vel leuiter irasci facere; efflictim ac vehementissimè illum rogando, quatenus me in eiusmodi bona voluntate conseruare, corroborare & con.

& confirmare dignetur, quæ sine illo, in suo robore consistere haud posset, sed cessaret, claudicaret & exerraret omnino. Deinceps suppliciter veniam peto pro cunctis offensis, cōtra ipsum admissis aut perpetratis; quò insuper nihil cogitare aliud, non vel intelligere permittat, seu quidpiam amore prosequi donet aut concedat, quàm seipsum. Et quoniam vilissimum me, sibi in seruum & amicum delegit, ad tantumq; prouexit & assumpsit negotiū, vt pariter & Spiritū Humilitatis mihi impertiatur, qui animam meam ab omni malo, quod vel cunq; sibi displicere posset, auocet, auertat & abducat, quò vel ipsemet vel pertenuia obsequia mea, nullatenus illi probro fastidioq; sint; sed per omnia, placita, accepta, pergrataq; existant, largiendo, quæ vel scit vel mihi esse vult necessaria. me, ad honorem suum ac beneplacitum scit habere debere, idq; nullis aliis de causis nisi vt mihi in se viuere ac mori concedat, meque à facie sua ( licet id ipsū multis meruerim modis ) haud proijciat. Postremò illum & pro illis deprecor, quos vel maximè diligo, & pro quibus plurimū ( sint quamuis spirituales, aut carnales ) obligatum me aduerto; vel  
sentio,

sentio, tum pro tota domo; adhuc omnibus creaturis, ut illis gratiam conferre largiatur, quatenus omnibus (secundum condecens) innotescat & propalam fiat, omnes illum cognoscant, diligant laudent, venerentur, ac benedicant, omnem operam nauans, quò totum hoc in puritate cordis loqui valeam. Quid iuuat, dixit Desiderius, quò puritate ejusmodi, ipso coram compareas? secundum posse meum, ait AMOR DEI, custodio cor, & mentem meam, inuigilando cogitationibus meis, accuratam sollicitudinem adhibens in tenendo super animam meam custodiam, Vigilantiam & excubias quàm solertissimas, jugiter ob mētis oculos statuendo SIMPLICITATEM, quæ visa mala in bona quin vel meliora mutat ac vertit omnia. Et quando abs toto mundo securus degere neminemq; formidare desidero; ambulo, deoque adhæreo Domino meo, quippe cum supremum bonum meum, solatium, decium, suauitas & omne gaudium meū sit coram & cum illo esse, colloqui, aut vel consiliū ab eodē capere. Cæterum nullo vnquam loco & tempore acquiescere, quietari & satiari volo, non vel etiam totius ago & viuo, quàm in & cum illo. Porro hanc ob causam, statui

ac proposui plerumq; omnia deserere ac  
 relinquere, illi cohabitare soli, firmiter  
 ac indissolubili animi vinculo adhærere,  
 & nunquam ab eo separari, ni iusserit  
 ipse: vide, ait Desiderius, quandoq; bo-  
 num, laudabile, necessumque esse, non  
 nihil temporis sacræ insumere lectioni,  
 hoc equidem verum, ait AMOR DEI, le-  
 ctionem duntaxat bonam esse; at non  
 propter scire aut (quod deterius est) sci-  
 ri velle, non vel indagare aut magnam  
 inde velle experiëntiâ capere, seu doctiorē  
 fieri. Sed tantummodo DEVM & vias ejus  
 nosse ac diligere; ad hæc autem, non  
 multis indigemus libris. Sed anima mea  
 DEI amore malo langueat & idem-  
 tidem deficiat, omne desiderium affectio-  
 nes omnia interiora mea, cum tota pa-  
 riter ratione intellectûs, in illo absumi  
 & absorberi percipio vnicus nanque  
 eius mihi sufficit AMOR, qui sol<sup>9</sup> vel scitu  
 perutilia pernecessariaq; commonstrabit  
 omnia. ille quippe in via cum amandi,  
 & haudquaquâ irritandi, perplura ac se-  
 cretiora edocere potest, quàm vel libri  
 omnes in toto mundo reperibiles. porrò  
 anima mea indipiscitur maiorem cum  
 eodem puritatem, timorem ac deuotio-  
 nem, nanciscitur & acquirit maiorem di-  
 gnitatem,



igitatem, contritionem ac pro peccatis  
 dolorem; robur maius sumit, fortitudi-  
 nem ac virilitatem, contra rebellem me-  
 am carnem, dum iuxta illum aut cum eo  
 sum, quàm dum vel lego. Ceterum per-  
 pendo identidem, illum haudquaquam  
 pluris lectionis, aut frequentioris, ex-  
 actiorisq; studii rationem à me expositu-  
 laturum: verum, quò exæstuante, omnia  
 persoluerim aut peregerim, Charitate.  
 Attamen hanc ob rationem, vltima, fina-  
 lis, ac præcipua mea opinatio haud est,  
 penitus & totaliter nihil legere debere,  
 illos maximè, qui viam Dei, inspiratio-  
 nes, regimen adeoq; iussionem spiritus,  
 non callent, & cogitationes suas, ver-  
 ba & opera dijudicare nesciunt; tali-  
 bus siquidem summè opus est, longiu-  
 sculæ immorari & insudare lectioni, spi-  
 rituale, internūq; rationabile adeo exer-  
 citium addiscere: esset siquidem perin-  
 signis dementia, insulsißima superbia,  
 Regisq; contemptus, si erudis ac barba-  
 rus rusticus aut mendicabulum, aulæ vsus  
 aut moris ignarus, in præsentia principum  
 ac potentum, regni adeò primariorum  
 procerumq; omnium, regi ipsi facie ad  
 faciem loqui attentaret, si vel in ipso ser-  
 monis medio linguâ seu discursu cade-  
 ret,

ret, insulso suo ac fatuo deficeret sermo-  
 ne, maximum profectò sibi conscisceret  
 pudorem, non minorem vel congereret ru-  
 borem ac confusionem, ita ut Rex eun-  
 dem præciperet expelli: satiusq; esset si  
 vel nunquam ad Regem intrasset & ac-  
 cessisset. Paris opinionis, aut sententiæ  
 spiritualia sunt. Quanquam vel legen-  
 ti peropus sit & Dei diuinorumq; cogni-  
 tio ac noticia; operum adeò illius expe-  
 rientiam habenti, magis proficua existat  
 Oratio, nobiliorisq; habeatur exerciti-  
 orare, quàm legere. cum in colloquio  
 aut discursu duntaxat bellè prudens exi-  
 stat, formam & modum sermocinandi  
 nec non usum & consuetudinē Aulæ Spi-  
 ritualis asseruare congruam nō pernōrit  
 & calleat. Porro si coram Domino meo  
 ita ambulem, cum primè studeo caput,  
 faciem, dorsumq; neutro vel hinc inde  
 haud obuerrere girareque. idque ideò  
 quod maiestati eius summum probrum,  
 ac ingens crimen conscisceret, si quispi-  
 am cum illo colloquens, aliò vultum ob-  
 uerteret. Enucleatiùs id, quæso, ait De-  
 siderius, dispungas & diluas: non enim  
 bene & distinctè intelligo: Quando, in-  
 quit AMOR DEI, cum Domino meo con-  
 fero, si cogitatus meos, sensus & intello-

Etum aliis rebus intendam; tunc illi ter-  
 gum & obtutum obrudo obuetoque.  
 Igitur propono, mihiq; imaginor, illum  
 semper me intueri adeoq; à me oculos  
 nunquam auertere; sed obseruare, quid  
 vel dicam aut quantâ reuerentiâ ac de-  
 uotione, quantâ cordis contritione, amo-  
 re & aduertentia me geram. Demum  
 grates illi persoluo pro cunctis benefi-  
 ciis mihi & omnibus creaturis exhibitis;  
 pensando ac recensendo ea identidem  
 aut sæpenuerò, idque ideò, quod per-  
 quàm optimè noui, illum minimè velle,  
 quò aut ego, aut vel vllus vnquam in-  
 gratus existat, & suorum obliuiscatur  
 donorum.

## C A P V T VIII.

### *De tertio statu AMORIS DEI.*

**Q**Vippe quoniam tibi statum primum,  
 quantò nimirum in Dominum meum  
 ferar amore, id est, illius, non vel in mi-  
 nimo quidem, iram in me concitando;  
 & secundum, id est, omnia, quæ mihi  
 præcipiat, capeffendo aut præstando, in-  
 sinuavi & patefeci. Nequaquam hîc fi-  
 niendum duxi, iccirco, quòd meus amor  
 erga illum tantus existat, quò tertium

non



non addubitem superaddere statum, vt.  
 puta, omnia facere, quæcunq; præcogi-  
 tare, præsumere, aut vel indagando con-  
 ijcere iufficiam illiq; bene placere ac per-  
 grata fore probem. Vnde conijcis, per-  
 contatur DESIDERIVS, te facere id, quod  
 illi placeat? è duobus id eruo & colligo,  
 ait AMOR DEI; adeoque primum fit; id  
 duntaxat amare, ipsemet quod amat. Se-  
 cundum: id odisse, ipse quod odio pro-  
 sequitur. Primum quod attinet, nempe  
 illud amare, quod ipse diligit. Tunc Fi-  
 lium Domini mei diligo, qui vtpote spe-  
 ciosissimus, dulcissimus nobilissimus &  
 Virtuosissimus omni, qui vnquam vel fu-  
 it; hic Patri suo, per omnia simillimus  
 sed & obsequentissimus, si quis vnquam  
 alius Patri erat aut erit. Hunc filium si-  
 cut semetipsum diligit propterea, quod  
 ei similior sit quocunq; olim filio paren-  
 ti. Cæterum vnitas & amor Patrem in-  
 ter ac Filium tantus est, vt ambo vnum  
 sint, habeantq; vnâ voluntatem, vnâ  
 virtutem, vnâ potentiam, vnus sit eis  
 intellectus ac consensus & quamuis Per-  
 sonarum sint ab inuicē proprietate distin-  
 cti, sunt nihilominus vnitæ naturæ seu  
 essentiæ indiuidui. Huic Filio fecit Do-  
 minum meus propria manu Vestem pa-



storiciam, quâ indutus, de sui Patris thalamo processit, nunquam nō tamen apud eum & cum eodem manens. Atque ita amictus seu vestitus hanc obambulat domum conuiuendo ac conuersando nobiscum, cum cæteroquē videre illum haud sufficeremus. Tunicatum eiusmodi coaphinunque panibus refertum portantem, per huius mundi machinam, eremiq; Vastitatem, ouiculas, quæ dispersæ ac perditæ oberrabant, requirendas, re-inueniendas, & reducendas, miserat & ablegauerat Pater; cumque hanc peragraret solitudinem, permisit idem, ut à lupis enecaretur, noluitque abs canibus discerpto auxilium ullum, licet commodissime potuisset, præstare; at voluit, quod à lupis, seuerissimâ, horrendissimâ; infamissimâque, quàm indubiè haud vnquam fuit, afficeretur ac perimeretur morte, propterea, quod filius Regis esset. idque totum charitate pernimia erga nos flagrante Dominus noster præstitit ac operatus est; ut omnes de Domo scirent & agnoscerent, quanto in nos exarderet ac teneretur amore, quod & nos quoque illi amorem compensaremus amore. quos quippe prior dilexit adeo, ut Filium suum dare non abnuerit, sed pro nobis omni-

omnibus in mortem tradidit. Desiderius, his auditis, vehementer & implacabiliter flere cœpit, perinde ac si gladio bis acuto, cor illius transfoderetur. Hunc Filium, pergit AMORDBI, Patet tam delicatissimè diligit, vt licet eum occidi & interimi permiserit, nihilo secius per suam omnipotentiam, non multo post eum à mortuis resuscitauit; tantoq; nobiliori & Victoriosiori modo, quàm antea oues, quas recuperare aduenerat, cum illo ducendo; residuas, quas, in solitudine hac, post se saginandas reliquit, in optima custodia, accuratè ac nimisquàm solenter conseruans: sicque deinceps repetiit cubile seu thalamum Regis Patris sui; vbi in dextris sedens, eundem pro nobis incessanter interpellat, suspirans & gemens Domino coram nostrî causâ. credoque, quòd, ni propter illum, diutulè cæteroqui nos è Domo expulisset, tam miseri ac mali reperimur & sumus, pigrè admodum ac tædiosè ei seruietes, obliuiscimur, contemnimus & spernimus, atque præposterè quâ ipsummet, quâ beneficia eius, recolentas ac prorsus nihili facientes. Filium hunc Pater tanto complectitur amore, quòd facillimè crediderim, quin in mundo quidpiam reperia-

tur,

tur, quo gratius ei possit exhiberi, quam si hic eius Filius adametur. Quare & ego illaboro totis Viribus, eundem diligere, ipsiq; soli placere. In quo, sciscitatur Desiderius, cum diligis, illiq; placere satagis? Dum, infert AMORDEI, sanctissimam vitam ipsius, maximam sollicitudinem, curam, laborem, ac benedictam ipsius doctrinam pensito ac recolo, meq; ei, quâ moribus, quâ gestis, quoad licet & sufficio, accommodo & conformo. Quò etenim Dominus meus excernit quempiam vitæ filii sui compositiorem & similiorem, eò magis diligit eundem; qui utpote illum ad nos venire, nobiscum commanere idèò, modumq; viuendi nos, per eundem, edocere, voluit; cum antea viueremus pecudum more & jumentorum. Quamobrem Dominus ipsum proposuit & dedit exemplum & inspeculum; ut scire ac nosse percupidus, vtrum scilicet opera eius, velle aut nolle, bonum siue malum sint, huius Filii inspiciat vitam, agnoscatq;e, meliorem, tutiorem, probabiliorem, certiorèq;e, hac in mortalitatis sphaera, haud inueniri & haberi exercitationem ac probationem. Alterum, quod Dominus meus amat, ephœbus aut PVER meus est. *Dilectio, dunta-*



*at, Proximi.* quem ille in tantum diligit,  
 ut dixerit; omne quod vel cunque ipsi  
 prætiterimus; sit siue bonum, siue ma-  
 lum se pro ipso suscepturum nouerimus,  
 perinde quasi Domino ipsimet exhibi-  
 tum. Quî PVERVM illum, percontatur  
 Desid: diligis? Vti meipsum, respondit  
*Amor Dei;* Primò enim uerò cogito, quod  
 omninò sit me melior, ac licet honestio-  
 ri, eminentiorique, illo, fungat offi-  
 cio, potiusq; manus obeam atq; præstan-  
 tius, tamen ei, in omni bono parco &  
 optempero, caueoq; illum ledere aut vel  
 in minimo offendere; at omnia per illi  
 grata & accepta, amicaque, quoad suf-  
 ficio, exhibere, non vel illum temere  
 iudicans aut culpitan; at indulgeo  
 excusoque semper, verbulum nec malum  
 illi loquor, sed conuiueo, dissimuloq; lu-  
 bens Naturales eius defectus, condolen-  
 do commiserandoque ei, dicoque de illo  
 nihil mali, nolo, nec vel concedo quem-  
 piam secus vel dicere vel facere; neque  
 etiam, tam præsens quàm absens, fieri  
 ejusmodi patior: Cupio insuper quate-  
 nus Dominum meum, magis me, deamet;  
 porrò exopto, quin & affectuosissimè  
 Deum obsecro, quò illum, tam bonum,  
 immò me, meliorem efficiat; nec spiri-



Qualibus corporalibusq; bonis eius, non  
 vel ulli rei mundi inuidere vnquam con-  
 rēdo quin anhele. at lætitiā, illius prospe-  
 ris rebusq; secundis, perfunder maximā.  
 Offensio, damnū, & infortuniū eius per-  
 nimium mihi est cordi, perinde cum, ac si  
 Angelum Dei, habeo indignumque me  
 censeo, ei vel à seruitiis, quantumuis es-  
 se abiectissimis; & hoc totum propterea,  
 quòd Dominus meus ipsum magnò com-  
 plectatur amore. Pari modo ad amo com-  
 munitia seu res Communitatis, quas iccir-  
 co amplector, quòd Domini mei dicata  
 & consecrata sint seruitio, cultui, hono-  
 ri, ac Domus eius ornamēto. Proinde  
 ac summo perē studeo, ne quidpiam  
 vel minimum, præcipuè ipsius concernens  
 sacram Religionem, ceremonias, Leges,  
 institutiones, Regulam & huiusmodi or-  
 dinationes attinens dilabatur aut pereat.  
 Quàmlibet autem quidam prædicta vili-  
 pendant & contemnant, ego tamen exi-  
 stimo, quòd ni Domino nostro placerent  
 (illarum duntaxat & vigor & obseruan-  
 tia) Spiritus Sanctus illa nullatenus præ-  
 ordinasset, præscripsisset & instituisset;  
 ideoque minimam cerimoniam, ordina-  
 tionem, decorem templorum nitoremq;  
 non otiosè ordinata esse; at verò quan-  
 tulacumq;

tulacunq; approbo, accepto, admittoq; s-  
 ratus, extrinsecum aut vel intrinsecum,  
 adeoque Diuinum in eis latere cultum,  
 quare factito prænominata vsurpoque s-  
 vltroneâ, liberrimâ adeò sponte omnia,  
 cum omni humilitate maximâq; reueren-  
 tia seruare volo. Cæterum expendo,  
 si cum haud colerem, non vel sedulam,  
 omnemq; Domino meo inseruiendo na-  
 uarem operam, quis præstaret alius?  
 quandoquidem me plus creaturis omni-  
 bus, deuinctum recolo & recognosco,  
 illi nimirum seruiendum; porro si vi-  
 deamus seruos, mundi huius Principibus  
 & proceribus tam promptâ obtemperan-  
 tes alacritate, tam alacri promptitudine  
 obsequentes, permagnâ charitate toleran-  
 tiâ & industriâ famulari, quî fieri pu-  
 tem Domino meo, haud vel me obsequi,  
 qui utpote in attribernalem ac domesti-  
 cum suum me delegit & assumpsit? certè  
 mundus totus si deesse aut vel deficeret &  
 expiraret, nullusq; inibi haberetur, ego  
 nihilominus, in mortem viq; fidelis esse  
 ac permanere haud desinam, omittam-  
 que.

## CAPVT IX.

*Tractat de ijs, quæ AMOR DEI odit, &  
conclusio muneris ejusdem.*

SECUNDUM prædictorum duorum tibi à  
Sme insinuatorum, multum placet Do-  
mino meo, odisse nempe, ipsemet quod  
odio habet. vnde & mihi periuadeo, il-  
lum duos habere inimicos, quorum vnus  
sit MVNDVS, alter CARO mea propria.  
quos proinde proposui pertinaci cordia-  
lique insectari ac prosequi odio, neque  
pacem cum eis vllam componere, inire  
aut vel vnquam amicitiam percutere.  
Cui profito. quò firmitus inhæream, aliud  
mihi superest medium, me nuiquam cum  
illis blandiri, vel jocari, non vel me re-  
creare quandoque, sed neque aut collo-  
qui vel conuertari velle, nisi Dominus  
meus præceperit; quo casu præfero & plu-  
ris facio præceptum Domini mei, quàm  
aut propositum seu intentum meum, vel-  
le quoq; proprium. Quare domus istius  
Rectorem cõueni, quatenus rem ob nul-  
lam mundi, ex non spatiandi vel animi  
recreandi gratiâ, in Vrbes, ciuitates, aut  
inter populum me ire permittat, vel etiâ  
ableget (id equidem oppidò execror &  
abomi-

abominor) si attramen idipsum injungatur, stringor aut teneor utiq; iussa capessere. Tametsi verò subinde insistente & urgente mandato Domini, certis de causis exire cogar in mundum, vult tamen, quò in cundo, morando, ac reuertendo, illi sim fidelis; ne duntaxat proditoriè aut dolosè agere attentem, sed quanto-cyus quoadulque possibile, injuncta expedire & exefficere domumque repetere adlaborem: noui namq; optimè, quòd quoquo pacto quispiam sese gerat, mundaq; vanitatibus intromittat, & negotiis, nihil prorsus lucrari, at permulta perdere. Tali quoque modo odi peccata mea, maculas & immunditias, motus inordinatos, desideria praua, passionès naturales, affectus, sensualitates ac inclinationes in malum, adeoque summo affligor dolore eadem in me reperiri, nec vel posse me liberari, non ignorans quòd prædicta Domino meo multum aduersentur ac omninò displiceant. Ea propter illaboro & adprime studeo, numquam non meliorari & memetipsum emendare ac corrigere. Cæterum amore illius deuoto ac defugio commercium domesticorum omniū (exceptis rebus in nonnullis charitatem & veram necessitatem cōcernen-



ribus ) me totalissimè ab illis enodando  
 & exsoluendo. tametsi illos in corde meo  
 Sanctos, immò Angelos reputem, me  
 neutiquàm ab eis auelli permittens, quòd  
 vel contemnam aut etiam conuersatione  
 meâ indignos arbitrer ; verùm vilio rem  
 me omnibus pono ac censeo, quàm vel  
 eis commaneam, terramque, quam pedi-  
 bus calcant, exosculari me postpoto, & in-  
 dignum censeo. Quare vel eisdem ( nisi  
 vergeat præceptum Domini ) me intro-  
 mittere penitus nolo. Quî istud ? per-  
 cõtatur Desiderius ; ideò, ait AMOR DEI,  
 quòd videam tempestate hac, Religio-  
 nem, & sacrum Ordinem maiori ex parte,  
 proh dolor ! labefactum, pessum datum  
 ac ferè in nihilum redactum ; idq; pro-  
 pterea, quòd nedum spirituales mutuo  
 inter se nimiam, exerceant curiositatem,  
 sed & sæcularibus ( quòd deterius est ) se-  
 se immisceât personis ac negotiis. Hinc  
 fieri videmus, omnem deuotionem, ora-  
 tiones internas, veram disciplinam, ferè  
 exulare ac penitus periisse, intantum,  
 vt claustra magnatum non nisi habeantur  
 palatia, & inquilini seu inhabitantes  
 tantum personati, nomine duntaxat &  
 habitu spirituales audiant, & sint ; vtpote  
 qui de mundanis, vanis, ad se non perti-  
 nentibus,

mentibus, passim conferant & loquantur.  
 Porro vitæ sanctimonia adeò inter illos  
 est exigua ac Vilis, quòd vix, ad chorum  
 conueniant; vbi etiamnum de seculari-  
 bus solummodò ac mundi tumultibus,  
 rumoribusque discurrent, quibus distra-  
 huntur vsq; adeò, quin vel ad Deum se  
 conuertere valeant. Dum itaque contra  
 cor & voluntatem, ac ferè semi coacti ad  
 chorum confluunt & psallere coguntur,  
 existimant se vel serò aut nunquam tem-  
 pestiuè exituros, non vel ad finem per-  
 uenturos; sic vt profundæ meditationes,  
 atq; sanctissimos Domini nostri psalmos  
 perexiguâ cum deuotione & permodicâ  
 reuerentiâ decantent atque persoluant;  
 cor suum, cogitationes, intentiones in fi-  
 nem & culinam dirigentes ac colliman-  
 tes. Ea porro est ratio, quæ illos à san-  
 ctitate tam procul pellicit, auellit & aba-  
 lienat; propterea, quia neq; Deū ipsum,  
 nec opera eius degustant, nec amore nec  
 vel saltem desiderio illius tenentur. vn-  
 de neque illos agnoscere vult, sed omni-  
 nò odit. Quocirca assuescere satagam &  
 contendam, solitarius viuere & iugiter  
 orationi insistere, quò anima mea occi-  
 piat dulcedinem & delectationem in Do-  
 mino & rebus Diuinis, percipere ac hau-  
 rire;

rire; ut ita consuescam amare eundem, sicut concedet; ea nanque de causa mundo renunciaui & exsoluendæ fidei gratiâ hûc veni. At vide, inquit Desiderius, ne alii dicant, te amore priuati aut proprii duci agq; commodi; itaq; in te solum omnes ora & oculos conuerterent. Minime curo, inquit AMOR DEI: hominibus etenim placere, eorumq; gratiam aucupari, sicut non ambio; ita nec debeo, in his præcipue, quæ Deo aduersantur & displicent; (sine tamen scandalo illorum) de cætero vnusquisq; dicat, quid velit; istud officii mei debitum, hæc functio est; proinde me habere percupidus, faciat quemadmodum feci egomet.

## C A P V T X.

*Quomodo AMOR DEI Desiderium introduxerit domum;*

STans Desiderius admirabundus, atque ea, quæ sibi AMOR DEI inculcarat, diutulè pensans, dixit: Cùm prænominata præstiteris omnia, num, quæso, tibi non nemo metuendus? Ianè quidem; infert AMOR DEI, seriò enim accuratè ac omnino studio inuigilare habeo, ne ex bonis operibus vanam gloriam, propriam complacentiam,



centiam, aut vel mei extollentiam adsciscam & superinduam; quàm si admitterem, hac eadem horâ & instanti Dominus me Domo expelleret. Quocirca matrem meam, HUMILITATEM duntaxat semper in promptu attineo. Rogo te, ait Desiderius, non dedigneris me Dommum introducere. Propera & veni, inquit AMOR DEI, diu satis mihi adhæsisti. porro ad alium adhuc te ducam perprobum sodalem meum, qui præstantius excellentiusq; me, obit officium. Quis vocatur, petit DESIDERIVS, socius tuus? vocatur, respondit ille, DESIDERIVM DEI. Gaudens igitur ibat Desiderius, AMORE DEI comite, DESIDERIVM DEI perquirendi, quo & inuento, quæsiuit dicens: Bone Domine, tu nè, quæso, DESIDERIVM DEI audis? Qui, eecum me, respondens, dixit: Quid tum denique? Quæ tua est postulatio? quæ petitio? Domine mi, rogat Desiderius, placeat tibi, me in servum recipere. BONAM ergo, DESIDERII, Voluntatē, multum approbabat DESIDERIVM DEI, aitq;: Si mecū esse cupis, oportet, vt ab aliis confratribus & sodalibus meis perquàm probè sis instructus & informatus: scito namque, è vino, quo vas supercfluit, DESIDERIVM DEI confici.



ci. quapropter teipsum decipere noli, quousque DEI AMORE imbuare ac probe implearis. Domine, infert Desiderius, commansi DEI AMORI, me informant de omnibus faciendis; atque Dei aspirante gratiâ, spero fore, quoad licuerit, cuncta perficere. Verum affirmare nequo, vtrum certitudinaliter AMOR DEI mihi insit, nec ne? cum is solus diligentem, se aut vel odientem pernoscat ac peruideat. in quibus optimum esse arbitror humiliter de se sentire vnum quemque sic ex parte mei asserere non polum, quid vel adsit mihi, nisi CANIS hic, nempe BONA VOLUNTAS; sed nec cogito, quod meus existat: nam dono mihi datus est. Sermo hic oppidò placuit DESIDERIO DEI, præcipue quia hæsitabat Desiderius, sibi inesse magnum DEI AMOREM. Affectuosissimè obsecro, ait ultro Desiderius, Domine mi, placeat qualitatem naturæ tuæ ac proprietatem indicare. Quemadmodum, inquit DESIDERIVM Dei, homo per magnam exactamq; sui cognitionem, magno sibimetipsi odio esse, multumque vilescere incipit: pari modo vel per magnam cognitionem, indagationem & experientiam Dei, contingit & prensat idem homo magnum DEI DESIDERIVM; por,

rò me qui habet, nihil terreni mundani-  
 que desiderat & concupiscit: nam facio  
 eum nobilem, & adeò fortem ac strenu-  
 um corde; ut nimirum bonum se exis-  
 timet aliud quidpiam desiderare aut vel  
 exambire, me præter: nobilissimū enim  
 uerò, supremū, ac ter optimum bonum,  
 DEVS est. Cæterum facio illum nobilio-  
 rem & superiorem quocunque tandem  
 alio, vtputa, DEVM; porrò sit licet vilis  
 ex prosapia oriendus, facio nihilominus  
 illum Regem. Me, inquam, qui possidet,  
 nil nisi Deum cogitat, loquitur nisi Deū;  
 Ea de causa, quòd, ubi thesaurus eius est,  
 ibi & cor & animus sit: id quippe, quod  
 homo in corde fouet aut memoriā, prius  
 eloqui debet: Verba enim ore prolata,  
 indicant & declarant animæ vota, desi-  
 deria & affectus. Sum insuper Animæ  
 (quæ desiderio viuit) cibus, edulium ac  
 refectio. Sum potior adeoque superior  
 huius DOMVS AMORIS, quin vel concla-  
 uis eius custos & janitor; habeoque, quos  
 volo, & mei sunt amici, potestatem intro-  
 ducendi Domū; atq; in ambulo vocitan-  
 do & vociferando, quousq; Dominus cui-  
 gilet, quem etiam exire, cumq; inuocan-  
 tibus, & ad se clamantibus colloqui facio.  
 Quis putas, nos suscitauit, dum deforis  
 diutulò

diutulè clamitares, & malleo FLETUS ac  
 SVSPIRII foras pulsares ? hoc maxime  
 præstitit ac effecit latratus tui CANIS. Ego  
 sū ; præ omnibus, nuntius certus & indu-  
 bius & primus portam frequento, Domi-  
 nūq; adeò, vicinus, immò proximus ē ve-  
 stigio sequor, atq; nunquam non præstò  
 adsum illi. In manus etiam mihi tradi-  
 tus est arboris cuiusdam fructus, cuilibet  
 ad manducandum distribuendus, Voca-  
 bulo : DEVM VIDERE. Dulcisc' fructus is,  
 Desiderius sciscitatur erotematicus ? nam  
 in DOMO HVMILITATIS alius mihi  
 dabatur, qui erat parumper austerus &  
 amarus, prælibatus & primò gustatus, du-  
 rus ac perdifficilis deglutitu. Fructus ille,  
 respondit DBI DESIDBRIVM, supra mo-  
 dum dulcis. Quòd verò nonnullis sit dul-  
 cior, suauioremq; in eo, alii reperiant  
 saporem aliis, id accidere putes ex maio-  
 ri, vehementiori fame cuiuspiam, acriori  
 & Vrgentiori appetitu, quòd vel expedi-  
 tioribus polleant dentibus, orisque sint  
 mundioris ; ideo etiam fructum istum  
 dulciorem persentiunt, degustant & com-  
 periuntur. Inueniuntur enim quidam ri-  
 digos aut demortuos habentes dentes,  
 quibus propterea vel nocet, qua rumi-  
 nare seu masticare dictum non sufficiunt  
 fructum,



fructum. alii sine fame comedunt, utpote, quod stomachum aliis cibis expleverint & aggrauarint. Caterum aliis, quia febribus, (utputa, inordinatis ardorum desiderijs) aguntur insipidus redditur, effectum fructus istius nescientes. Prælibare & probare mihi liceat, efflictim precor, anhelus ait Desiderius. Perplacet, inquit DBI DESIDERIVM, te dicere: PROBARE. Verum enimvero nequit, nec vel sufficit quispiam in vita hac illo satiari, nec ad placitum suum satis sumere, nisi tantum prælibare; adeo quoq; quam dulcis sit & suavis, prægustare tantum potest. Quid itaq;? ait Desiderius, rationem auscultæ, dixit DESIDERIVM DBI; Si homo hîc exsaturaretur & ad plenum, atq; adeo pro libito, nunquam non assatim illum haberet fructum, detrectaret quippè ex hoc liberari ergastuli carcere, nec vel in Cælum perueniendi vnquam flagraret desiderio. Sed ut scias, nos ferè mori præ fame, & inediâ, & prolixiori languendo abstinentiâ, penitus ieiunio diuturniore confici, expectantes tempus ac beatam spem donec ad Coenam magnam Domini ac Regis nostri intrauerimus. Certè quemadmodum Cervus æstate desiderat aquam, ita dicem illū, sitimus gaud



diouissimum. Fructus ille tantæ virtutis & roboris, vt vel pauxillulū sumptum, latrantem cuiusuis stomachum (quantus quantus ille comedo fuerit) in tantū possit explere, quò plus capere & auere non sufficiat. Nihilo minùs vbi cum Domino fuerimus grandiores, fortioresque, nobis præstabit stomachos, vt ad saturitatem de fructu illo sine vel nocumento edere valuerimus: si enim uerò quispiam plus hñc sumere, quam ventriculus eius recipere ac sustinere quit, attentaret, profectò magis illi officeret quàm conduceret. Quapropter opus esse noueris, fructus memorati modicum solū & præparè sumi debere, donec ad locum veniamus, vbi illo, quem nunc nonnisi libare licet, affatim, superabundanter ac æternaliter refici & exsatiari mereamur.

## C A P V T XI.

*Quomodo DESIDERIVM DEI adaptauerit & præpararēt Desiderium, fructum, illum manducare.*

**Q**Uæso, Domine mi, ait Desiderius, nō detrectes permodicum fructus istius, quantum placuerit, etiamnum mihi dare gustandum. Prius oportet, respondit DE-

SIDERIVM

**SIDERIVM DEI** (quippe cū fructus hic  
 non nisi in mundo asseruari & perdurare  
 queat vasculo) vt purges dentes, os, fau-  
 ces, oculos, faciem, manus ac pedes,  
 quoad licuerit, quā accuratissimē & ad  
 summam laues mundiciem. Vbi, percon-  
 tatur **Desiderius**, aquam inueniam? Ad  
 fontem viuum te ducam, inquit **DESIDE-**  
**RIVM DEI**, iugiter die noctūque salien-  
 tem & scaturientem, qui **SACRA RE-**  
**LIGIO** nominatur; vbi Virgines ē Domo  
 accersæ, vtrō te abluent, totaliter mun-  
 dum reddentes. Læsus, & ad hilaritatem  
 vultu composito, exspectabat **Desiderius**,  
 sed & confestim prospexit sibi **DESIDE-**  
**RIVM DEI**, prænominatis septem Virgi-  
 nibus, accelerare & appropriare ac dice-  
 re: Ecce Virgines istæ colluere te habent.  
 Quarum primæ Vocabulum: **DVLCEDO**.  
 Alteri, **VNITAS** vel **VNANIMITAS**. Alteri,  
**COMPASSIO**. alii, **GRATIA**. alii, **BONITAS**  
 seu **BENIGNITAS**. alia, perlubentis animi  
 seu **LIBRE SPONTIS** dicitur. **MANSVETV-**  
**DO ALIA**. altera, **AVCTORITAS** seu **GRA-**  
**VITAS**. Altera, **GAVDIVM**. altera **DISCRE-**  
**TIO**. alia vocitatur **PIETAS**. Hæc quip-  
 pe tibi ministrabit herbulam te exhila-  
 rantem, atq; adco appetitum ad come-  
 dendum cientem & prouocantem, quò  
 scilicet

scilicet vltionē suauiori ac meliore co-  
medas gustu. Nam fructu illo tantum-  
modò famelici, non vel alii dignantur po-  
tiuntur & vescuntur. Item alia præterea  
Virgo vocitatur: RELIGIO. alia: PER-  
SEVERANTIA. alia: CONSTANTIA. altera  
PAX. altera: HABILITAS, seu APTITUDO.  
altera: DILIGENTIA. alia: ORATIO. al-  
tera LABOR. Vltima tandem sum ego:  
vtpote: DESIDERIVM DEI, quæ nunquam  
non huic præstò sum sodalicio. Cui si tu  
quoque adhæseris, illum fructum pariter  
manducandū maximè iuuauerit, ac per-  
commodo tibi fuerit auxilio: Porrò fru-  
gem illam, si semper comederis, ubique  
tecum eadem Virgines ambulabunt, ne-  
que vnquam te deserent, ni ipsemet à te  
illas expuleris; quia sunt quodammodo  
auidæ. In Visum enim uerò fructum mox  
& in instanti inuolant & insiliunt, sicut  
apes mel impetentes; porrò luculentius  
evidentiùsq; haud datur inditiū, aliquem  
fructū illius nonnihil habere, præter  
quàm si portæ, prædictas adstare Videas  
Virgines. Exultabundus Desiderius, tam  
apprimè se lotum abs Virginibus Videns.  
Cui proin DESIDERIVM DEI ait: Quan-  
doquidem, Frater, jam comedisti, etiam  
te cantare debere memento. Dei enim

VERO

uerò famuli, comestione factâ, decantane,  
 & toti in Laudes Dei, & Creatoris sui ef-  
 funduntur : sed & in Domo hâc nemo est,  
 quin cantum nouerit. Quî canere, quæ-  
 rit Desiderius, debeam? Intremus respõ-  
 dit DBI DESIDERIUM, Chorum, vbi præ-  
 centores seu cantores commanent : Quo-  
 rum primus, dicitur, BENEDICTIO ; se-  
 cundus, HONOR. Tertia, LAVS seu GLO-  
 RIA audit. Quarta tandem nuncupatur :  
 GRATIARVM ACTIO. Cum his tibi, no-  
 ueris, occinendum : sunt namque peritiâ  
 musices, præstantes, vocibusq; pollentes.  
 Quali voce seu cantu occinam? quærit  
 Desiderius; Primus præcentor est : BE-  
 NEDICTIO, præcinens Discantum, hic Dei  
 laudat supremam potentiam. Secundus  
 CONTRA-TENOR, occinens ac tribuens  
 DBO honorẽ & infinitam illius dilaudans  
 Sapientiam. Tertius dicitur : GLORIA  
 seu LAVS, Tenorem decantans, laudan-  
 do cùm DEVM ipsum, cùm immentam in-  
 scrutabilemq; illius Bonitatem, Virtutes  
 omnes & singulas, Magnificentiam, pul-  
 chritudinem, adeoq; Vniuersa, quæcunq;  
 tandem in seipso comprehendit, sanctum  
 ac terribile nomen eius in idipsum de-  
 prædicans : Quartus postremò vocitatur,  
 GRATIARVM ACTIO, ilque Bassus accinens



& persolvens Deo ac Domino nostro Grac-  
tias pro Vniuersis beneficiis, omnibus si-  
mul creaturis præstitis ac exhibitis.

## C A P V T XII.

*Quomodo Desiderius addidicerit cantu.*

**F**ORMA, modus, jubilus, concinnus cō-  
centus, consonantia aut vel harmonia  
dulcis ibidem canentium oppidò Deside-  
rio placebat. cui DESIDERIVM DEI, ecce  
satur, num reuerti eligeres? Quorsum  
ibo, ait Desiderius, aut vbi melius mihi  
esse poterit, qui vtpote tanto labore, so-  
licitudine atq; vitæ periculo huc appuli?  
quippe quoniam reperi locum, quo pace  
desiderabili, omniq; solatio frui Valuero,  
illum haud immutabo, non vel hinc mi-  
grabo; communis namq; dicit parœmia:  
Vbi quispiam bene habet, ibi sedem figat,  
refert; sed & ingenuè fateor, mi Domi-  
ne, me dehinc haud discessurum, nisi per  
vos ejiciar extrudar aut vel proscribar,  
adeoque per vim fiat, oportet. Nequa-  
quam, infert DESIDERIVM DEI, nobis  
moris esse putes, expellere quempiam,  
nisi velit ipsemet, immò rogitamus, vt  
nobis commaneat. quatenus tamen sci-  
at, nos nemine indigere, indicamus tem-  
pestiuè;

peſtiuè ; ſuauiſſime illum præmonentes & prius interrogantes, Velim' intus manere, nobiſq; conuiuere. Tu autem ſiquid nobiſcum habitare percupis, ſcito quòd otia non licebit. nemo enim inquilinorum, otio marceſcere debet, aut vel inuerecundè ac turpiter tempus perdere. Quidnam, petit Deſiderius, agere habeo ? quicquid præceptum fuerit, inſert Deſiderium ; Cum autem nihil inunctum fuerit ? percontatur Deſiderius ; Reſpōdit Deſiderium Dei ; Cantare & pſallere, Dominumq; noſtrum laudare ac ei benedicere tenebris : vt etenim cantes & pſallas, admiſſum ac ſuſceptum te noueris ; adhuc autem, vbi quod præceptum eſt, perfeceriſ, percommode intercinere in temetipſo poteris : ne velduntaxat cogitatus tui exſpientur vnam, menſq; ſubinde diuagetur. Cæterum ſi Domino noſtro placere peroptes, familiaritati ac amicitia eius reconciliari, illoq; ſolo frui, adeoq; fructum facere ac reſerre aueas, quod ad poteſ & ſufficiſ (ſine tamē inuncti operis præiudicio) vnice cū illo ambules, conferas aut colloquaris oportet. Tum demū videbis & arbitrari licebit ab ipſo tibi dicta & inſinuata ; atq; in maxima eius myſteria

& arcana introire, à mundi vel sapientissimis abcondita, poteris: Videbis quoque; quàm honorificè te habuerit, quantamque apud illum inieris gratiam & amicitiam. Itanè quilibet, percontatur Desiderius, prælicenter & ad mentem tuam, conclaue eius intrare, cum eoq; sermonicari potest? Ita porro; tamen comite semper **HVMILITATIS**: atq; adeò potissimum illi gaudium esse dico, si homo eum excitet: Cum Naturâ nunquam solus esse velit. quantulæcunq; equidem vilis conditionis, plebeæ ac infimæ licet natiuitatis quispiam sit; nihilominus eum affectuosissimè amat, sibi cohabitare, inquilimumq; agere gaudet. Tantæ quippe generositatis, nobilitatis, ac supergloriosæ dignitatis est Dñus, vt personam cuiusuis indiscriminatim, sine vel vlla discretionis differentia respiciat; æstimet autem animam humiliter piam & deuotam: tanti enim vna apud illum valet ac æstimatur, quanti alia: cum omnes ex vno & eodem eduxerit opere. atque, quod minus est, quod personæ Viliores, inferioresq; fuerint (si attamen se humiliant) eò maiori eadē cōplectitur amore, ac plurima plerunque præstat dona & beneficia. Sed & dico tibi, quòd maxis



ma & potissima pars ( ni parum admodum aberrauero ) intus, modicæ fortis sic, humili ac vili loco nata exultat. cum Dominus noſter ignobilia & contemptibilia mundi elegerit, ne quiſpiam inquilinorum audeat cogitare aut vel ruminare, per ſe ſolum intrò habitare commiſſe; atqui ſolâ & merâ miſericordiâ, benignitate ac gratia Diuinâ luſceptum eſſe, ſibi perſuadeat. Ergò igitur hîc manere ſi diſcupis aut vel deſideras, neque aliquo deſtitui, aut quandoque deficere, de die ac nocte cum pſallentibus pſallere, facere quoque & adlaborare, quî pſalmodiam tuam Dominus tuus approbare acceptareq; dignetur: ſequentia hæc obſerues, iuuat. Primum eſt, BONA VOLUNTAS. Secunda: HUMILITAS. Tertia, PATIENTIA. Quarta, CHARITAS. ſi porrò cum quatuor iſtis cantaueris, nunquam aberrabis. & tamenſi ſubinde exeres, parumq; deuote canas, nihilominus attentè audiens derepentè iterùm ad cantum redibis, atq; adeò ſtudioſè auſcultando in odam dirigêris, nec non concordiffimè recines. Primâ particulâ nempe BONA VOLUNTATE Diſcantum præcines, cui adſtipulantur, quo & modificantur omnes reliqui cantus. Secundâ & Tertiâ



HVMILITATE duntaxat & PATIENTIÁ Cõ-  
 tra Tenorem occines: HVMILITATI nam-  
 que ac PATIENTIÆ propria sunt antilo-  
 gia, antipathia, contradictiones contra-  
 rietates, antiperistases aut contrapositio-  
 nes &c. quæ omnia voluntas contraponit  
 inuertit & immutat ac cõtorquet. Quar-  
 ta tandem scilicet CHARITATE omnis ge-  
 neris organorum & cantionum sympho-  
 nias ac modulamina percipere poteris,  
 magna soni concordia, atque animæ tuæ  
 simulque S. Spiritus suauitate ac dulce-  
 dine. porro has si particulas perdidere,  
 aut vel cantando non nunquam te erra-  
 re contigerit, ad primum continuè re-  
 currebit cantum. & licet voce vel animo  
 excideris aliorum globulorum seu nota-  
 rum, Domino nostro fauente aut opitu-  
 lante (cuius etiam gratiã hũc te aduenis-  
 se noueris) atque auscultando Correcto-  
 rem, primæ meminisse iuuabit particula;  
 ante omnia autem fructus vltro mandu-  
 candi & antea in DOMO HVMILITATIS co-  
 mæsti; reputa: TIBI MET ipsi DIFFIDE-  
 RE. Et quò plus AMORIS ac DEI DESTI-  
 DERII habueris; & amplius de iuce gu-  
 staaueris, familiarior amicitiorq, Domino  
 nostro fueris; cõ amplius ei de fructu  
 illo

illo porrigito. cū perlubenti animo eo  
& Vascatur, & nunquam eundem aut re-  
spuat,

### C A P V T XIII.

*Quomodo DEI DESIDERIVM introduce-  
rit Desiderium in conclave Domini. Si-  
mul atq; instructio brevis Oratio,  
nū fundenda.*

**V**Num te, ait Desiderius rogo (quippe  
quoniam jam susceptus, vobisque co-  
habitare dignus inuentus sum) velis me  
ad Dñum nostrum ducere, quò & illum  
noscam, manumq; ei exosculari Valeam.  
Mactè animo, ego sum, ait DESIDERIVM,  
DEI propera veni, mecum. Desiderius  
totus tremebundus hæsit, cogitando se  
Dño supremæ maiestatis adstare, tantòq;  
pauore correptus & anxietate circumfu-  
sus, vt nec propius ad eum accedere au-  
sus, penitus reuerti in animum induce-  
ret. Expensâ tamen Regis istius suauita-  
te, nobilitate, amabilitate benignitate ad  
omnesq; affabilitate, confortatus & ere-  
ctus animo, totam suam in eum iactauit  
fiduciam. Præstolare me hîc ad januam,  
dixit DEI DESIDERIVM, videbo, quid vel  
peragat Dominus, dicamq; te adesse præ-  
sto,

stò, sibiq; loqui velle. Percussus pauore Desiderius, cogitabat, quidnam Dynaste tantò coram diceret. Interim Dei DESIDERIVM ait veni, jam enim Domino nunciaui, intrato igitur, ecce ad ostium te exspecto reuersurum. Desiderius cum reuerentia maximâ conclare seu solariû pedetentim cæpit intrare, at confestim viso Dño pronus in faciem cadens flere occepit, nec vel ausus caput aut oculos attollere. perprobè noscens, se Domino nostro inimicissimum offensissimumque istactenus extitisse, quem & sæpiculè irritarat, ac plurimis injuriarum probris, flagitiisq; laceggerat, contumeliis atque conuitiis identidem diuexerat, exacerbatuè tantum, vt nec loqui, imò non vel hincere quidem potuerit, nisi ELERE ac GEMERE. considerans illam Dei bonitatem immensam, indignissimè hucusq; à se habitam, atque adeò sæpè sapius ad iram prouocatam. Quid rei aut negotii? ait Dei DESIDERIVM. Quidnam hinc agis? nihiln' mihi loqueris? exurge, quid desideras? Desideri<sup>9</sup>; Quid vel possum coram Diuina tua maiestate dicere? Heu, Domine mi, non sum dignus, quâ impollutum os meum, non dico, aperiam, sed nec in Diurnos tuos efferam ocu-

los;



los; ac tacitus & suspirans Vitiatorum scelerata, impietatum adeò mearum nequitias, improbitates deplorare ac deplangere in amaritudine animæ meæ, maximas. Quis igitur, ait Dominus noster hūc comparuisti? Intraui, Domine mi, inquit Desiderius, ratus me non vel commeruisse dignumque esse in Domo tua manere, multò minùs ad Te, conclaueq; tuum intrare. Quis igitur, petit Dominus noster, te hūc introduxit? Tu, mi Domine, respondit Desiderius, Tu traxisti, Tu, vocasti, Tu aperiri mihi, & intromitti iussisti. Ignoro planè, Domine mi, qua de causa seu quid te permouerit? aut ad quid vel mei indigeas? Cui satius, quin pernitiùm foret, vt minimus tuorum seruorum, immò Domus tuæ mancipii munus obirem, sed & idipsum nullâ prorsus commerui ratione, vtpote indignissimus. Tamen, Domine mi, quoniã me Vocasti, & quia placitum erat ante te, vt cohabitarem tibi, tecumque loqui permîsisti: Tu aperi labia mea, & ostende, te coram quid vel dignè loqui debeã; pone in me Spiritum Timoris & reuerentiæ, quò Diuina tua Maiestas non irretetur per me, aut cum probro & dedecore deinceps tibi seruiatur, non vel amodò jam à me ma-



ximo peccatore indignè habearis. hoc nanque maxima esset iniquitas ac scelus summum : cum malletm potius meipsum vitâ interimere, quàm vel tædio fastidioque te coram apparere. Id enim si facerem, Angelis & Archangelis, atque adeò toti curiæ cælesti, (qui immensa lætitiâ ac reuerentiâ te diligunt, magnificant, & contremiscentes tibi famulantur) summam ignominiam, pœnam & injuriam irrogarem. Doce me igitur, Domine, quid dicam, aut vel facere debeam : ecce in manus tuas totissimum me trado, plenariè ac perfectè Tibi me dedo ac deuoteo. Da mihi Domine, Spiritum HUMILITATIS, quî tibi, pueris tuis, omni que Domui Tux, debitè ac meritoriè seruire Valeam, quò vel seruitium Tibi placeat, gratum existat, ac à me & in me iugiter omni loco & tempore lauderis atque benedicaris.

#### C A P V T XIV.

*Quomodò Dominus noster, Desiderio se  
bellè gerendi ac scitè regendi, perpulchram  
doctrinam & regulam dederit.*

**E**Xurge, macte animo, jam jamq; angustia noli aut cruciari, si amodò prohibet

& meliorationem præfers promittique,  
 at talem te esse qualem conuenit probas,  
 vicissim ego, tædii, noxæ, omnisque in-  
 juriæ mihi hætenus à te illatæ, nunquam  
 memorabor. Quò tamen melior perfe-  
 ctiorq; euadas quatuor Verbula continuo  
 animo versanda ac ruminanda utpote ti-  
 bi multum utilitatis allatura, auscultæ.  
 Accipe igitur duo hæc: EGO & Tu, quæ  
 prima sunt. Bina alia: CAPTIVVS & REX.  
 Verba ita si rectè ac nauiter exercueris,  
 adeoque in opus transferre strenuè stu-  
 dueris, ad magnam perfectionē ac mun-  
 ditiam cordis te promouebunt & iuu-  
 bunt, contra omnes motus & incurfus te  
 protegendo ac tutando, facientque, quò  
 cum omnibus inquilinis in pace, tranqui-  
 litate ac Charitate vitam degas & lauda-  
 biliter conuerferis. Efflictim precor, dixit  
 Desiderius, ediffere vsum ac exercitium  
 Verborum illorum. Potes, ait Ds̄i Ds̄i-  
 DERIVM, omne tuum exercitium ad Verba  
 prædicta detorquere & applicare; sunt  
 namq; eximie considerationis & magnæ  
 intelligentiæ, summasque includunt ac  
 continent sententias è quibus solis, ma-  
 gni conscribi aut confici possent libri, per  
 quos ad summam quispiam perfectionis  
 apicem contingeret, sine aliorum indi-

gentia librorum. Occasione igitur arre-  
 præ mecum duntaxat conferendi, aut vel  
 opus injunctum perficiendi, quando te  
 aridulum, tegnem, indeuotum, frigidum  
 aut dittractum persenties, imaginare tibi  
 inculcari verba hæc : EGO & Tu, & nihil  
 prorsus aliud ; si q; obliuiscere simul to-  
 tum mundum atq; adco omnia, quæ vel  
 Vidisti vel audisti, vnquam; cogita quoq;  
 neminem in toto esse vniuerso, nisi : EGO  
 & Tu. Altera gemina verbula : CAPTI-  
 VVS seu MANCIPIVM, & REX ; proderunt  
 tibi in Domo Fratribus cõuiuendi, agen-  
 di & cõuersandi. Primò, videlicet : quòd  
 omnium domesticorũ non sis, nisi MAN-  
 CIPIVM. quò duntaxat humilis & obedi-  
 ens existas & maneat. Secundò, cogita  
 te tuimetipsius esse REGEM. porro Reges  
 omnes ego summopere dito, illis jucun-  
 da ac læta plurima, bonaq; vitæ dies cõ-  
 ferens ; instructio ista modò sufficiat ;  
 nunc in pace proficiscere. Cur, Domine  
 mi vis, ait Desiderius, vt abam ? Ne, in-  
 quît Dñus, vel autumes te promeruisse  
 aut etiam dignum esse mihi cohabitare  
 & semper adhærere, nisi quando volue-  
 ro, aut vel te Vocabo ; quò vanâ non ex-  
 tollaris aut pascaris gloriosâ aut præsum-  
 ptione. proinde te, vbi mihi placuerit,  
 accerseri

accerferi jubebo. priusquam autem abeas, relinquo mihi oportet, cor tuū, quatenus ubicunq; locorum fueris, quod habuisti optimum, apud me exultat. Sine modo illud penes me: neque enim arbitreris, te, toties, quoties volueris idipsum præstare posse. Ad maiorem insuper tui humiliationem; vtilitatem ac profectum, illud minimè apud me habere vellem; sed vnum, quod hactenùs ignoras te edocebo, quòd, quò magis commodo, solatio ac gaudio seruorum meorum esse illaborare studeam, eò amplius & frequentius ipsis tribulationes, afflictiones, ærumnas & aduersitates sustinendū summittam. si tamen Canem tuum, BONAM VOLUNTATEM reliqueris, qui semper mihi (vt nunquam deserat) adhærere poterit; ni ipsemet detrectes, quem & quotidiè mihi commendes, oportet. Desiderius, cur quæso opus est, quì tibi Canem istum commendem in dies, nonnè semel tradidisse sufficeret? minimè, respondit Dominus noster, non quia vel obliuisceretur tui, sed quò tu mei non obliuiscaris, tibiq; reseratur via ac detur occasio, me nunquam non retinendi memoriâ, vt tibi benefaciam, & commodo tuo, in adiutorium veniam. Nam quoad me: quid



detur aut quid apponatur mihi, si vel mei memineris, nec ne? Gratias fero immortales, inquit Desiderius; pridem enim tuam, Domine mi, BONAM VOLUNTATEM pernoui & clementiam perspexi, quæ sola in nobis omnia peragit & operatur, perinde, ac si egeno tibi melioramentum ex nostris accresceret operibus, vniuersa & singula in nostrum profectum, prosperitatem & salutem vertens ac dirigens.

### C A P V T XV. & Vltimū.

*Quomodo Desiderius prænominata quatuor Verba à Dñā sibi tradita reuoxerit ad praxim, simul atq; de fructu ex illis abortu & prodeuntes.*

**E**Rgò igitur è conclaui Dñi nostri Desideri: migrans & cor suum ei resignandoq; , relinquendoq; reperit DESIDERIVM DEI deforis ad ostiū exspectans sibiq; dicens: Quid causæ, o Desideri, prolixioris tuæ intus cunctationis aut moræ? an putas Dño nostro multa perplacere Verba? Cùm subinde Verbulo plus efficere apud illum possis quàm centum aliis. Heu Domine, inquit Desiderius, Videre mihi Videor parum admodum inibi fuisse. Inambula, dixit DESIDERIVM DEI, & perlustra Domum utpote jam susceptus. subsumpsit

sumpsit Desiderius ; ad cellam nostram  
 me conferam. Interea Desiderius pensa-  
 bat & in dies mente voluebat ac reuolue-  
 bat prædicta sibiq; à Domino instillata  
 verba , identidem dicens : EGO & Tu.  
 CAPTIVVS & REX : diuidens, congerens  
 ac intermiscens eadem sæpiuscule : Ve-  
 rùm semper quadrabant & conuenie-  
 bant. Vnumq; accipiens ait : EGO : &  
 postea aliud, CAPTIVVS dicens : Ego re-  
 ctè ajo, quòd, ob AMOREM Domini mei,  
 CAPTIVVS imò mancipium sim. sumens  
 dein aliud, dixit : EGO REX. EGO  
 quàm conuenientissimè dico , me esse  
 REGEM, qui Dei sum seruus : nam illi ser-  
 uire, est regnare ac imperare, atq; idcò  
 non possum non esse, nisi omninò  
 REX, Telos.



## PROEGMENA.

*Seu duodecim dignitates & Beatitudi-  
 nes animabus à Domino collata & hìc  
 summatim transcripta.*

*Primò.* Anima est omnis pulchritudo,  
 vis, virtusque operationum.

2. Anima est ad Imaginem, formam,  
 pul.

pulchritudinem & similitudinem Dei facta & creata.

3. Anima, Naturâ, Essentiâ & Conditione tantâ roborata, ut nunquàm; (sit vel beata, vel damnata) mori queat.

4. Animæ, ea inest Nobilitas, ut conclauæ arca & Vas Dei, (quem calli omnes capere nequeunt) audiat & existat: Anima, inquam, tanta est, ut nulla res creata, eam explere, satiare nisi Deus possit, & nisi eundem in se habeat.

5. Anima ex se, propriâ ac Naturâli Virtute suâ, tam delicatissima, tenerima subtilissima existit, quò vniuersa ac singula, quæcunq; tandem Deus creauit, ei innotescerent, ni corporis ergastulo, quò tenetur occulsa, præpediretur; ut insuper (quemadmodum doctissimus adstruit Lescotius) Iesum prædulcissimum in corpore ac anima, Diuinamq; Essentiam in sacratissimo Altaris Sacramento sub Specie Panis & Vini velatam & occultam, cerneret.

6. Anima eâ donata est Nobilitatè ac honore insignita, dignataque, ut in sanguine Filii Dei ab originali labe, atque adeò vniuersis delictis lauata & emundata existat: nam eandem gratiæ Patris Cælestis recôciliandâ, voluit Iesus prædulcissimus

cissimus atroci Crucis patibulo suffigi;  
amarissimamq; subire mortem, quod nã  
pro millibus haud fecisset mundis.

7. Animæ propter pulchritudinem ac  
nobilitatem, Deus in Sponsam sibi dele-  
git eam & accepit, heredemq; constituit;  
si tamen homo peccata fugerit, criminis  
numq; baratra deuitarit aut vel pro ipsis  
pœnituerit.

8. Pater eius Deus amantissimus,  
Saluator & Redemptor, Angelum ei bo-  
num adhibuit, qui nusquam, vsq; & vsq;  
in mortẽ adeo ipsam deserat, licet totius  
mundi malitias & omnia flagitiorum ac  
scelerũ genera commiserit, perpetraritq;.

9. Supremæ nobilitatis gratiã neuti-  
quam Deus supersedet. (aut cessat eam in  
conscientia per synteresin potentiarum  
virtutumq; eius inhaesionem) præcaueres;  
commonoscere, instare, virgere, adeoq;  
rogare eandem, quò se plenariè ac per-  
fectè ad eum conuertat, fortiter viriliter  
que aggrediatur pœnitentiam & exnunc  
agere resoluat.

10. Anima vsq; & vsq; vinculo indis-  
solubili, in gratia & Amore Sponsi sui ac  
Creatoris firmata & solidata existit, ut  
quantacunq; peccata, scelera & flagitia,  
aut vel quoduis tandem aliud malum, in



cum cōmittat; gratiam & veniam (mōdō hanc ipsam debito tempore & horā, congruā, bono corde postulet aut desideret, illiq; veram & puram contritionem præsenter ac offerat) abnuere aut denegare illi haud possit.

11. Præterea cuiusmodi qualitate forma figurāq; facta & creata est Anima, quō nulla res aut potentia, eā à propria voluntate auocare siue auertere, seu liberū arbitrium ei adimere, nec vel idem deferendum cogere aut compellere sufficiat, ni delectet ipsam, aut sibimetipsi complaceat; immō nec ipse Deus gloriosus per potentiam suam præordinatam. Talis nanq; tantaq; Animæ est præstantia, nobilitas & creatio.

12. Summa dignitas & excellentia Animæ in hoc nobis innotescit & declaratur, quōd nullo modo satis Deo visum sit, quin eam ornatissimè creārit, ac tanto redemerit pretio (vt supra dictum) verū etiam in signum vnice suæ, excellentissimæq; Charitatis, auctoritatem & potestatem ei tribuit, quō seipsā corpore eius sacratissimō, pretiosissimōq; pariter sanguine reficere ac roborare valeat; præstat hoc Anima per sanctissimi Altaris Sacramenti sub specie Panis & Vini iumptionem,

nem, per cuius sacrosancti virtutem Sacramenti, Anima hominis dignè percipientis, in Fide firmatur. Spe alitur, Charitate accenditur & inflāmatur, ad omne quoq; opus bonum excitatur, adornatur adaptatur, & animatur, à peccatis mundatur, spiritualiter consolatur, Deoque magis ac magis reconciliatur; atq; ad eò per amorem cum eodem arctiùs conjungitur, ligatur ac deuincitur. Omnia huiusmodi dona, nobilitates, excellentias, sublimitates & dignitates cōtulit ei Deus, plurima in Cælis daturus, tanta, inquam, & tam pulcherrima, vt captum aut intellectum hominis, quàm longissimè excedant & transgrediantur.

*Sequuntur donaria, quæ Dominus nosse daturus est illis, qui ob amorem eius, membra sua mortificauerint, carnem Spiritui subiecerint, sensualitates deuincerint ac detriumphauerint.*

1. Eiusmodi seruis suis Dominus beneplaciti & suæ voluntatis copiam, & claram, puramq; sui noticiam ac cognitionem subseruiet tribuetq;.

2. Mediante Spiritu S. corda hominum præueniente & ad pietatem excitant,

te, atq; emolliente, imbrem lacrymarū illis donabit ad vberimum satietatem.

3. Mouebit aut suscitabit illis orexim, stomachum & famem, desideriumq; ad omne bonum & virtutes vīq; & vīq; capeffendas, quò nulla vel virtus, aut opus super erogationis, illos subterfugere seu præterire potuerit, nec vel vllum peccatum eis nocere. Nam Dominus noster eos regit, replet virtutibus omnibus, aduersitatibus potat, sui amore explet exsatiatq; exspolians ac denudans omni voluntate propriā; Cæterum tanto amore complectitur tamq; disuauia- tur amanter, ac nimis quàm strictè sibi deuincit eosdem, vt penitissimè amore sui diffluere faciat.

4. Propr.â dein semper gaudebunt voluntate: cū non nisi, quod Deus vult, velint, ameniq; , sed & nunquam, ob patientiam summam sibi inhærentem, vlla vel ignominiā vel probro affici poterunt. Cū haud quaquam moueri, turbari aut confundi possint, ni Dominus noster prius offendatur, quod nunquam non eos protegat ipse, nolitq; , quò aliquando coarctentur angustenturue. Cæterum vbi Cælum inscenderint, Deo & Cælitibus fruuntur vniuersis; quia vo-  
luntatem

luntatem suam Dei assimilauere & conformauere voluntati, quâ & in perpetuas non carebunt, egebunt aut destituentur æternitates.

*Succedunt quadam scitu perneceßaria  
hominem ad perfectionem peruenienti,  
præpedientia.*

Primum est: Quia Deo in conscientia nostra rebelles & non obaudientes sumus.

2. Quod **D B I** gratiâ doniq; ingrati existamus.

3. Quod futiliter, & infructosè, irreuocabile perdamus tempus, agendi penitentiam vtrò à Deo nobis indultum & concessum; quò vtpote præterita cheu miserrimè amissa! inutilissime, negligentissimeq; abiuncta spacia & momenta repetamus & recuperemus.

4. Quia vel vanis & inutilibus cogitationibus plus temporis lociq; tribuimus & insumimus, quàm vocationibus & obligationibus nostris, inspirationibus Diuinis, aliorumque præmonitionibus impendamus; quæ omnia nobis **D B V S** in dies præstat & instillat, dummodò eis se applicare, aut colligere vel intelligere vellemus eadem.

5. Quòd vel aliorum vitia & defectus



prius, frequentiusq; quàm propria pensamus, arbitremur, scrutemur, adeoque temerè iudicemus.

*Sequuntur quadam perquam necessaria,  
hominem ad perfectionem suffragantia &  
quasi manu ducentia.*

1. Quatenus quispiam in quacunque aduersitate non adiuuari, nec vel cā liberari aut absolui desideret.

2. Ut Amoris Dei ergò dictam, sine conquestu ac perlibenter iufferat aduersitatem.

3. Ut si accusetur quispiam aut culpi-  
tetur, excusare sese renuat.

4. Ut hilariter comiterq; aliorum fragilitates, imbecilitateq; iufferamus: nostris autem minimè indulgeri aut ignoscere, percupiamus ac desiderio inardescamus.

5. Quòd, quò grauiori, siue vel corporali vel spiritali, premimur aporiamur & agariamur pauperie, iugiter cogitemus, nos secundum culpas nostras & demerita, bonorum vltro quàm satis habere.

6. Ut prauis nostris inclinationibus habitibusq; vsq; & vsq; refragemur, quò nesciamus, quid vel velimus aut cupiamus;

mus ; neque etiam velle ac desiderare.

7. Ut nemini non concedamus & permittamus velle suum in nos adoriri & consummare , quantum animæ nostræ salutem concernit.

8. Quî semper Naturæ persuasitrici obnitamur etiamnum maximè contraria ( quousq; totaliter ac perfectè spiritui subdatur & obtemperet ) facere contenti damus & anhelemus.

9. Quî tempus taliter vertere ac ordinare perinde quasi in crastinum moriturî omnino pertinaci studio illaboremus.

10. Ut usq; adeò scopemus Spiritum, & conscientiam nostram serenare adnitamur , atq; omnimoda labe depuratam seruemus , quò eam mors , ex insperato obruere nequeat.

10. Quatenus Vniuersa & singula à Deo cum gratiarum actione & patientia (quantûuis nobis recta fronte contraria) suscipiantur ante omnia verò, ex ijsce aduersis, quanta quanta ad portandum grauia aut ponderosa extiterint, propriû attamen commodum & vtilitatem continuo haurire aut sumere inuigilemus.

12. Tandem , quî voluntatem suam vnusquisq; in Dei resignet voluntatem ; omnem fiduciam suam & spem in eo ponendo.

*Quod*

*Quod nobis praestet Sacro-Sancta  
& individua*

**TRINITAS**

Vnus

**DEUS.**

*Duodecim Corporis infirmitates.*

Caro quod magis	Peccans	eo magis	querula.
	vel melius nutritur		elurit.
	Vestita		frigens
	diligitur		insolescit.
	ei creditur		mentitur.
	punitur		mormorat.
	Satura	eo minus	Contenta.
	honore afficitur		Deum curat
	Ditior aut locupletior		latis habet.
	Perpicax aut intellectu perspicit		bona loquitur.
	Contempta & despecta		formidolosa.
	Propinqua Deo.		recognoscit.

*Duodecim mundi premia  
ex Taulero.*

Mundi	Voluptas	Et	Immunditia
	Consilium		Superbia & avaritia
	Servitus		ma
	Flos		Dulcis, merces vero infir-
	Securitas		onlicher, fructus vero me-
	Auxilium		Proditio.
	Promissum		obitis seu
Fide, servatio		Mendacium	soliditas.
			Pro

Pro gaudio dat luctum & dolorem.

Contusionem pro honore, Falsitatē pro fidelitate.

Pro diuitiis paupertatem perimiam. Pro vita æterna, secundum adeoq; mortem sempiternam.

Quam à nobis auertat Omnipotens & clementissimus DEVS.

*Sequuntur duodecim Prophetiæ, aduentum Anti-Christi præuentura.*

Spiritualis Potestas	] Sine ]	Discretione.
Iudicium		Iustitia.
Matrimonium		Fidelitate.
Diuites		Misericordia.
Pauperes		Humilitate.
Mulieres	] Sine ]	Pudore.
Liberi		Timore.
Senes		Prudentia.
Iuuenes		Honore.
Subditi		Obedientia.
Principes	] ]	Potentia.
Plebs seu vulgus		Deuotione.







## Errata.

Pagina 1 sub fin. Pastor lege Desiderius. p. 1  
 in sportula l. in sportula. p. 5 ob ambulas l. ob  
 ambulas. p. ibi. sub fin. impensè. Pastores. l. im-  
 pensè Pastores. p. 6 v. 5 transire. l. pertransire.  
 ibid. sub fin. de terere. l. dalerere. p. 9 v. 12  
 Hoc Est. l. hoc est. p. 10 v. 19 in re. l. intrare.  
 p. 12 v. 20 fore. l. foret. p. 14 in fin. aae. l. aae.  
 p. 18 comtem. l. contem. p. ibid. v. 29 sub fin.  
 per necess. l. pernecessarium. p. 23 v. 3 intrin-  
 cùs. l. ergo intrinsecùs. p. 26 v. 13. in super. l.  
 insuper. p. 31 v. ult. in fin. qui l. quid. p. 32 v.  
 2 gratudo. l. gratitudo. p. 34 v. 11 et r. l. stare.  
 p. 36 v. 5 decentem monstrat. l. decentem non  
 monstrat. item v. 8 convenientia. l. convenien-  
 tia. p. 40 v. 20 notatio. l. notaris. p. 41 v. 8 quod  
 leg. quid. p. 42 v. 21. facidas l. incidas. p. 44 v.  
 13. patiantur. l. patiatut, aut acc 20. item v. 13.  
 vum. l. vnum. item v. 28. illi l. illi. p. 49 v. ult.  
 intermissuram l. intermissuram. p. 50 v. 22. te-  
 nuiscat l. reuiscat. p. 53 v. 16. referatur l. refe-  
 rantur. item v. 27 te oportare l. exoportare. p.  
 54 v. 14. vocabo l. vacabo. item v. 20 esse l. ef-  
 fect. p. 55 v. 27. aliffam l. affiffam. p. 57 v. 7  
 excubo. l. excubo. item v. 8. dicis, l. dicat.  
 item v. 12 capere l. carpere. item v. 13 contra-  
 ctare l. contractare. item v. 22 acum ignarissi-  
 mus scio fin. l. ac cum ignarissimis scio. item  
 v. 25. diuatorium appetituum. l. diuatorum ap-  
 petituum. p. 58 v. 11. conciam l. conscientiam  
 p. 59


p. 50. v. 18 &  
p. 51 v. 15 gaudiat l. gau-  
diat. p. 64 v.  
l. Virgines. p. 64 v.  
Item v. 19 di cipula  
p. 68 v. 23. ab alio l. ab  
alio. p. 68 v. 23. l. sexcenta. Item v.  
p. 68 v. 17 loci l. loqui. p.  
p. 87 v. 8 pa-  
p. 87 v. 17. quantam, l. quan-  
p. 87 v. 9 illa p. 87 v. 9  
p. 87 v. 26 illa, l. ipse. p. 90 v. 1 habita l. ha-  
p. 90 v. 9. p. 90 v. 9 illa l. adeo. p. 96 v. 22 ediffere  
p. 98 v. 9 percontatur, l. perconta-  
p. 98 v. 8 nihilominus l. nihilominus. pag.  
p. 103 v. ultimo & habetur si, l. si habere. p. 104  
v. 8 operaretur l. operetur. Item v. 10 furum leg.  
futurum. Item v. 10 elargueris leg. elangueris.  
p. 208. v. 10 dixit. l. duxi. p. 111 v. 2 & l.  
& cadebat. p. 114 v. 6 quid, l. qui. p. 117 v. 3  
ignit, l. ignitu. Item v. 6 medultus, l. medulicus.  
Item v. 13 personari, l. personari. Item v. 27 sur-  
gentem l. suggerentem. p. 118. v. 11 sufficientem  
l. sufficientem Desiderium. p. 120 v. 24 herbos l.  
herbas. Item v. 25 inunctanter, l. incunctanter.  
p. 123 v. 8 in audiens, l. inaudiens, Item v. 12  
cupiam l. cuipiam. Item v. 22 ad difficultatem l.  
difficultatem. pag. 124 v. 4 proprio l. propior.  
p. 125 v. 8 offigo, l. offreno. Item v. 11 relu-  
ctor, l. relucter. Item v. 28, ipse, l. ipse.  
p. 126 v. 1. omnia. l. omni. Item v. miracula cla-  
re, l. miraculis clarere. p. 126 v. 12 prastitis,  
l. prastitit.

l. præstitit. p. 133 v. 25. aut vult, l. nec  
 p. 136 v. 2. cellula, l. & cellula. p. 141 v.  
 deoq; l. adeoq;. Item v. 27. decem, l. al.  
 Item v. 28. rotius, l. rotius. p. 146 v. 25. p.  
 l. rudis. p. 151 v. 26. recolorari, l. recolorari.  
 p. 152 v. 20. in speculum, l. in speculum. p. 154  
 v. 5. exhibitum, l. exorbitare. Item v. 25. manus, l.  
 manus. Item 13. opus, l. opus. Item v. 25. 154. v. 3. quin, l. aut. p. 155 v. 22. esse, l. est.  
 p. 156 v. 13. jocari, l. jocari. Item v. 25. ex m.  
 spatiandi, l. ex spatiandi. p. 158 v. 7. vel, l. qui.  
 p. 164 v. 28. quia, l. quia. p. 171 v. 4. tenebris, l.  
 teneberis. p. 173 v. 14. adlabore, l. adlabore.  
 p. 176 v. 9. pronus, l. pronutque. Item v. 25. aut.  
 Diurnos, l. Diuinos. p. 177 v. 13. seruorum, l.  
 seruorum essem. p. 178. seruitium, l. seruitium  
 meum. p. 178 v. 17. possunt, l. possum.




59.  
l.  
eg.  
hom.  
of.  
s. l.  
are.  
re.  
s. l.  
um





Biblioteka Jagiellońska



stdr0020859

